



2623

~~Young N 50~~

~~2000~~  
2483

~~N 48 49~~

g  
y

~~202~~



ԿՏԵԿԵԳԻՐ

ՀՈԳԵՇԱՀ ԲԱՆԻՑ

*[Faint, illegible blue ink scribble or signature]*



Կ Տ Ը Կ Ը Գ Ի Բ

Հ Ո Գ Ե Շ Ը Հ    Բ Ը Ն Ի Յ

Ի Մ Ա Ր Գ Ա Ր    Զ Ա Ք Ա Ր Ի Ա  
Խ Ո Ճ Ե Ն Յ    Ե Ր Ե Ի Ա Ն Յ Ի Ո Յ

Շ Ա Ր Ա Գ Ր Ե Ա Լ    Ի    Հ Ի Ե Ա Ն Գ Ո Ի Թ Ե Ա Ն    Ի Ի Ր Ո Ի Մ  
Մ Ե Ծ Ի,    Ե Ի    Ա Ռ Ա Ք Ե Ա Լ    Ի    Զ Մ Ի Թ Ի Ն  
Ա Ռ    Ո Ր Դ Ի Ն    Ի Ի Բ    Զ Ա Ք Ա Ր Ի Ա  
Մ Ա Ր Գ Ա Ր    Խ Ո Ճ Ե Ն Յ


A 21135

Ի Հ Ա Յ Ր Ա Պ Ե Տ Ո Ի Թ Ե Ա Ն

Տ . Տ . Ն Ե Ր Մ Ե Ս Ի    Վ Ե Հ Ա Փ Ա Ռ    Մ Ր Բ Ա Ջ Ն Ա Գ Ո Յ Ն  
Կ Ա Թ Ո Ի Ղ Ի Կ Ո Ս Ի

Ե Ի Ի    Պ Ա Տ Ր Ի Ա Ր Գ Ո Ի Թ Ե Ա Ն    Մ Ր Բ Ո Յ    Ա Թ Ո Ռ Ո Յ Ս  
Ե Ր Ո Ի Ս Ը Ա Ե Մ Ի    Տ . Տ .    Յ Ո Վ Հ Ա Ն Ն Ո Ի    Մ Ր Բ Ա Ջ Ա Ն  
Ա Ր Բ Ե Պ Ի Ս Կ Ո Գ Ո Ս Ի

Ե Ի Ի    Պ Ա Տ Ր Ի Ա Ր Գ Ո Ի Թ Ե Ա Ն    Պ Օ Լ Մ Ո Յ    Տ . Տ .    Յ Ա Կ Ո Ր Ա Յ  
Մ Ր Բ Ա Ջ Ա Ն    Ա Ր Բ Ե Պ Ի Ս Կ Ո Գ Ո Ս Ի



Յ Ե Ր Ո Ի Ս Ը Գ Լ Ի Մ

Ի Տ Պ Ա Ր Ա Ն Ի    Մ Ր Բ Ո Յ    Յ Ա Կ Ո Վ Բ Ե Ա Ն Յ

1 8 5 3



2000

Секция 100 1-й пер. 1000  
БИБЛИОТЕКА  
ДЛЯ ВМЕСТЕ 0-ВА НА КВАР.

Յ Ե Ռ Ե Տ Ը Բ Ը Ն

Сент. Библиот. Чит. Общ.  
- 6 ЮНЬ 1898  
С. 46 р.

Եթէ դաստիարակութիւնն սղջամիտ, ի  
խրատս յաւէտ առանձնակիցս և դժուա-  
րինն ՚ի բարոյական դասատուութեան, ար-  
ժանի գովեստից իցէ, և մեծագոյն օգուտ  
հոգւոյ և մարմնոյ անտի կէթիցի, ոչ ինչ վե-  
հերեալ զանգիտեմ՝ զառաջիկայ մատեանս  
զնոյն վարկանեւ: Թէպէտ և ամենայն հա-  
սակք մարդկութեան անհրաժեշտ իմն հար-  
կաւ պէտս խրատուց ունիցին, յանսայթա-  
քելի յառաջագիմութիւնն ՚ի բարւոյն կրթ-  
ութանս և ՚ի մարզս բարոյականին, այլ առա-  
ւել սլատանեկութեան է այն սեփականեալ  
իմն իրաւունք. այն ինչ յորժամ երիտա-  
սարդական հասակին յեռանդն վառեալ ՚ի  
տապեռանդն, և դժուարասանձ կրիցն մըրը-  
կախառն ՚ի բորբ ընդ միտս ՚ի վեր ծառա-  
ցեալ՝ զբանականութեան լոյս մթազնէ և  
արդեւ ընտրութեան բարւոյ և չարի անձինն  
լինի: Ասն որոյ բուռն յորձանք կրիցն՝ իբ-  
րու յերեսաց դարնանաղայր հեղեղաց վա-  
րեալ քարովէժ դարահոս յանդուռնդս մատ-  
նենն զնոսա, կրկնակի համբուրել զկորուստ  
անդարմանելի, զհոգւոյն և զմարմնոյն: Օսոյն  
վտանգ հոգեկործան կորովաբիր հայեցուա-  
ծով մտացն նշմարեալ որդեգորով հեղինա-


կիս , թէպէտ և 'ի հիւանդու թեան մահի՞ս  
ջերեալ մերձ 'ի մահ , այլ յուշ ածեալ զբու  
րոյական սարտաւորութիւնս , մասն 'ի գիր  
անդանդազ առ որդին իւր 'ի Զմիւռին փու  
թայ զառաջիկայ հոգեշահ խրատսն առաքել  
իրբու կտակ հայրական , զգուշացուցանելով  
զնա յամենայնէ որդիտէն գործել զեանս մար  
մնոյ և մտաց յոյժ , և ոչ սակաւ հոգւոյ , և  
այնպէս արիանել զնա 'ի բարիոք կախուլն .  
'ի հաստի և յամբի կացուցեալ դօտէպինդ  
արձանանալ ընդդէմ յոլովութեան փնասա  
բեր չորամատենիցն յաճախելոց առ մերով  
ժամանակօքս , ընդդէմ զգայարանացն հա  
կամարտութեանց որ զբաղմաց կախարդեալ  
զուշ և զուրուշ անդգոյշ պարմանեաց 'սան  
ձողեն 'ի հեշտութիւնս մոլեկանս , և ընդ  
դէմ ամենայն զեղծիցն և անկարգ գործա  
ծութեանց բնական կրից մարդոյ :

Այս սարտաւորութիւն սրբազան՝ հարց  
յանձն ելով , այլ բաղմաց ոչ ժամանեալ առ  
յաճախութեան զբաղմանցն կամ առ ան  
փութութեանն անձամբ կատարող սարտա  
ւորութեանս լինել , ոչ ինչ անտեղի արդեօք  
համարիցի կատարել զնոյն 'ի ձեռն բարե  
հրահանգ դաստիարակի , քան զամենայն աշ  
խատութիւնս և զբրտունս իւր զոր 'ի աղսց  
հասակի որդեացն կրեաց , 'ի սրտանեկու

Թեաննոցա անդ յանշահս մատնել զամենայն,  
Թողեալ զնոսին հատանիլ յաւելագործ մա-  
նաւանդ եթէ յապականագործ հակամիտու-  
թիւնս բնական բերմանցն և աղգման, որոց  
վախճան հայի յատակս դժոխոց : Իսկ որոց  
զաշխատութիւն յանձն առեալ ՚ի ձեռն հո-  
գեշահ մատենիս ջանան ՚ի հրահանգ բարի  
ածել զնոսա, զհամոյսն և զչափովն ներելով  
նոցին առնուլ զճաշակ աշխարհական վայե-  
լիցս և անմեղ հեշտութեանցս, զնոցին հո-  
գեացն փրկութիւն շահեսցին, և անձանց  
մթերեսցեն յիշատակ բարի յաստիս, և անդ  
տայցեն դատ արդար դատաւորին՝ ասելով.  
Աւասիկ ես և մանկունք իմ :

Ի սոյն յայս յուսով վստահացեալ գրկա-  
լիր ընդունելութեան առաջիկայ օգտաշահ  
մատենիս ՚ի բարեգորով և յորդեսէր ծնո-  
ղաց, նոցին խնամոց և ջանիցն առնեմք ա-  
պաստան՝ պարտավճար լինել այսու զոր առ-  
որդեակս իւրեանց ունին հարկ ՚ի բնութենէ  
և ՚ի նախախնամութենէ յինքեանս հաստա-  
տեալ. և այնպէս փառաւոր գործել զյիշա-  
տակ հեղինակիս, և փոխարինել զաշխատանս  
և զակնկալութիւն սրբոյ Աւստիս, որ աղգայ-  
ին բարգաւաճանաց և հոգեւոր զարգացմանն  
յուսով պարարեալ՝ նուիրէ Հայկազն պատա-  
նեկացս զսոյն մատեան խրատարար :





6 ИЮНЬ 1898

Центр. б-ка  
Апр. 1901. 417.

ՋՄԻԻՌԻՆ

Օգտնալիտ սրբեակի իմ Ջաքարիա :

**Ի**ՐԱՄԱՅԷ մեզ սրբազան առաքեալն  
 Պօղոս , հատուցանել ամենեցուն զպարտս ,  
 և մի ումեք պարտապան գտանիլ : Այլ ըստ  
 որում հարք առաւել պարտականք են առ  
 որդիս իւրեանց , ոչ միայն սնուցանել զնոսա  
 մարմնաւորապէս , այլ և կրթել 'ի հոգևոր  
 և 'ի մտաւոր հմտութիւնս իմաստից ըստ  
 տանելոյ կարողութեան մտաց նոցին , վասն  
 որոյ պարտ և արժան համարեցայ աստէն ,  
 առ 'ի անպարտ կացուցանել զիս առաջի  
 Աստուծոյ՝ գրել քեզ յառաջիկայ թղթիս  
 բանս ինչ համառօտ օգտաւէտ հոգւոյ և  
 մարմնոյ քո , խնդրելով 'ի քէն նախ մատու  
 ցանել ինձ զսելութիւն քո՝ բանիւ Իմաստ  
 նոյն , թէ՛ « Առբ սրգեակ խրատու հօր քո ,  
 և մի մերժեր զօրէնս մօր քո » . այսինքն՝ հո  
 գևոր և մարմնաւոր ծնողաց : Այլ ապա 'ի  
 վերայ ածել , թէ՛ զգաստ և զգոյշ լեր 'ի խր  
 մորոյ Սաղուկեցւոյ և Փարիսեցւոյ , ըստ  
 խրատու և հրամանի Քրիշին մերոյ :

Ասացաւ 'ի խմորոյ Սաղուկեցւոց , որք  
կուրացեալք յաստուածային անճառելի  
մարդասիրական խորհրդոյն՝ սւրանան ըզ-  
կեանս յաւիտենականս զոր սրարգէէ Աստ-  
ւած վերստին ծնելոց 'ի Հոգւոյն : Ամանա-  
պէս և 'ի Փարիսեցւոց , որք թէպէտ խոս-  
տովանին զյարու թիւն մեռելոց , բայց ախ-  
տացեալք զախտ փառամոլութեան և զչա-  
հասիրութեան՝ փոխանակեն զԱրարիչն ընդ  
արարածոց առնելով զամենայն դործս բա-  
րիս և զառաքինութիւնս իւրեանց 'ի ցոյցս  
մարդկան , առ 'ի ընդունել դրուատս գո-  
վեստից 'ի անսողաց և 'ի լսողաց . որոց այն  
խակ են վարձք նոցա :

Ապա 'ի կարգ անկեալ յառաջադրեալ  
բանիս՝ սկիզբն տացուք յերբեակ համառօտ  
հաստուածս տրոհելով : Ախ՛ 'ի վերայ ազ-  
նուութեան և յասկութեան մարդոյ՝ որով  
զանազանի յոյլոց անբան կենդանեաց : Ար-  
կրորդ՝ 'ի վերայ հնգից զգայարանաց : Ար-  
բորդ՝ 'ի վերայ ամանց գլխաւոր կրից :



# Մ Ա Ս Ն Ա Ռ Ա Յ Ի Ն



Վ Ա Ս Ն Ա Ջ Ն Ո Ւ Ո Ւ Թ Ե Ա Ն Ե Ի Յ Ա Տ Կ Ո Ւ Թ Ե Ա Ն  
Մ Ա Ր Դ Ո Յ

« Մ Ե Տ Է մարդ և սրտառական ,  
բայց զայր հաւատարիմ գոյժ Է զը-  
տանեւ » : ՍՈՂՈՄՈՆ . Ա Ր Ա Կ Ի . Յ :

« Մարդ ՚ի սրտառի էր , և ոչ իմա-  
ցաւ . հաւատարեցաւ անասնոց անբա-  
նից , և նմանեցաւ նոցա » :

Դ Ա Ի Ի Թ . Ս Ղ Մ . Խ Ը . Զ Է :

**Ա**ՍԱՅԱՔ ՚ի վերոյ՝ զգոյշ լինել ՚ի խը-  
մորոց , այսինքն յազանդոյ Սադուկեցւոց :  
Եւ զայս գրեմքեզ , գիտելով զքաջ տեղե-  
կութիւն ձեր ճոխիմաստ լեզուին Գաղղիա-  
ցւոց , որ համանմանի արգասալիբ ազարա-  
կի , յորում գտանին բողբոջեալ ամենակերպ  
բարիք իմաստութեան և զանազան գիտու-  
թեանոց՝ ՚ի հոգեւորն և ՚ի մարմնաւորն :

Բայց յիշեալ և ՚ի միտ առ , սրգեակ  
իմ , զի և առ այս իսկ յատկապէս նկատեն  
բանք զոր իմաստութիւնն Հօր և միածին  
Բանն Աստուծոյ՝ փրկիչն մեր Յիսուս Քրիս-

տոս աստուածային բերանովն իւրով ծա-  
նուցանէ մեզ, թէ յաւուրս յետինս բա-  
ղում մոլորամիտ անձինք յայտնեցին յա-  
գարակի եկեղեցւոյ իւրում, որք և բազում  
անտեղի չար մոլորութիւնս սերմանեցեն  
ի նմա, յասել իւրում, թէ «Նմանեցաւ  
արքայութիւնն երկնից առն որ սերմանիցէ  
սերմն բարի յագարակի իւրում: Աւ ՚ի  
քուն լինել մարդկան, եկն թշնամին նորա,  
և ցանեաց ՚ի վերայ որոմն ՚ի մէջ ցորենոյն՝  
և դնաց: Աւ իբրև բուսաւ խոտն և արար  
պտուղ, ապա երևեցաւ և որոմն: Ստու-  
ցեալ ծառայք տանուտեառնն ասեն ցնա .  
տէր՝ ոչ սերմն բարի սերմանեցեր յագա-  
րակի քում. արդ՝ ուստի՞ ունիցի զորոմն:  
Աւ նա ասէ ցնոսա . այր թշնամի արար  
զայն ո, և այն: Ստփ. յ. Գ. 24:

Արդարև տեսանեմք բազում որոմունս  
մոլորութեանց սերմանեալ յագարակի ե-  
կեղեցւոյ թիւր մեկնութեամբք աստուա-  
ծային գրեանց: Ի այց յատկապէս ՚ի յետին  
աւուրս տեսանեմք՝ զի յամենագոյնի և  
յարգասարեր ագարակի բազմիմաստ լե-  
զուին Վաղղիացւոց առաւել թիւնալի և  
մնասակար որոմունք մոլոր հերետիկոսու-  
թեանց սերմանեալ գտանին ՚ի թշնամեաց



հաւատոյ , Վանդի տղէտ գիտունք ներկայ  
 դարուս աստացեալք և փրացեալք ամբար-  
 տաւանութեամբ ճոռոմարանութեան իւ-  
 րեանց՝ թիւնաւորեցան ՚ի հեթանոսական  
 յանհիմն և ՚ի թերի փիլիսոփայութենէ , որք  
 ոչ քարոզելով զխաչելեալն Տրիստոս քսա  
 առաքելոյն <sup>1</sup> , սկսան յառասպելական գը-  
 րեանս իւրեանց յայտնապէս ուրանալ ըզ-  
 կեանս յաւիտենականս , ոչ ինչ գիտելով և  
 ոչ հաւատալով վերստին ծննդեանն . ուրա-  
 նալով իսպառ և զխորհուրդ մարդեղու-  
 թեան բանին Աստուծոյ . բացասելով նա և  
 զմարդկեղէն բանական հոգին , զոր մարդ-  
 կային սեռիս միայն շնորհեաց Աստուած :  
 Այլ նկատելով և եթ ՚ի զգալի երևոյթս  
 հասարակ ընթացից բնութեան , և տեսա-  
 նելով ՚ի նմին ՚ի ջինջ և պայծառ հայելոջ  
 զարտաբին գէմն իւրեանց , կամեցան ենթա-  
 դատել և զմարդն իբրև զմի ՚ի յանասնոց ,  
 բարեյարմար կազմուածով միայն զանազա-  
 նեալ ՚ի նոցունց՝ տեսահաւն , տալով զամե-  
 նայն հնարագիտութիւն , զիմացականու-  
 թիւն և զբանականութիւն նորա առոյգ  
 և քաջայարմար կազմուածոյ մարմնոյն և

ձեռք անդամացն , որ կոչի 'ի լեզու նոցա  
Օրհմէիւնդիօն :

Ս'հ մեծի կուրութեան նոցին : Քանզի  
ոչ հիմնելով զիմաստութիւն իւրեանց 'ի  
վերայ կեդրոնի եռակի հիման աստուածա-  
ճանօթութեան , ոչ կարացին որպէս անկէ  
ճանաչել զԱստուած և ոչ զինքեանս և ոչ  
խկ զզօրութիւնս զբոց՝ որք անատերիւր  
վարդապետութեամբ ուսուցանեն , թէ  
« Սկզբն իմաստութեան երկիւղ Տեառն .  
և 'ի խորհուրդս գիտութեան զՏէր ճանա-  
չել »<sup>1</sup> : Աբոց եթէ ճանուցեալ էր , կա-  
րէին 'ի միտ առնուլ թէ յորում գերագոյն  
և 'ի սրտուական աստիճանի արար Աս-  
տուած զմարդ , մինչ զի կոչեցաւ ազգ նորս  
և հաղորդ աստուածային բնութեան բոս-  
բանի սրբազան առաքելոցն Պետրոսի<sup>2</sup> և  
Պողոսի<sup>3</sup> : Թողեալ և զարտաքնոցն ասաց-  
ւածս , զՍողոմոնին 'ի մէջ բերցուք զվկայ-  
ութիւն . « Ս'ծ է մարդ և սրտուական ,  
բայց զայր հաւատարիմ գործ է գտանել » .  
հաւատարիմ առ աստուածայինս :

Նոյնպէս և աստուածախօսն Մովսէս 'ի

1 Լւս . 7 :

3 Բ . Պէր . 4 :

2 Գործ . ԺԵ . 29 :

ճառել իւրում զստեղծմանէ աշխարհի՝ ուսեալ յԱստուծոյ՝ կարի յայտնագոյնս ծանուցանէ մեզ զազնուութիւն և զյատկութիւն մարդոց ՚ի գրելն զեղելութենէ ամենայն էակաց, և ասէ. « Եւ ասաց Ասուած. եղիցի լոյս՝ և եղև : Եղիցին լուսաւորք ՚ի հաստատութեան՝ և եղևն : Հանցին ջուրք զեռունս շնչոց կենդանեաց և թռչնոց՝ և եղևն : Բղխեացէ երկիր զբանջար խոտոց և անկոց, և հանցէ սողունս և գաղանս և անասունս՝ և եղևն »<sup>1</sup> : Իսկ յասել իւրում վասն մարդոց, ցուցանէ խորհրդակցութիւն իմն ՚ի մէջ երբակի կեդրոնի, սյսինքն ՚ի մէջ ամենասուրբ Երբուրդութեան, թէ « Երացուք մարդ ըստ սրտիկերի մերում և ըստ նմանութեան, որ իշխեացէ ՚ի վերայ ամենայն էակաց երկրի »<sup>2</sup> : Եւ ոչ եթէ իբրև զսյլ արարածս բանիւն լոկ գոյացոյց զմարդ, զի լինէր յայնժամ հաւասար այլոց կենդանեաց բոլրսն յերկրէ : Վասն որոյ առաւել իմն հաստատութիւն և հաւասարութիւն տալ լով ազնուութեան և յատկութեան մարդոց՝ ասէ. « Եւ ստեղծ Տէր Աստուած ըզ-

1 Օ<sup>ն</sup>՝ Ե. 5 :

2 Լ<sup>ն</sup>՝ Ե. 26 :

մարդն հող յերկրէ Կ. և ապա յարէ. « Եւ  
 փշեաց յերեսս նորա շունչ կենդանի, և եղև  
 մարդն յողի կենդանի Կ. որով եցոյց բա-  
 ւականապէս եթէ սրբաբեաց Աստուած  
 մարդոյ բանական հողի՝ յասուկ օժտեալ  
 աստուածային փշմամբ և աղղեցութեամբ :  
 Եւս և շնորհեաց նմա ըստ աստուածային  
 նմանութեանն իշխանական անձնաւորու-  
 թիւն . քանզի շունչ բառս առ Եբբայեցիս  
 ասի ՚էֆէս, որ նշանակէ անձն . այսինքն  
 կատարեալ անձնաւորութիւն փշեաց ՚ի նա  
 Աստուած : Նմանապէս եցոյց՝ եթէ և նիւթ  
 մարմնոյ նորա յոյժ զանազանի ՚ի նիւթոյ  
 մարմնոյ այլ կենդանեաց, ասելով. « Եւ ըս-  
 տեղծ զմարդն հող յերկրէ Կ և այլն : Ապա  
 զխորդ կարելի է մարդոյ լինել իբրև զմի  
 յայլոց կենդանեաց, որք հասարակ ստեղ-  
 ծադործութեամբ գոյացան, և ոչ ըստ օրի-  
 նակի մարդոյն յասուկ արարողութեամբ :  
 Իսկ եթէ յանդգնեալ ոչ հաւատան բանից  
 Մովսէսի, գոնէ գործոցն հաւատասցեն :

Աստանօր պատշաճ համարիմ ասել ինչ  
 բանս համառօտակի վասն այնոցիկ՝ որք ոչ  
 կամին հաւատալ դրոցն Մովսէսի որ վասն  
 ստեղծադործութեան, առարկելով բազում  
 կերպիւ : Նախ՝ վասն ժամուն և ժամանակին

յորում տայ Մովսէս սկիզբն արարչագործութեան : Արկրորդ՝ վասն այն զոր առարկեն , թէ յառաջ քան զայն ժամանակ ոչ գոյին ստեղծուածք , և յետոյ կամ եղև Աստուծոյ ստեղծանել : Արբորդ՝ վասն վեցօրեայ արարչութեան և եղանակին որով արար Աստուած . և այլ բազումք զոր չկամիմք մի ըստ միովէ դրել առ ՚ի չտալ ձանձրութիւն ընթերցանելեաց :

Վասն առաջնոյն վիճաբանեն ասելով . Օր օրինակ ոչ ոք գիտէ զկատարած աշխարհիս , նոյնպէս և զսկիզբն նորա . կամ թէ , ոչ սկիզբն ունի ամենեկին և ոչ վախճան , ըստ այնմ թէ « Ազգ երթայ և ազգ գայ , և երկիրս յաւիտեան կայ »<sup>1</sup> : Աւ վասն երբորդին ասեն , թէ ուրեմն փոփոխութիւն գոյ յԱստուած , որ երբեմն ոչ կամեցաւ՝ և ասդա կամեցաւ , և կամ յետոյ խորհեցաւ ստեղծանել , և այլն : Իսկ վասն երբորդին առարկեն , թէ չունէր արգեօք Աստուած կարողութիւն զբողոքն համանգամայն ՚ի միում կիտի և միով բանիւ առնել . և կամ թէ կարօտանայր նիւթոյ և արհեստի , զի ՚ի մէջ վեց աւուրց այնչափ

1 յ. 172 . Ա . 4 :



բաժանմամբ արար զնոսսս, և այլն : Քանզի ասեն՝ թէ առ Աստուած չիք անցեալ և ապառնի, այլ բոլորն համանգամայն ներկայ է առաջի նորա : Այնպէս չիք ՚ի նմա անկարութիւն և կամ կարօտութիւն արհեստի և ժամանակի, այլ ամենայն ինչ կախեալ կայ միայն զկամաց նորա, որ է իննելութիւն ամենեցուն, և կամք իւր ընդ ինքեան է անսկիզբն և անժամանակ և յաւիտենական, և այլն :

Առ այս պարտիմք գիտել, եթէ Մովսէս կարի նրբախօս է ՚ի ճառսն ստեղծագործութեան, և համառօտ բանիւք բազում ինչ ծանուցանէ մեզ. քանզի ասէ. « Իսկզբանէ արար Աստուած զերկին և զերկիր », ոչ ինչ յիշելով զժամն և զժամանակն, և ոչ զեղանակն՝ թէ երբ և կամ ո՞րպէս արար : Ահա այսու սակաւութեամբ բազում ինչ ծանուցանելով եխից զերանս հակառակորդաց : Այլ ապա յարէ. « Այլ երկիր էր աներևոյթ և անպատրաստ, և խաւար ՚ի վերայ անդընդոց », և այլն. բայց զերկնից ոչ ինչ յիշէ :

Աստանօր իմա՛ եթէ ըստ նկարագրական մեկնութեան կամեցաւ Մովսէս ծանուցանել, թէ ընդ հանութեան ինքեան յԱստուծոյ սկսան և ոչ ինքեամբ : Այա և՛ Աստուած

կարողութեամբ, իմաստութեամբ, և կամեցողութեամբ իւրով արար զնոսս 'ի ձեռն կարգադրեալ բնութեան, և ոչ պատահմամբ կամ շիտթմամբ : Այլ և կամեցաւ Մովսէս համառօտաբար զլաժանմունս տարերց և տարրականաց, և ս և զաստիճանս և զզանազանութիւնս էակաց ծանուցանել ըստ տանելոյ մարդկային իմացուածոյ, զի գոնէ սակաւ ինչ լուսաւորիցին միտք ժողովրդեան իւրոյ 'ի բնական դիտութեան զոյգ բնդ հաւատոց, եթէ՛ Աստուած է որ առնէ զայս ամենայն, և ոչ բնութիւնն՝ որ է գործի Աստուծոյ, և կամ այլ որ : Այլ և զի ծանուցէ նոցա զազնուութիւն մարդոյ՝ գորով ստեղծուած Աստուծոյ 'ի գերազանց աւտիճանի յատուկ ստեղծագործութեամբ, և յատուկ բանական հոգւով կամ անձնաւորութեամբ պերճացեալ, և ոչ սրպէս ըզհասարակ կենդանիսն՝ անշուք : Այց գիւրասահ և փոփոխելի բնութեան գոլով վեճակեալ՝ կոյ 'ի մեջ հոգեկան և մարմնական կացութեան :

Օսոյն նրբիմաստ ասութիւն Մովսէսի մեկնեն ոմանք ֆիզիքականք և այլազգ. իբրու զի այսու վեցօրեայ արարչութեամբ կարեմք իմաստասիրել նա և զլինելութիւն

իւրաքանչիւր անհատից , ասելով այսպէս .  
 Իսկզբանէ արար Աստուած զերկին և զեր-  
 կիր , այսինքն զարուն և զէգն . և երկիր էր  
 աներեւոյթ և անպատրաստ , և խաւար 'ի  
 վերայ անդնդոց , և հողի Աստուծոյ չբջիք  
 'ի վերայ ջուրց , իմանամք զնորապէս ծնա-  
 նելին : Այլ զոր յառաջնում աւուր ասաց՝  
 եղիցի լոյս , իմանամք նախկին կէտն գոյա-  
 ցութեան անհատին : Այլ բաժանումն ջուր-  
 ցն նշանակէ զտեւումնս . ջուրն վերին՝ զօ-  
 բութիւն արական , և ջուրն ներքին՝ զօբու-  
 թիւն իգական : Հաստատութեամբն՝ զտե-  
 սակաւորիցն : Ի ուսմամբ բանջարեղինաց՝  
 զաճումն և զբողբոջիւն անգամոց : Առսա-  
 ւորօքն՝ զգոյսարանս և զիմացականութիւնն :  
 Այլ 'ի վերջէ ընդ մարդոյ՝ և անասնոց լինե-  
 լութիւնն , ցուցանէ զմարդն լինել փոքր  
 աշխարհ , որ է կնիք ամենայն ստեղծուա-  
 ծոց , որ փչմամբն Աստուծոյ զարդարեցաւ  
 բանիւ : Այլ թէ՛ հանգեաւ Աստուած յա-  
 ւուր եօթներորդի . զի իբրև պսակ բոլո-  
 բեաց զմարդն 'ի վերայ ամենայն արարա-  
 ծոց . որոյ անմեղ կեանքն դրախտավայել ,  
 և ծագումն Եւոյի 'ի կողից նորա , պատ-  
 ւէրն 'ի զգուշութիւն չմերձենալոյ 'ի սլը-  
 տուղն գիտութեան բարւոյ և չարի . ապրու-

տամբութիւն նորա թելադրութեամբ օժակերպ անձնիշխանական հակամանն ՚ի հաճութիւն անձնասէր կամաց իւրոց . զօրութիւն կամ ներգործութիւնն անիծից , և զրկումնն ՚ի փափկութեան փայրէն , և փակել ճանապարհին ծառոյն կենաց . այս ամենայն ուշիմ և նրբամիտ վերձանողաց յայտնապէս տեսանի ՚ի սլատկերի իւրոքանչիւր անհատից բնականաբար . զորոց և թէ Տէր կամեսցի՝ զբեցութիւն այլուր , և ս և մասնաւորաբար ՚ի յառաջիկայ բանիս ուր հարկըն և դէպք սրահանջիցեն :

Իսկ ըստ խորհրդական մեկնութեան յոյժ գաղտնի և խորին են խորհուրդք նորա , թէպէտ և յայտնի և մեկին յոյժ որոց աչս ունիցին : Արդ՝ նախ փշմամբն Աստուծոյ Ազգամ՝ ծանուցանէ թէ ձեռնադրեաց զնաքահանայապետ , որով և հաղորդս արար աստուածային զօրութեան , ներգործութեան և որանչելադործութեան<sup>1</sup> . յորմէ փոխանցեաց ձեռնադրութիւնս այս մինչև ց՛տոյ , առ որով բարձաւ ՚ի հասարակաց՝ յասելն թէ « Մի մնացէ ոգի իմ ՚ի մարդկանդ յայդմիկ յաւիտեան , վասն լինելոյ դոցա

1 Ա. Պէր. Բ. 3. 9 : Բ. Պէր. Ա. 4 :

մարմինն ո՞ր : Այլ 'ի Նոյէ սկսեալ եհասա 'ի ձեւ  
 ւրն արժանաւորաց մինչև յՄեղրբիսեդեկ ,  
 և յԱբրահամ և յմարդարէս մինչև յՅով-  
 հաննէս Մկրտիչ՝ որ և կոչեցաւ ձեռնադրող  
 Յիսուսի ըստ մարդկութեան . և 'ի Յիսուսէ  
 մինչև ջկատարած աշխարհի անխափան տե-  
 ւեսցէ և հանգիցէ յայնոսիկ որք խնդրեն  
 զնա ամենայն սրաիւք և ջանիւք : Այլ երա-  
 նի որոց արժանաւորութեամբ ընդունիցին :

Այլ ապա զոյգ ընդ վիպասանութեան  
 տակ զճաղործութեան մարդոյ ծանուցանէ  
 և զմարդեղութիւն Բանին Աստուծոյ , ըզ-  
 հիմնադրութիւն և զհաստատութիւն սրբոյ  
 Եկեղեցւոյ՝ շինմամբ 'ի կողէն Աբամայ զԵւա :  
 'Եւ և անիծանելով զօձն բանսարկու և ա-  
 սելով՝ . « Այդից թշնամութիւն 'ի մէջ կնո-  
 ջըդ , այսինքն եկեղեցւոյ , և 'ի մէջ զաւակի  
 դորա , այսինքն Քրիստոսի և հետեւեոց իւ-  
 բոց . նա սպասեսցէ քում գլխոյ , այսինքն  
 խորտակեսցէ . և դու սպասեսցես նորա գար-  
 շապարի , այսինքն մոլաբ հերետիկոսաց՝ որք  
 ելանեն արտաքս սրբոյ Եկեղեցւոյ , աւե-  
 տարանական վարդապետութեանն ո և այլն :

Իսկ 'ի մնացեալ խորհրդական գրուածս



Մովսէսի գրեթէ այնչափ սքանչելի խորհուրդք իմաստութեան ծածկեալ կան, որոց առանց աստուածային ներշնչման և անխարդախ ուսուցչի անկարելի է ումք հասուլինեւ, զոր և զկնի վերձանելոյ ուրուք՝ անհնարին ևս է յայտնել անարժանից։ Մանաւանդ զի թէ և հաղորդիցի նոցա նշոյլ ինչ ՚ի նոյն խորհրդոց, ոչ ինչ զօրեն իմանալ, եթէ չիցէ տուեալ նոցա ՚ի վերուստ։ Բայց այսմ ոչ հաւատան հակառակորդք, զի ինքեանք անգէտք են բոլորովին, և եթէ որ յայտնեցէ ևս նոցա՝ ոչ կամին հաւատալ զի զրկեալք են, ուստի որք գիտենն՝ ոչ ինչ փոյթ տանին ուսուցանել նոցա, բառ այնմ թէ՝

« Աւինն զՄովսէս և զմարգարէս, նոցա լուրիցեն... իսկ եթէ Մովսէսի և մարգարէից ոչ լսեն, և ոչ թէ ՚ի մեռելոց որ յառնիցէ հաւատասցեն »<sup>1</sup>։ Աւրեմն թողցուք զնոսս յանհաւատութիւն իւրեանց, և մեք հեռեւեւցուք կարգի բանիս՝ խօսելով այլազգաբար։

Վիցուք թէ իսկզբանէ անժամանակաբար արար Աստուած զայս ամենայն, ուրեմն բովանդամկ սեռք և տեսակք էակաց էին այսպէս իսկզբանէ անտի որպէս և են այժմ։


1 Վ՝-ի . յ. 2 . 29 :

Արդեօք 'ի նախնու մն եթէ՛ անասունք և եթէ մարդն այսո՛ւ տեսակաւ և բնութեամբ էին զոր ունին այժմ, եթէ այլազգ՝ և արդ փոփոխեալ : Արածեմ եթէ՛ ոչ որ կարէ աւել՝ փոփոխեալ . քանզի սերունդք սեռից և տեսակաց բաւական վկայք են, և չիք ինչ նշմար փոփոխման բաց յոմանց սլատահմանց, այսինքն երկարակեցութեանց և յաղթանդամութեանց, և յայլ այսօրինակ սլատահմանց : Այլ ընդ սեռի և տեսակի և բնութեան մի և նոյն գոլ ընդհանուր արարածոց մինչև ցայժմ՝ ինքեանք իսկ վկայեն, և յաւելուն և սցուցանել զմշանջնականութիւն իւրեանց, և այլն :

Այսա զի՛նչ փոյթ և օգուտ իցէ մեզ յանդգնաբար վիճել և երկմտիլ ընդ վեցօրեայ արարչութիւնն, կամ ընդ սկզբնաւորութիւն ժամուն և ժամանակին, և ընդ եղանակն զորս գրէ Մովսէս, զորոյ զմիտան չկարեմք գիւրաւ իմանալ : Օ՛րնչ արդեօք վնասիցեմք և կամ մեղանչիցեմք երբէք, 'ի հաւատալ մեր՝ եթէ յառաջագոյն իցէ ժամանակն քան զարարչադործութիւն աշխարհիս, և կամ անտի սկզբնաւորեալ : Այլ եթէ արարածք 'ի մէջ վեց աւուրց, և կամ 'ի միում կիտի՛ միով բանիւ արարան : Այամ թէ՛

ի միոյ միայնոյ մարդոյ սկիզբն կալաւ ազգ-  
մարդկան, ( ըստ որում հարկ իսկ է լինել  
ըստ բնական գիտութեան, որպէս և թը-  
ւաբանութիւնն ուսուցանէ. զի ամենայն  
բաղմաւորութիւնն ՚ի միակէ սկսանի բաղ-  
մանալ, ) և կամ թէ՛ աշխարհս լի էր մարդ-  
կամք սկզբնաւորեալ ՚ի զանազան ցեղապե-  
տից. իսկ Մովսէս Ագամաւ կամէր ծանուցա-  
նել մեզ զազգաբանութիւն որոշեալ ցեղի  
միոյ, և կամ զսկզբնաւորութիւն մարդ-  
կային սեռի՝ ՚ի նոյն եղանակ, և այլն :

Սիթէ ոչ են մեզ բաւական վկայու-  
թիւնք ՚ի ստուգութիւն բանից նորա այս  
ամենայն գոյութիւնք զոր տեսանեմք յաշ-  
խարհի. զի զոր ինչ և գրեաց վասն արա-  
բածոց՝ նոյն են բնաւին, և ոչ ինչ վրիպի ՚ի  
բանից նորին : Սանաւանդ զի հանդարտին  
ամենայն հետազօտութիւնք մեր ՚ի յենուլ  
ի վերայ միոյ սկզբան. ապա թէ՛ ոչ երե-  
րեալ տատանիմք, և չգիտեմք զինչ երևա-  
կայել յորժամ զարտուղիմք յուղիղ սրող-  
տայէ : Արեմն չիցէ՛ մեզ բարիոք ըստ բա-  
նից Մովսէսի Խորենացւոյն թողուլ զառա-  
սկէլական զրուցաարութիւնս այլոց և հե-  
տեւեւ ըսնից Մովսէսի, որում և հաւա-  
տացեալս եմք՝ եթէ ՚ի ժամանակի միում



Աստուած իւրով անհուն կարողութեամբ իմաստութեամբ և բարութեամբ՝ սցոխնքն կամեցողութեամբ արար և ստեղծ զամենայն էակս կարգաւորեալ բնութեամբ յայլ և այլ սեռ՝ տեսակ և աստիճան, և ոչ պատահմամբ՝ որպէս և յոյժ տգիտագոյնքն ՚ի մարդկաց զսոյն և ս բարբանջելով զօղանջեն, ոչ գիտելով թէ զի՞նչ է պատահումն, և զի՞նչ զօրութիւն նորա :

Քանզի պատահումն ըստ ինքեան ոչ ինչ գոյով՝ ոչ կարէ տեսլ, և ոչ իսկ կատարեալ տեսակ ինչ յառաջ ածել և ունել սերունդ բազմանալոյ, որպիսի է ջորին, և այլք ըստ նմանէ : Աոյնպէս ժամունք, մժեղք և ճըճիք, և կամ վայրենի բոյսք, որք պատահմամբ գոյանան ՚ի ձեռն ոմանց պատճառաց, բայց չունելով սերունդս՝ ոչ ՚ի համարի տեսակաց դասին, և ոչ իսկ տեսն. այլ ՚ի միւռմ ամի կամ ՚ի ժամանակի գոյանան, և ՚ի միւսումն ոչնչանան, սպա թէ ոչ՝ յանհունն սարտ էին ձգիլ, և կարգաւորութիւն բնութեանն խափանիւր՝ եթէ պատահմամբ տեսակք յառաջացեալ լինէին. որ և սցս անհնարին է : Քանզի արարածք հունաւորեալք են և սահմանեալք, իսկ անհունն ոչ երբէք անկանի բնդ սահմանաւ՝

ըստ հանուրց փիլիսոփայից :

Նա և ղիսմրդ կարելի է պատահամբ այսպիսի կատարեալ տեսակաց յառաջանալ, և սքանչելի կաղմուածք մարմնոյ գեղեցկաշէն յօրինիլ, ըստ որում պատահումն ըստ ինքեան կոյր գորով է իմն ոչ ինչ. և յոչնչէ ինչ յառաջանալ անհնարին է : Մանաւանդ զի եթէ պատահամբ գոյացեալք էին, պարտ էին և ՚ի վաղ ժամանակաց հետէ պատահամբ կորնչիլ, և ոչ ընդ այսչափ բազմամեայ ամս տեւել կարգաւորեալ բնութեամբ և ընթացիւք ՚ի սերունդս իւրեանց :

Իսկ եթէ ասիցեն ըստ ոմանց, թէ երեսուն և վեց հազարամեայ շրջանաւ հաստատութեան պարտին ամենեքին տեւել, և յետ այնորիկ ընդունել զփոփոխութիւն կամ զնորոգումն, և այլն. ուրեմն չէ պատահամբ ամենեին, և ոչ իսկ զօրութեամբ լի բնութեան, այլ գերազանց և անվրէպ իմն կարգադրութեամբ : Արդ՝ եթէ կարգադրութեամբ, ասպ կամեցողութեամբ. եթէ կամեցողութեամբ, ուրեմն գիտութեամբ՝ այսինքն իմաստութեամբ. և եթէ իմաստութեամբ, ասպ և կարողութեամբ : Արդ՝ եթէ կարողութեամբ՝ իմաստութեամբ՝ և կամեցողութեամբ եղեն արարածք, ուրեմն



Աստուծոյ արարան և ո՛չ ՚ի սրտահամանէ , կամ ՚ի լոկ բնութենէ : Այլ եթէ Աստուծոյ և ՚ի կամեցողութենէ նորին եղեն , ուրեմն կան և մնան սրտահամանալք և կառավարեալք ՚ի կարողութենէ՝ յիմաստութենէ և ՚ի կամաց նորա , ուստի և առանց երկբայութեան ունին սկիզբն : Այլ ամենայն որ ունի սկիզբն , ունի և զվախճան կախեալ զկամաց սկզբնաւորողին , որոյ զվախճանէ՝ աստուածային գիրք նորոգումն ասեն և ո՛չ ոչնչանալ , ըստ այնմ . « Այլ տեսի երկին նոր՝ և երկիր նոր »<sup>1</sup> : Արոյ զհարգն Աստուծոյ ինքեան է միայն գիտելի : Ամենայնէս և վասն ժամուն և ժամանակին ոչ որ գիտէ , ոչ որդի՝ այսինքն մարդ , և ոչ հրեշտակ , այլ միայն հայր , այսինքն Աստուած<sup>2</sup> : Այսպէս և Ֆիլիպոյն , այսինքն բնական գիտութիւնն և արուեստն աստեղարաշխութեան յայանի հաւատութեամբ ցուցանեն՝ թէ նորոգութիւն երկրագնացոյ հարկիւ լինելոց է բնականաբար , և այն ՚ի ձեռն հրոյ , որպէս և վկայեն մարգարէք , թէ « Հուր առաջի նորա գնացել »<sup>3</sup> . և թէ՝ հրով գատելոց է երկիր ,

1 Յայտ . ԻԱ . 1 :      2 Սարգի . ԻԴ . 56 :  
 — Եսայ . ԿԵ . 17 :      3 Սղ . ԴԶ . 3 :

և այլք բաղու մք<sup>1</sup> :

Վանդի ասեն բնադնինք , թէ ամենիւ մասս ճարտարապետ հիմնարկուն աշխարհիս 'ի բաժանել իւրում զչորեսին տարերս , բաժանեաց նաև զնոյն իսկ իւրաքանչիւր տարր 'ի նուրբ և յառաւել նուրբ , 'ի թանձր և յառաւել թանձր մասունս իւրեանց . յորոց և գոյացոյց զանազան էակս ըստ սեռի իւրեանց , այսինքն 'ի յօդոյ՝ օդայինս , 'ի ջրոյ՝ ջրայինս , և 'ի հողոյ՝ հողայինս , թէ երևելաբար և թէ աներևու թաբար , թէ ենթալուսնեայ՝ և թէ 'ի վեր քան զլուսին . որոց միջակ՝ նուրբ՝ և թանձր և առաւել թանձր մասունք նոցա մնացին 'ի սոյն երկրագնտի 'ի զանազան սրաշտօնս , և յէակս և 'ի կենդանիս : Իսկ առաւել նուրբքն կերտելով զհաստատու թիւն ըստ մեծի մասին 'ի յօդոյ , և սկսեալ յերկրագնտոյս՝ անցին և կացին 'ի վեր քան զլուսին . և նոքա ևս 'ի զանազան սրաշտօնս և յէակս , այսինքն յաստեղս և 'ի կամարս և 'ի կենդանական շունչս , և այլն : Վմանապէս և 'ի բաժանմանէ հրոյ , 'ի կարի նուրբ մասանց եղեն հրեղէն երկինք՝ որ է Աթոռ աստուածու թեան , ըստ

1 Բ . թիւ . Ա . 7 , 8 : — Բ . Պիտ . Գ . 10 :

այնմ թէ՛ ՚ի հուր և ՚ի լոյս անմատոյց բընակի՛ ։ Այլ ՚ի ստեղծման նուրբ մասանց եղեն ընդհանուր ոգեղէնք աներևոյթք , և բնական ջերմութիւնք կենդանեաց , և ոմանք յաստեղաց , և այլն ։ Այլ ՚ի թանձր մասանց նորա եղեն զանազան մարմինք և էակք ։ Վսկ առաւել թանձր մասն նորա մնաց ՚ի կեդրոն երկրի , որ է բնական ջերմութիւն նորա , որոյ բնազնին փիլիսոփայք կոչեցին հուր՝ կամ ջերմութիւն կեդրոնական , որպէս և ՚ի բազում տեղիս երևին յայտնապէս ՚ի հրաբուզիս լերանց ։ Այլ գերբնականական վարդապետք եկեղեցւոյ՝ գեհեան անուանեցին զսա , որ և մեծիմաստ Արղմոբոլիտ բնազնին փիլիսոփայն յաւէտ արձակաբար բացատրէ զսա յիւրում բնական փիլիսոփայութեան գիրսն , և համաձայն ընդ այլոց փիլիսոփայից հաստատէ՝ թէ հուրն կեդրոնական արգէն ՚ի կիր դարձուցեալ էր զբոլոր երկրագունաս զայս , և թէ ոչ տարածեալ ջրոյն յամենայն մասունս հողոյ՝ իբրև զարիւն կենդանեաց երակ առ երակ բարեխառնէր զտապող և զկիզիչ զօրութիւն և զներգործութիւն նորին ։ Ար և նովին բարեխառնութեամբ օգ-

տէ հուրս այս 'ի գոյացութիւնն երակակա-  
նաց և բողբոջականաց 'ի ներքուստ եփե-  
լով և հասունացուցանելով զնոսա, և այլն,  
զորս լիովին տեսցես բացատրեալ 'ի տեղւոջ  
իւրում :

Նա և սոյն ներհուն հեղինակք բնա-  
զնին փիլիսոփայութեան գոլով քաջ վերա-  
հասու նա և աստեղաբաշխական արուեստ-  
տի, 'ի քնին առեալ ծանեան զդիրս և ըզ-  
շարժմունս, զընթացս, նա և զազգեցու-  
թիւնս և զգուշակութիւնս ոմանց աստե-  
ղաց : Նոք որս գաին նա և զընթացս տրտ-  
նաւոր և գիտաւոր գոյի կոչեցեալ աստե-  
ղաց, որոց իւրաքանչիւր յերեկին՝ բազում  
և զանազան ազգեցութիւնս եղեալ յերկրի  
հաւաստեալ գիտացին և տեսին, որք ըստ  
մեծի մասին յորով վնասակար և վտանգալի  
ազգեցմունս և գուշակութիւնս արարին  
յայսմիկ երկրագնտի, նա և զանազան այ-  
լայլութիւնս և փոփոխմունս սրտճառեցին  
'ի սարերս իւրաքանչիւրն ըստ սեռի և ըստ  
բնական զօրութեան և ներգործութեան  
իւրեանց, այսինքն՝ օգայինք 'ի յօդն, ջրայ-  
լինք 'ի ջուրն, և հողայինք 'ի հողն, նոյնպէս  
և հրայինք 'ի հուրն : Աւստի և ասեն ամե-  
նայն փիլիսոփայքս այսոքիկ, թէ ըստ հար-

կաւորեալ ընթացից նոցա պարտ է երևիլ զկնի ոչ ստկաւ ժամանակաց ասող մի գիտաւոր կարի զօրաւորագոյն հրային բնութեամբն, սրոյ և ՚ի մտոյ յոյժ քերեալ անցանելով զարեգականն շրջանաւ՝ խաւարումն պատճառեցէ նմա, խափանեցէ ընդ նմին և զլոյս լուսնի և զգիծական ազգեցութիւն նորա որ ՚ի վերայ ջրոյ՝ ընդդէմ արեգականն ջերմութեան և չորութեան, ուստի և ՚ի սաստիկ ջերմութենէ նոյն գիտաւոր աստեղ՝ ջուրք ծովու և գետոց գոլորշացեալ ամբանին յերկրէ, և հուն կեդրոնական կորուսեալ զբարեխառնութիւն իւր՝ սյրեալ դարձուցանէ ՚ի կիր զհողագունան համակ իւրայնովբն : Ալ այսպէս կիղեալ վախճան առնուն ամենայն բնակիչք երկրագնացս : Ալ ապա ամենիմաստ և ամենամեծ ճարտարապետ նորին կրկին տայ նմա նորոգութիւն այլ իմն կերպիւ՝ զոր նա միայն գիտէ<sup>1</sup> : Ալ այսպէս կատարի բան Փրկչին՝ թէ « խաւարեացի արեգակն, և լուսին ոչ տացէ զլոյս իւր և զօրութիւնք երկնից շարժեցին »<sup>2</sup>, այսինքն փոփոխեցին, կամ հրեշտակք աշխատեցին յաւուր ընդ հանրական գաղափարա-

1 Յայտ . Իւ . 1 :

2 Մատթ . ԻԴ . 29 :



նին ՚ի ժողովել զընարեալսն և ՚ի տանջել զդատապարտեալսն, և այլն: Ամանապէս լըրումն առնուն և ամենայն մարդարէութիւնք սրբոց և գուշակութիւնք ընդհանուր փիլիսոփայից: Արպէս և Պիւֆֆոն գերահաւան նոր հեղինակն և անդամն Համարարանին Գաղղիացւոց՝ բազում վկայութեամբ հաստատէ զայս ամենայն լինել բընականաբար: Այլ յաւելլու ևս ասել թէ ՚ի 2255 թուականին Փրկչի յայտնեցի գիտաւոր աստղա այս բստ գուշակութեան արւեստի իւրեանց, այսինքն բովանդակ աստեղաբաշխից. և հրով կիզեցէ զընդհանուր երկրագունտս, եթէ կամք արարչին կնքեցէ ՚ի նմին ժամանակի:

Սակայն մեք հաւատամք, եթէ մի միայն Աստուծոյ ինքեան է գիտելի թէ երբ և կամ ո՞րպէս լինելոցն է. զի զնորին կամաց միայն կախեալ կայ, և ոչ զոր ունի ինքեան խորհրդակից:

Աստէն սոյն նոր հեղինակս Պիւֆֆոն քաջալերեալ սախպէ զիս գոյն ինչ առաւել համարձակաբար խօսիլ ընդդէմ նոր հեղինակաց դարուս, որք ուրանան զվերատին ծնունդն մարդկային ՚ի Հոգւոյ, նաև զկեանս յաւիտեանականս: Այս սրում ՚ի գիրս իւր

յայտնապէս խոստովանի զմարդարէութիւնն զիմաստութիւնն և զհմտութիւնն բնական գիտութեան Փրկչին մերոյ՝ որ վասն խաւարման արեգական և լուսնի և վասն հրակէղատչորման ընդհանուր երկրագնացոյս՝ ասելով, եթէ յոյժ հաւատալի գիտութեամբ և իմաստնաբար խօսեցաւ Յիսուս ՚ի վերայ այսր բանի, և այլն :

Արդ՝ ո՛վ նոր հեղինակք դարուս, նոյն ինքն Քանն իմաստութեան զբնական գիտութիւնն իբրու հասարակ ինչ զբուցատրութիւնս ՚ի մէջ բերէր ՚ի բանս վարդապետութեան իւրոյ, որով և կամէր զհոգևոր իմաստութիւնն և զՔանն կենաց միայն քարոզել : Նոյնք ասլա կախուցանէք զաչս ձեր ընդդէմ հոգևոր վարդապետութեան նորա, որ քարոզէր և քարոզէ՝ եթէ հաւատարով ձեր ՚ի նա և վերստին ծննդեամբ ՚ի հոգևոր ստանայք զկեանս յաւիտենականս, և լինիք որդիք Աստուծոյ և ժառանգորդք երկնից արքայութեան. ասլա թէ ոչ մասնիք ՚ի կորուստ և ՚ի տանջանս յաւիտենականս : Ա՛յ մեծի կուրութեան նոցա, որք ոչ այսպէս են և ոչ այնպէս, այլ որպէս փոշի հոսեալ ՚ի հողմոյ, և կամ զօրէն ջայլաման, որոյ ՚ի ակասանելն զբեռն՝ պարզէ զթևս իւր ՚ի

Թուիչ, և ՚ի հարկադրիլ իւր ՚ի Թուչեւ, ար-  
ձակէ զոտս իւր ՚ի քոյլ:

Այս ուրեմն հետեի եթէ ճշմարիտ են  
բանք Մովսէսի, և յայտնապէս տեսանի ե-  
թէ մարգարէաբար գրեաց առանց կար-  
ծեաց: Քանզի Աստուած ՚ի գոյացուցանել  
իւր զմարդն՝ գերազանց իմն սլատուով և ի-  
մաստու թեամբ զարդարեաց քան զամենայն  
կենդանիս, և եդ զնա ՚ի գերագոյն աստի-  
ճանի կատարելութեան, ուստի ոչ է բնաւ  
երկբայելի եթէ չիցէ նմա շնորհեալ և այլ  
իմն գերագոյն իմացականութիւն, որով կա-  
րիցէ իմանալ և ճանաչել զանցեալս, զներ-  
կայս և զապառնիս: Արպէս և տեսանեմք  
զօրհանապաղ աչօք մերովք, զի բազումք բա-  
զում նախագուշակութիւնս առնեն բնա-  
կանաբար զզանազան իրաց առանց ինչ վրի-  
պելոյ: Քանզի այնչափ լուսաւոր է բանա-  
կանութիւն մարդոյ, որ զմարգարէութիւնն  
բնութեամբ ունի յինքեան, բայց անզգու-  
շութեամբ և վայրաքարշ մեղիութեամբ և  
զանցառութեամբ իւրով ոչ զգայ, և ոչ ևս  
հաստատի ՚ի նմա՝ սլատահումն իմն համա-  
րելով, վասն զի ոչ հաւատոյ եթէ ունիցի  
զայս ձիր շնորհեալ ինքեան յԱստուծոյ, ուս-  
տի և ոչ հետեի այնմ ըստ արժանւոյն՝ զի

Հաստատուեցի յինքեան նոյն զօրութիւնս :  
 Այլ յորժամ տեսանէ զկատարումն իրացն  
 նախասացելոց և կամ ընդ միտսն խորհելոց ,  
 սկսանի պարծիլ և ասել խորխտաբար՝  
 թէ ոչ ասպէն խօսեցայ և թէ 'ի սոյն յայս  
 յանդիցի իրն . և կամ սկսանի երգնուլ ,  
 թէ ստուգիւ եկն 'ի միտս իմ և թէ յայս  
 կամ յայն յանդիցի իրն , և այլն :

Բայց գիտելի է զի երբակի է մարդա-  
 րէութիւնս . այսինքն՝ արուեստիւ , որ և գու-  
 շակութիւն ասի . բնական՝ որ է ազգումն .  
 և գերբնական՝ որ է ճշմարիտ և անսխալ  
 մարգարէութիւնս : Արուեստիւ , որպիսի է  
 մոգուցն՝ վհկաց և աստեղաբաշխից և այլոց ,  
 որք զանազան իրաց գուշակութեամբ զբա-  
 ղում իրս նախագուշակեն : Բնական , որ վա-  
 սըն մեծի սրայծառութեան բանական լուսոյ  
 ազդէ ինքեամբ , և նախատեսեալ իմանոյ  
 զլինելոցն 'ի հետեւութենէ իրաց . ( բայց սու-  
 բա երկոքեան երբեմն սխալմամբ՝ ստինս )  
 Գերբնական , որ հոգւովն Աստուծոյ ծա-  
 նուցեալ լինի սրբոց և ընտրելոց ընդ ժա-  
 մանակս ժամանակս : Բանզի մի և նոյն մար-  
 գարէ ոչ հանապաղ մարգարէանայ , այլ յոր-  
 ժամ և կամիցի Աստուած յայանել նմա խոր-  
 հուրդ ինչ :

Եւ զայս է երբեմն զի և մերժեալքն Ղստուծոյ կարեն ստանալ 'ի ձեռն ճգանց հանդերձ ժուժկալութեամբ , անդադար պարապելով 'ի յիշումն անուանն Ղստուծոյ , ըստ այնմ թէ , « Տէր տէր ոչ յանուն քո մարգարէացար , և յանուն քո դևս բազումս հանար , և յանուն քո զօրութիւնս բազումս արարար » : Արոց տացի պատասխանի 'ի Տեառնէ , թէ « Աչ երբէք գիտէի զձեզ . 'ի բաց կացէք յինէն ամենեքեան ոյք գործէիք զանօրէնութիւն »<sup>1</sup> : Բանզի ոչ իւրեանց արժանաւորութեամբ ընկալեալ էին , այլ զօրութիւն և ներգործութիւն և ազդեցութիւն յիշեալ անուանն Ղստուծոյ առնէր զայն ամենայն : ( Եւ ահա այսպիսիք են որ սուրբք երևեալ յաչս մարդկան՝ պիղծք են առաջի Ղստուծոյ . ըստ որում զչնորհն պարգևեալ ինքեանց Ղստուծոյ՝ ոչ յայլ ինչ ամեն 'ի գործ , եթէ ոչ 'ի շահասիրութիւն , յանձնասիրութիւն և 'ի փառասիրութիւն իւրեանց , ոչ հետեւելով Փրկչին որ 'ի հրաշագործելն ասէր . « Հայր վասն ժողովրդեանս որ շուրջ կան առնեմ՝ զի հաւատասցեն թէ դու առաքեցեր զիս »<sup>2</sup> : )

1 Սաղմ. Ե. 22, 23 : 2 Յովն. Եւ. 42 :



Արց զօրինակն ունիմք ՚ի հնու մն ՚ի Բաղաստ՝  
 և ՚ի Սաւուղ ըստ վկայութեան սրբազան  
 առաքելոյն . նմանապէս և ՚ի Արցիախոյ, որ  
 գորով ՚ի քահանայութեան աստիճանի՝ մար-  
 գարէացաւ : Իսկ ՚ի ներկայումս յայտ իսկ  
 են գիտելեաց, զորս յանուանէ գրել չէ ինչ  
 փոյթ աստէն, որք զօրութիւնս գործելով՝  
 բազում ինչ մարգարէաբար գուշակեն, և  
 հատարին լրասպէս ըստ ասից նոցին, որոց և  
 բազմաց ահանատես իսկ եմք :

Արգ՝ որովհետեւ մարգարէութիւնն է  
 իբր հասարակ սլարդե Աստուծոյ առ մար-  
 գիկ, ( որպէս և ընթեռնումք <sup>1</sup>, զի երիցս  
 խնդրակքն Սաւուղայ հասեալ ՚ի Նաւաթ-  
 համայ, և տեսեալ զժողովս մարգարէից,  
 մարգարէացեալ և նոցա անփոյթ արարին  
 զԴաւթայ . մինչ զի սրտմտեալ Սաւուղայ  
 ինքնին հետեւեցաւ . և ՚ի ժամանելն անդ՝  
 ինքն ևս մարգարէացեալ զանց արար զԴաւ-  
 թաւ՝ զոր խնդրէր հալնուլ, մերկանալով  
 յարքունի կամ ՚ի զինուորական զգեստուցն .  
 ուստի և ասացաւ յառակս, թէ Նաւուղ  
 ՚ի մարգարէս . ) և ոչ ըստ օրինակի միւս  
 սքանչելագործութեանց և հրաշից՝ յատկա-

1 Ա. թ. 7, Ժ. Թ. 22 :

ցեալ : Օխորդ ապա ուրեմն 'ի կարծիս լինիցիմք մեր վասն Մովսէսի որ հոգւովն Աստուծոյ մարգարէանայր , և մատամբն Աստուծոյ գրէր զճառն ստեղծագործութեան արարածոց խորին և սքանչելի խորհրդովք , զորս չէր պարտ անարժանից յայանել : Արպէս և պատուիրեաց Աստուած Եզրասայ ոչ տալ ընթեռնուլ անարժանից զխորհրդաւոր գրեանս զորս գրեաց 'ի դաշտին յայանութեամբն Աստուծոյ 'ի ձեռն հրեշտակապետին Ուրիելի <sup>1</sup> : Այն և սրբազան առաքեալն Պողոս պատուիրէ Տիմոթեայ զսա 'ի յինքենէ ուսեալն չյայանել ամենեցուն , այլ միայն այնպիսի հաւատարիմ անձանց՝ որ կարողք են և ինքեանք ուսուցանել այլոց <sup>2</sup> : Իսկ Փրկիչն մեր հրամայէ , մի տալ զսրբութիւն շանց , և մի արկանել զմարգարիտս առաջի խողից <sup>3</sup> :

Ի է արգարե ճառն ստեղծագործութեան և զեղուն սքանչելի խորհրդովք . և յանդուգն է ասպարէն որ համարձակի ասել , թէ Մովսէս առ 'ի խաբել զամիկ ժողովուրդսն գրեաց այնպէս ըստ թելադրու-

1 Դ . Լ . Է . ԺԴ . 26 . 46 : 3 Սաբ . Է . 6 :

2 Բ . Տիմ . Բ . 2 :

Թեան կամայն իւրոց, և այլն : Ս սարսափելի անողգամութիւն և թշուառելի յիմարութիւն : Քանզի որ այսպէսն խօսի, չճանաչէ նա թէ ո՞րք իցէ Մովսէս, և զինչ զօրութիւն նորա ընդ մեծի իմաստութեանն : Ս՛չ ասպարէն նոյն Մովսէս է որ առանց սրոյ և պատերազմի յազթեալ Եգիպտացւոց և Փարաւոնի՝ եհան ՚ի գերութեանէ նոցա զայն շափ բաղմութիւն ժողովրդոց, և զԵգիպտացիսն ծովահեղձ կորոյս : Օ՛ի թէ չէր զօրաւոր բանիւք և գործովք և լի իմաստութեամբ, զիամրդ կարէր միայնակ զգէմ ունել Փարաւոնի, և պահանջելով զժողովուրդ իւր մտքառիլ ընդգէմ մոգուց և գիտնոցն Եգիպտացւոց : Ս՛չ ասպարէն կարող էր Փարաւոն յառաջնում՝ նուագի անդ ՚ի սուր մաշեալ զնա՝ չտրձակել զգերիսն, եթէ զօրութիւնք և իմաստութիւնք չէին ՚ի Մովսէս, և կամ Փարաւոն և Եգիպտացիք չունէին ՚ի նմանէ երկիւղ :

Արդեօք նորա որք չկամին հաւատալ գրոցն Մովսէսի՝ կարիցեն ինքեանք ոչ եթէ տրմուղ մի իշոյ, այլ զանձինս իւրեանց գոնէ հանել բռնութեամբ արտաքս ՚ի սահմանաց տէրութեան միոց : Ք՛նզէր ասլա ոչ ճանաչելով զչափ անձանց իւրեանց համարձակին

ասել, և թէ Մովսէս վայրասպար և ՚ի զուր  
խօսիցի, և անասայդ իցեն գրուածք իւր, և  
առանց խորհրդոյ : Վանդի այր որ չկամիցի  
հաւանիլ այլում ումեք, սրարտ է զի ինքն  
կամ առաւել քան զնա գիտիցէ, և կամ  
քան զնա առաւել գործունեոյ որ իցէ և  
ճարտար, ապա թէ ոչ՝ հարկ է լուել եթէ  
համեաս որ իցէ, վասն զի ոչ կարելովն առ-  
նել ինչ, ասել և զայլոց արարս և ոչ հա-  
ւանիլ, է յայտնել զյիմարութիւն և զյան-  
դգնութիւն իւր : Այսն որոյ տեսցուք թէ  
ոյք են որ բամբասեն զՄովսէս և զայլ սքան-  
չելագործ անձինս, և կամ թէ զինչ զօրու-  
թիւն ստացեալ ունիցին, և զինչ գաղանի-  
ներգործութիւն բնութեանն ճանաչիցեն :  
Արդարև ոչ ինչ, այլ միայն ընթերցեալ են  
զհնագոյն սրամութիւնս զարասքնոց, որոյ  
բազումք առասպելք են, և նկարագրարար  
տեղեկացեալ են Միլտոլմի կոչեցեալ առա-  
կաբան առեղծանելեացն հնագունից՝ առանց  
գիտելոյ զիսկական նշանակութիւն նոցին :  
Աս և խօսելով քանի ինչ լեզուս՝ ուսեալք  
են զայն ինչ ճառամարանութիւն, և ս ՚ի  
բերան առեալ բառս ինչ և շարագրու-  
թիւնս սեթևեթեալս՝ բայց առանց իմաս-  
տից, հուսկ ուրեմն յուշի կապեալ զերևելի

և հասարակ սահմանն ինչ հնազոյն փիլիսոփայից, որ յաղագոս բնական գիտութեան ասացեալ են առ ՚ի վարժել զդեռակիրթ աշակերտս իւրեանց : Այլ այսոքիւք առ փիլիսոփայս զանձինս ունելով ոչ յայլ ինչ մբտածենն՝ և թէ ոչ մարդելոյլ և շողմարար բանիւք և գրութեամբք իւրեանց պատրել զողջամիտ փարթամս, և կողոստելով զնոսա ապրիլ նոցին պարգևօք . յորոց և թէ պահասիցին՝ իսկոյն սովամահ կորնչին . և ապա ոչ ևս կարեն ազատաբար՝ այսինքն գիտութեամբ իւրեանց այլով կերպիւ հայթայթել զաւուրն պարէն . որ և ամօթ մեծ է փիլիսոփայից՝ կարօտիլ այլոցն, և կամ ընդունել ինչ յայլոց : Վանդի ինքեանք պարտին առատաբար բաշխել և լցուցանել զկարօտութիւն այլոց, և թէ ճշմարտապէս ՚ի վերայ հասեալ էին գաղանեացն բնութեան : Այլ զայս ոչ ասեմ վասն աստեղաբաշխից, բժբշկաց, մեքենաբանից, ուսումնականաց<sup>1</sup> և այլ ամենայն ազատ արուեստաւորաց . քանզի սօքա յարուեստից իւրեանց արդիւնաւորեալ շահին . այլ վասն այնոցիկ ասեմ, որք սին դատարկաբանութեամբ իւրեանց առ

1 Ի ք . Matematico :



փիլիսոփայս զանձինս ունելով, և զողանջելով իբրև զգորտս՝ ջանան ստել և խափանել զօրէնս եղեալս յաստուածակերպ արանց, և ինքեանք կամին լինել հեղինակ աղանդից, աղարտելով զամենայն գրութիւնս այնոցիկ որ գերբնական լուսով են լցեալ:

Արդ՝ որք բամբասանն զՄովսէս՝ զինչ արդեօք կարծիցեն, միթէ այնչափ իմաստութեամբ իւրով ոչ կարաց ՚ի միտ ածել՝ եթէ զինի ժամանակաց գուցէ եպերեալ անգոսնիցի յընթերցողաց զգիրս իւր, և կորուսանիցէ զհամբաւ, զյարգանս և զհաւատարմութիւն իւր զորքնկալաւ աէրամբ, և այլն: Այն ոչ. այլ գիտէր նա զոր ինչ գրէրն. և գիտէր ևս եթէ բազումք ՚ի բազմաց հոգւովն Աստուծոյ ունին վերծանել զխորհրդական գրուածս իւր և փառս մատուցանելոց տուողին շնորհաց, որ ՚ի վերուստ ծաւալեալ բաշխէ ինգրողաց ծառայից իւրոց որք հաւատով՝ յուսով և սիրով գիմեն առ նա:

Ապա դարձցուք մեք վերստին ՚ի կարգ բանիս կրկնելով զբանն մեր<sup>1</sup>, թէ ՚Իսկ եթէ յանդգնեալ ոչ հաւատան բանից Մովսէսի,

1 Տե՛ս յէրէ՛ս. 8:

գանէ գործոյն հաւատասցեն , այսինքն այն-  
քան գերազանց շնորհաց որ ՚ի մարդումս են՝  
հաւատասցեն : Այսն զի լուսաւորու թիւն  
մտաց , նախատեսու թիւն իրաց , հնարագի-  
տու թիւն զանազան արուեստից և մտկացու-  
թեանց , այլ և ճանաչումն՝ գատողութիւն  
և քննութիւն անցելոց ներկայից և ապառ-  
նեաց , նաև իշխանութիւնն զոր ունի մար-  
դըն ՚ի վերայ ամենայն կենդանեաց , ո՞չ ա-  
պտքէն բաւական և գեր քան զչափն առա-  
ւել յայսնի վկայք են ազնուութեան և  
յասկութեան իւրոյ : ՚ի վերայ այսոցիկ ամե-  
նայնից փոքր ինչ թուիցին արդեօք և մեծա-  
մեծ սքանչելագործութիւնք զոր բաւական  
է առնել մարդն : Վանզի բաց ՚ի մարդոյ ո՞  
այլ որ ՚ի կենդանեաց կարէր նախատեսանել  
որպէս ՚Նոյ , եթէ զկնի այնչափ ամաց եղիցի  
ջրհեղեղ ՚ի վերայ երկրի , որ և զտասրանն  
կազմեալ պատրաստէր ասրեցուցանել այ-  
նու զտեսակ իւր և զայլոց կենդանեաց . ըստ  
որում ցարդ մարդոյ միայնոյ է կազմել նաւս  
և շրջել ընդ ոլորտս Ալկիանու ՚ի մակերևոյ-  
թըս ջուրոց , ուղղելով և մղելով զնոսա ըստ  
կամաց իւրոց ՚ի դիտեալ նպատակն՝ ընդ-  
դէմ այնքան ահագին բռնութեան հողմոց  
և ակեաց ջուրոցն :

Ո՞ւր էր ի կենդանեաց կարէր արդեօք  
 իբրև զՄովսէս այնչափ սքանչելիս գործել  
 առաջի Եգիպտացուոց և Փարաւոնի. և սա-  
 տառեալ զձովն անցուցանել զԽորայէլացիսն  
 ընդ ցամաք՝ ընկղմելով զԵգիպտացիսն : Եւ  
 ընդ ամս քառասուն սաշտպանել և դար-  
 մանել զԽորայէլացիս յանջրդին անապատի,  
 ուտելեօք և ըմպելեօք և զգեսաութ, ոչ ինչ  
 կարօտութիւն ունելով յայլոց : Ա՛հա՛ ճշմա-  
 րիտ և իմաստուն փիլիսոփայ որ կարէր զը-  
 նել և հաստատել օրէնս : Ո՞ր ի գաղանաց  
 կամ յանասնոց իբրև զՅեսու արդելոյր զըն-  
 թացս ընդհանուր մեքենայի երկրագնացս  
 առ ի երկարածգել զաիւն, նա և զհոսումն  
 Յորդանանու ընդ կրունկն դարձուցանել :  
 Ո՞ր ի Թռչնոց՝ ի սողնոց և ի վիշապաց իբ-  
 րև զԵղիս հուր յերկնից իջուցեալ երկիցս  
 այրէր զյիսունս, և հրով երկնից կիզէր զող-  
 ջակէղ իւր առաջի քրմացն Բահաղու : Ո՞ր  
 ձկանց կամ ի գաղանաց և յայլ կենդանեաց  
 իբրև զԵղիսէէ զմեռեալս յարուցանէր, և  
 երբեմն ևս ոսկերօք իւրովք : Թողից զօրս  
 առ Քրիստոսիւ՝ ի հեանողաց նորին գոր-  
 ծեցան բանիւք : Վանղի յոյժ երկարեաք ի  
 բանս և ձանձրութիւն յովով ընթերցողաց  
 տայսք, ուստի և այսքանս որ վասն սքանչե-

լեաց՝ բաւականացի . զի որ 'ի փոքունն հաւատարիմ է , և 'ի բազմին հաւատարիմ է , իսկ որ 'ի փոքունն անիրաւ՝ և 'ի բազմին անիրաւ գտանիցի :

Գիտեմ որդեակ զի ասես , եթէ որք վասն ստեղծագործութեան են բանիցն գլխերոց ոչ հաւատան , զիա՞րդ այդչափ սքանչելեաց հաւատասցեն . որք թող զի և ոչ միում 'ի դոցունց հաւատան , այլ և անկարելի գող ասեն , և այլն : Ի այց այդ յիմարութիւն մեծ է . նախ՝ զի ոչ գիտեն ինչ զգաղանեացն Աստուծոյ , և ոչ իսկ զգաղանի ներգործութիւն բնութեան , այլ ապաստանեալք են միայն յանհաւատութիւն իւրեանց՝ որ ծնանի 'ի կատարեալ յիմարութենէ :

Երկրորդ՝ զիա՞րդ համարձակին ուրանալ զայնչափ զարմանալիս և զսքանչելիս զորքս արար Մովսէս , և զոր անկարելի է սրտել , ըստ որում բազում ազգք վկայեն , մանաւանդ նոյն իսկ Եգիպտացիք : Արպէս և յայտ իսկ է , զի 'ի ժամանակագրութիւնս վիպասանաց 'ի Մովսէսէ մինչև ցայսօր երեք հազար հարիւր և հինգ ամբ հաշուին , որով իմանի եթէ 'ի Մովսէսէ մինչև 'ի ժամանակս Պողոսեայ՝ որ 'ի ձեռն եօթանասնից զամե-

նայն գրեանս Մովսէսի ետ թարգմանել 'ի լեզու Հելլենացւոց, ոչ էին անցեալ յօլով դարք և ժամանակք, և գտանէին տակաւին բազում ճառք և վիպասանութիւնք առ Եգիպտացիս. (որք զկնի բազում դարուց այրեցան յՕսմանայ Մահմէտեան.) և էին այլազան օրինօք և ընդդէմ Հրէիցն հաւատոյ: Արպէս և ինքն Պաղումէոս էր 'ի հեթանոսական օրէնս այլ սիրող ճշմարտաբանութիւն: Արդ՝ թագաւոր օք կարող և իմաստասէր որպիսի էր Պաղումէոս, եթէ 'ի պատմագրութեանց Եգիպտացւոց չէր ստուգեալ զամենայն զոր ինչ գործեալ էր Մովսէս 'ի նայն իսկ Եգիպտոսի՝ 'ի կարմիր ծովուն և յանապատին, զիմրդ հրատարակէր զգիրսն յազգի իւրում, և յարդանօք պատուէր ըզթարգմանիչսն, և կամ ընդէր շնորհէր ազատութիւն հարիւր և քսան հազար Հրէից գերելոց, որք 'ի նայն ժամանակի ընդ իշխանութեամբ իւրով գրաւեալ կային 'ի տառապանս յերկրին Եգիպտացւոց: Արդարև եթէ չէր ստուգեալ 'ի պատմութեանց և 'ի նշանաց Եգիպտացւոց՝ փոխանակ այնչափ բարեբարութեանց զոր արար ազգին Իսրայէլացւոց, խեթիւ հայելով 'ի նոսա՝ իբրուստաբանս և խաբեբայս՝ տանջանս խստու-



Թեան յաւերջոյր 'ի վերայ նոցա :

Արքայդ՝ այնպիսի անձինք նա և զնիւ-  
 Թաւոր և զքնական իրաց հրաշատէս դոր-  
 ծելոց՝ մինչև տակաւին 'ի յայտ եկեալք ,  
 չունելով տեղեկութիւն զնոցունց՝ անհնա-  
 բին գոլ ասեն : Արպէս եթէ որ ասէր նախ  
 քան զգիւտ վառօղին , թէ լիար մի փոշի  
 զլերինս քայքայեալ և զապառաժս խորտա-  
 կեալ և զամուր ամուր սրբիսպս հիմն 'ի վեր  
 տապալեալ յօդս վերացուցանէ : Աւ կամ  
 եթէ յառաջ քան զտեսանել զհրահայելին  
 որ 'ի մետաղաց կամ յոսկւոյ շինի , ասէր որ  
 նմա՝ եթէ այնչափ թափանցիկ զօրութիւն  
 հրոյ ունի յինքեան , մինչ զ'ի մէջ ջուրց ե-  
 ղեալ զփայտն երեքկանգնեան կամ չորեք-  
 կանգնեան խորութեամբ՝ կիզեալ յաճիւն  
 դարձուցանէ : Օ՛նայն է իմանալ և վասն ե-  
 թերասլաց գնտոյն որ անհուն բարձրու-  
 թեամբ ելեալ յօդս՝ իջանէ դարձեալ յեր-  
 կիր ըստ կամեցողութեան առն որ զնա կա-  
 սալարէ : Ան և այլ բազում նիւթական նու-  
 բահնար գիւտք , որոց մինչև 'ի յայտ եկեալ  
 անկարելիք համարէին , իսկ 'ի տեսանելն հա-  
 լատան ընդ գոյութիւն սքանչելատիպ ներ-  
 դործութեանց նոցին 'ի բնութեան :

Ապա մեծ ինչ է եթէ վասն ճշմարիտ

սքանչելագործութեանց անկարելի գոլասիցեն, որ ոչ յայլ ուստեքէ՝ եթէ ոչ յանգիտութենէ և յանհաւատութենէ յառաջանայ: Արոյ վասն ասեմք, միթէ կուրութիւն չղիկանաց առ արեգակն զգալի՞ կարէ՞ խաւարեցուցանել զսոյժառ լուսաւորութիւն ճառագայթից նորա. նոյնպէս տգիտութիւն և անհաւատութիւն նոցա զԱստուծոյ հաւատսն կարէ՞ խափանել<sup>1</sup>. քաւ լիցի: Կայց ահա յայտնապէս տեսանեմք սրդեակ իմ, զի ստորին և դիւրին արուեստք ռամկականք, որպիսի են կօշկակարութիւն, դարբնութիւն, դերձակութիւն և սյւլք, առանց հեռեկոյ ուսուցչի և առանց կրթութեան և ջանից անհնարին է ումք ուսանել: Ասոյսայսպիսի գերազանց և աստուածասպարհ կարողութեան մարդոյ սրպէս կարեն ժամանել, եթէ ոչ ըստ սրատշաճի աշխատեալ հեռեկոյն, հեռանալով ՚ի մարմնականէն և մերձենալով առ հոգեկանն. որպէս և արարին և առնեն որք ընկալանն զբանն ճշմարտութեան: Արդեօք ս՞ որ ճշմարիտ ճանապարհաւ և որպէս հարկն սրահանջէ՞ հեռեկացաւմենայն ջանիւ և ոչ եհաս: Արդարեւ և

1 Գործ. Գ. 5:

ոչ որ : Այլ այնպիսի անհաւատքն ամենե-  
 քին խոտորեցան 'ի միասին և անպիտանա-  
 ցան : Աւ ըստ առասպելաբանութեան հը-  
 նոց փկկխօփայից՝ էգքն համանմանին յաւեր-  
 ժահարանց , և արուք Սասիրայից՝ այօինքն  
 այժամարդոց . որք ոչ այլ ինչ խորհին և խո-  
 կան՝ եթէ ոչ ուտել և բմպել , պճնիլ և  
 շպարիլ , միով բանիւ՝ պարել և կաքաւել բնդ  
 միմեանս անասնաբար խառնակելով : Իսկ որ  
 լաւագոյնք եմք քան զնոսա՝ ոչ հոգամք ե-  
 թէ ոչ գանձել և ժողովել , շինել և տնկել ,  
 և որպէս մարդ 'ի պատկերի 'ի զուր խոռ-  
 վեալ շրջիլ 'ի գանձել , ոչ գիտելով թէ ո՞ւմ  
 ժողովիցեմք <sup>1</sup> . վասն որոյ և հասարակապէս  
 առ մեզ կատարի բան մարգարէին՝ թէ  
 « Մարդ 'ի պատուի էր և ոչ իմացաւ , հա-  
 ւասարեցաւ անասնոց անբանից և նմանե-  
 ցաւ նոցա » :

Գարձցուք վերստին 'ի շարս բանից մե-  
 րոյ՝ թողեալ 'ի մի կողմն զսքանչելագործու-  
 թիւնս որք լինէին 'ի ձեռն մարդոյ . և խո-  
 սեսցուք 'ի վերայ բնական հանճարոյ՝ զո-  
 բութեան և իմացականութեան մարդոյ՝ ո-  
 բով զանազանի յայլոց անբան կենդանեաց :

1 Սղճ . ԼԸ . 7 :

Արդեօք զիսիրդ կարէ մի միայն բարե-  
 յարմար կազմուած և ձև անդամոց մարմնոց,  
 եթէ չիցէ ՚ի նմա ազդողագոյն ինչ զօրու-  
 թիւն և ներգործութիւն յատուկ ազնուա-  
 կան հոգւոյ, ստանալ բնական գիտութիւն՝  
 որով կարիցէ քննել և իմանալ զբնութիւնս  
 զզօրութիւնս և զներգործութիւնս ամենայն  
 էակաց, Չափել զլայնութիւն և զերկայնու-  
 թիւն երկրի, զմեծութիւն և զխորութիւն  
 ծովու, զբարձրութիւն և զանհուն բնդար-  
 ձակութիւն երկնի: Վիտել զշարժմունս և  
 զգիրս աստեղաց, և ճանաչել զազդեցու-  
 թիւնս և զգուշակութիւնս նոցա: Փորձել  
 և գտանել զբժշկական զօրութիւնս բնդ-  
 հանուր իրաց՝ յոլովակերպ բաժանմամբ և  
 բաղկացուցմամբ քիմիական և իւզեփեցա-  
 կան արուեստիւ: Ի ըյս ամել մեքենայա-  
 կան գործիս, հնարել երաժշտութիւնս, և  
 զայլ անթուելի արուեստական հնարագի-  
 տութիւնս, այսինքն գծագրել զգիրս, սլա-  
 տուաստել զտունիս, ոստայնանկել կերպա-  
 սրս, և բաղկացուցմամբ երակականաց՝ բող-  
 բոջականաց և կենդանականաց ըստ իւրա-  
 քանչիւր սեռի զանհուն իրս ՚ի նոցունց հը-  
 նարել, գտանել զասպակին, և ՚ի նմանէ հնա-  
 բել անթիւ օգտաւէտ անօթս, գիտակս,

խոշորացոյցս, և այլ բազում գործիս: Միտլ բանիւ՝ զի խորութեան երկրի և ծովու գոյացեալ զմետազս, զակունս և զքարինըս և զայլ բազում նիւթս ՚ի մակերևութէ երկրին ճանաչելով արտահանել: Այլ զայլ անթիւ հնարագիտութիւնս առնել՝ զոր անհնար է ինձ գիտել և ՚ի գիր արկանել, այլ թողում այլոց իմաստասիրել, ըստ որում ոչ ոք կարէ ուրանալ՝ եթէ իմացականութիւն մարդոց է որ առնէ զայս ամենայն:

Արդ՝ միթէ սոքա ամենեքին չիցե՞ն հաւաստի վկայք ազնուութեան և յատկութեան մարդոց. ուրեմն զիմօրդ կարելի է մարդոց լինել իբրև զմի յանասնոց, մանաւանդ զի՝ իշխան տէր և թագաւոր է նոցա՝: Քանզի եթէ կամի՝ զամեհագոյն գազանն հնազանդեցուցանէ ինքեան. զթռչունս իջուցանէ յերկնից, և զձկունս հանէ յանդրնդոց ջուրց, զօձս և զկարիձս և զկոկորդիլոսս և զայլ բազում մնասակար կենդանիս բանիւք թովչութեան իւրոյ ՚ի ծոցոց երկրի և ծովու առքարչեալ բերէ արտաքրս ՚ի հնազանդութիւն ինքեան: Ամանապէս և զայլ բազում իրս գործէ իմաստու-



Թեամբ և կարողութեամբ՝ ընդ որ միաբանս  
մեր ապշեալ հիանան :

Աստէն մի զանց արասցուք զղօրեղութիւն, զուժեղութիւն և զքաջութիւն մարդոյ : Քանզի ոմանք առանց զինու պատերազմեալ ընդ գաղանաց՝ յազթեցին նոցա<sup>1</sup> : Ոմանք միով և եթ յսով զառիւծս և զարջս սատակեցին<sup>2</sup> : Ոմանք զերկաթի և զայլ ամուր կապանս և զշղթայս խղեցին : Ոմանք զերկաթեայ դրունս ձեռամբ խորատակեցին, և զմեծամեծ շինուածս տապալեալ կործանեցին<sup>3</sup> : Այլ այլք բազումք պէսպէսս և հիանալիս գործեցին, որք լի են ՚ի գիրս արտաքին վիպասանից . մինչ զի և նախնիք աստուածացուցեալ անմահութիւն շնորհեցին նոցա վասն քաջութե իւրեանց : Այլ կայսրն Մարկոս Աւրելիոս վասն առաքինութեանցն տայ նոցա զանմահութիւն համաձայն այլոց բազմաց փիլիսոփայից՝ ասելով . Վիտեմք զի միմիայն Աստուած է անմահ յերկինս . իսկ գիւրք բազումք որ եղեն յերկինս, էին մարդիկ իբրև զմեզ, որ առաքինիք գովով յերկրի՝ եղեն գիւրք յերկինս :

1 Վաստ . յ. 5, 6 : 3 Վաստ . յ. 2, 5, 30 :

2 Ա. թմազ . յ. 56 :

Արդ՝ նորա որ ոչ զայլ ինչ գիտէին՝ բայց միայն զբնական գիտութիւնն, և բռնադատեալք ՚ի լուսոյ բանին ոչ կարացին ուրանալ զանմահութիւն քաջաց և առաքինեաց, յորոց և ոմանք յանձն առեալ զմահ՝ կացին մնացին հաստատուն ՚ի վերոյ այսր մտաց իւրեանց, որպէս Սոկրատ և այլք. քանզի տեսանէին զի բնութիւնն ինքնին վրայէ գոլ անմահութեան, և բաղձայ ունել զայն: Այս աւրեմն ճրքան յամօթ և ՚ի նախասինս իցէ մեզ ուրանալ զսա. որ բայ ՚ի բնական գիտութենէ ունիմք և զգերբնականն՝ զաւետիան յիսուսական վարդապետութեան, թէ որ ճնանի ՚ի հոգւոյ, ոչ մեռանելով յաւիտեան՝ մտանէ յարքայութիւնն Աստուծոյ: Այլ թէ՛ հաւատալով մեր նմա և բանից նորա, ունիմք յանձին մերում զկեանս յաւիտենականս: Աւսիչ և եղսւկ կուրութեան մտոց մերոց:

Արդ՝ ազնչելով սպտուիրեմ քեզ սրգեակ իմ, մի և մի երբէք հպիլ յայնպիսի գրեանս մտորեցուցչացն այնոցիկ, զի շնչաւոր և գիւտական է գիտութիւն նոցա<sup>1</sup>, և մի երբէք աղտեղել զօճեալ և զմաքուր ունին

1 {3} . Գ . 18 :

քո, որ դրուէք են աստուածային բանիցն լսելու թեան և ոչ կորստական առասպելաբանութեանց : Այլ 'ի բայց խորշելով վախիր և հեռացիր 'ի նոցունց որպէս յիժից և 'ի քարբից, որք թիւնաւորելով սրտածառեն զմահ յաւիտենական : Քանզի տեսանելով տեսանեն և ոչ ճանաչեն, լսելով լսեն և ոչ իմանան<sup>1</sup>, կոյքք են և խուլք, և երանի եթէ և համբ էին : Քանզի նա որ վասն դատարկ բանի համարս տալոց է, ասլա քանի առաւել և նոքա՝ որ զաշխարհ ողջոյն գայթակղեցուցանեն : Այլ եթէ լաւ էր նոցա որք զմի միայն որ գայթակղեն՝ երկան իշոյ կախեալ զսրարանոցէն անկանել 'ի ծով, ասլա որք զանհուն բաղմութի մարդկան գայթակղեցուցանեն՝ զինչ լինիցի նոցա<sup>2</sup>, վայ ինձ :

Արդեակ իմ, գիտեա հաւաստեալ, զի մինչ մէք ցրտացեալք 'ի ջերմ սիրոյն Աստուծոյ՝ դարձուցանեմք զերեսս մեր 'ի նլմանէ առ արարածս զգալի, բառնոց և նախնքն զհոգի իւր 'ի մէնջ ասելով. «Վարձցի հոգի իմ 'ի դոցանէ, վասն լինելոյ դոցա մարմին»<sup>3</sup>, սյսինքն զնկրդործութիւն և զազ-

1 Սաբլ. յ. 9. 14 : 3 Օննդ. 2. 3 :

2 Սաբլ. յ. 12. 8 :

դեցուծիւն հոգւոյն իւրոյ բառնայ : Այլ յայնժամ անասնականն կերպարան տիրեալ՝ ոգին շնչական թագաւորէ, և զազդեցուծիւն հոգւոյ՝ հոգւոյն ոչ ընդունելով արդելու զմեզ տեսանել զուղիղ շաւիղն փրկուածեան : Այլ մնացեալ լիկ զդալի իմացականութեամբ մարմնոյ միայն՝ զուրկ ՚ի հոգեկան և ՚ի գերբնական շնորհաց, ոչ կարեմք վերձանել եթէ ոչ զայն զոր զդալեալ միայն տեսանեմք և իմանամք, զի ոչ ոք կարէ ասել Տէր զՅիսուս՝ եթէ ոչ Հոգւովն սրբով <sup>1</sup> :

Այսն որոյ և մեր հանգոյն յիմար իմաստնոց մինչ տեսանեմք եթէ և մարդիկ հասարակ ընթացիւք բնութեան ճնանին և մեռանին, և հաւասարապէս զգան զամենայն կիրս բնութեան իրբև զանասունս, գատիմք ըստ կարծեաց մտորելոց՝ թէ որպէս զհոգւոց անասնոց ոչ ոք կարէ ասել թէ իջանեն ՚ի վայր, կամ զհոգւոց մարդկան թէ ելանեն ՚ի վեր, այլ ամենեքին ՚ի միոյ տեղւոջէ առեալ՝ ՚ի մի տեղի երթան <sup>2</sup> : Աւրեմն մինչ մարմինքն ցրուին ՚ի տարերս յորոց բազկացան, և հոգիք երթան առ

1 Ա. Կորն. ԺԲ. 5 : 2 Երեմ. Գ. 20, 21 :

հեղինակ իւրեանց , և սորա ամենեքին ըստ պահանջելոյ բնութեան պարտին խառնիլ որպէս ջուր ընդ ջուրս , և կամ որպէս հուր ընդ հուրս : Ապա զիարդ կարէ լինել վերստին յարութիւն և կեանք յաւիտենական , ըստ որում իւրաքանչիւր ընկղմեցան 'ի հեղինակս իւրեանց . քանզի՝ հոգի որ ելանէ՝ այլ ոչ ևս դառնայ <sup>1</sup> , և այլն :

Սակայն յայսմ հոգեկորոյս որոգայթէ դիւրին է մեզ անձնասպուր լինել՝ երբ ըզդաստացեալ գառնամբ առ Աստուած . որ և ինքն դարձեալ առ մեզ՝ ազդէ և բանայ ըզմիտս մեր , որոյ ազդեցմամբ կարեմբ իմանալ զուղիղ մեկնութիւն և զվարդապետութիւն հին և նոր կտակարանաց , որոց խորին և բազում են մեկնութիւնք . զի իւրաքանչիւր բան ունի յատուկ մեկնութիւն . որք թէպէտ ըստ նկարագրականին ներհակք երևին միմեանց , բայց ըստ ներքին իմացուածոյն բողորովին համաձայն են իրերաց , մինչ զի ամենայնք 'ի վերայ միոյ ուղիղ գծի ընթանան : Սակայն պարտ է ընթերցողին աստուածային հոգւով՝ և ոչ մարմնաւոր և դիւական շնչով ընթեռնուլ : Այլ ջանալ ևս

1 ՍՂ. ՀԷ. 39 :



վերծանել զամենայն միտս նոցին՝ ուր տեսանի հակասութիւն ինչ յիմաստս . քանզի վայրասպար և ոչ տառ մի գտանի ՚ի նոսա գրեալ, որք լի են և զեզուն խորհրդական ասութեամբք :

Արդ՝ առ ՚ի հաւաստեալ և կատարելապէս զերծանել յայսպիսի մոլորութեանց՝ պարտիմք նախապէս գնելով զհիմն ՚ի վերայ եռակի կեդրոնի՝ ճանաչել զԱստուած և զանձինս մեր . և գիտել ևս, եթէ մարդն գոլով մի, է երկակի և եռակի : Արկակի, զի է հոգի և մարմին, որք և ասին ներքին մարդ և արտաքին մարդ՝ ըստ սրբազան առաքելոյն Պօղոսի <sup>1</sup> . որք և ունին հաղորդակցութիւն և համակրութիւն ընդ երրորդին : Առակի, զի է բազկացութիւն մի յերկոցունց, որ ոչ է զուտ հոգի և ոչ լիկ մարմին, այլ երրորդական միջակ կացութիւն մի բազկացեալ յերկոցունց, և տեսակաւորեալ ՚ի հոգւոյ՝ կոչեցեալ մարդ . որ և յատկապէս ասի անձն, յորում կայանայ և մարդկային բնութիւնն : Այսն զի զուտ հոգին ոչ կոչի մարդ, այլ հոգի մարդոյ . նմանապէս և լիկ մարմինն ոչ կոչի մարդ, այլ մարմին մարդոյ .

որպէս և բնական է մարդոց ասել՝ հոգի իմ, մարմին իմ: Ահա ի՞նչն, որ է եսն՝ այսինքն անձն, նա է մարդ ընդ հոգւոյ և մարմնոյ իւրոյ, որ ընկալաւ զկենդանութիւն և ըզտեսակ իւր ՚ի հոգւոյն՝ ՚ի բազկացմանն:

Վիտելի է ևս, զի յաստուածային գիրս՝ բառքս այսոքիկ հոգի և Անձն, բազմիցս փոխաբերաբար առեալ լինին ըստ օրինակի լուսոյ և հրոյ, որք և սոքա փոխաբերաբար անուանին ՚ի բազում տեղիս, որոց և մեք հետեւեցաք աստէն:

Եւ արդ՝ ահա սոյն անձնաւորութիւնս զորմէ ասացաք կոչիլ մարդ ընդ հոգւոյ և մարմնոյ իւրում, սա է որ անկեալ ՚ի ներքոյ սկզբնական մեղաց և մահու, և վերստին ծննդեամբ ՚ի հոգւոյ՝ ստանայ զանմահութիւն: Արովհետեւ հոգին անմեղ և անմահ է ըստ ինքեան, և է շարժող և կենդանութիւն անշարժ և անկենդան մարմնոյն: Աւրեմն գոլով կենդանութիւն և ունող զգորութիւն տալոյ զկենդանութիւն, հարկաւ պարտ է լինել անմահ, և չէ փոյթ նմա վերջստին ստանալոյ զանմահութիւն, նա՛ զի՛ հոգի կենդանի փշեաց Աստուած ՚ի մարդն: Եւ սոյն անձն է որ աճէ և զարգանայ մարմնովն, և ժամանեալ ՚ի չափ հասակի կատա-

րելու թեան՝ ստանայ զգիտութիւն և զհանձար, որ և հաւատալով ՚ի Քանն Աստուած՝ ոչ մեռանիցի յաւիտեան, այլ փոխեսցի ՚ի մահուանէ ՚ի կեանս, ոչ մտանելով ՚ի դատաստան ըստ անսուտ խոստման իւրոյ՝ 1 :

Սա այս անձն դարձեալ ՚ի բաժանիլ հոգւոյն ՚ի թանձր և յասպականացու մարմնոյն՝ մնայ ընդ հոգւոյ իւրում իբր մարմին, այլ որպէս թէ հոգի. վասն որոյ և նոյն հոգին սովիմբ զանաղանեալ յատկանայ՝ եթէ իցէ այսինչ մարդոյ. ուստի և ՚ի դառնալ հոգւոյն առ հեղինակն իւր սովիմբ՝ ոչ խառնի որպէս ջուր ընդ ջրոյ, այլ որպէս ոսկի անծախելի մնայ յատկացեալ ՚ի մէջ հրոյ. որ և ՚ի նորոգիլ իւրում, (եբբ և կամբ իցեն Արարչին,) ընդունի ՚ի սոյն թանձր և յասպականացու մարմնոյն՝ միայն զնուրբ և զթափանցիկ և զանասպական նիւթս նորին. ըստ որում ունի համակրութիւն և հաղորդակցութիւն ընդ նմա ՚ի պատճառս անձինն որ ստացեալ ունի զանմահութիւն, որ և միացեալ է ընդ ինքեան : Այլ անբաժանելաբար վերստին միացեալ ընդ առեցեալ անասպական մարմնոյն՝ ոչ և սկարէ բաժանիլ. քանզի մաքրութեամբ

և անապականութեամբ միացան շնորհիւ  
քրիստոսական հաւատոյ, և արդեամբ ա-  
մենասուրբ մարմնոյ և արեան նորա : Որոյ  
հաւաստութեան զգալի և երևելի իմն օրի-  
նակ ունիմք ՚ի բնութեան, կարի հաստա-  
տութեամբ մկայեալ ՚ի բաղմաց բնազնին և  
՚ի ճշմարիտ փիլիսոփայից, որք զգաղտնիս  
բնութեան և զիմանալի գրուածս տեսա-  
կան գրեանցն բնութեան՝ լուսով բանին և  
փորձառու իմաստասիրական զննութեամբք  
վերձանեալ ծանուցին մեզ յետագայիցս :  
Ի այց անտեղի է մեզ աստէն զնոյն ՚ի գրի  
հարկանել, զի ունիմ ՚ի մտի յայլում նուա-  
զի խօսիլ և զնմանէ, եթէ Տէր կամեսցի :  
Իսկ այժմ առցուք աստէն զթեւ կարգի բանիս  
խօսել, եթէ աստուածային գիրք բազում  
և խորին մեկնութիւնս բովանդակեալ ու-  
նին յինքեանս, և թէ յորով հակասութիւնք  
երևին ՚ի նոսին, յորս բազում երևելի և  
բնազնին անձինք սխալեալ մտորեցան. զի ոչ  
էին բարեպէս հաստատեալ ՚ի վերայ եռակի  
կեդրոնին, վասն որոյ և ոչ բնթերցան աս-  
տուածային հոգւով, որպէս զի կարասցեն  
ուղղապէս վերձանել զմիտս նոցին :

Յիրաւի իմաստնացեալն Աստուծոյ  
Սողոմն, ( որոյ բանք իբրև վճիռք ընդու-

ներիք են յեկեղեցւոյն , ) տայ հաւասարութիւն ամենայն հոգւոց՝ ասելով, թէ Ամենքին 'ի միոյ տեղւոջէ առան, և 'ի մի տեղի երթան, տալով օրինակ զգետոց և զաղբերց վերադարձումն 'ի ծով<sup>1</sup>, և այլն : Ամանապէս և քնարն աստուածային Դաւիթ ընդ Աստուծոյ խօսելով՝ ասէ . « Հոգի որ ելանէ , այլ ոչ ևս դառնայ »<sup>2</sup> : Սակայն ոչ մեկնեցին աստէն զմիտս իւրեանց : Քանզի Դաւիթ ընդ Աստուծոյ խօսէր , որում չէր վայթ մեկնութեան , զի Աստուած գիտէր զմիտս նորա : Ամանապէս և Սողոմոն ֆիզիգաբար՝ այսինքն բնականաբար խօսէր և ոչ գերբնականաբար . որպէս և յայլ ուրիշ գերբնականաբար խօսեցան , որպէս և տեսանի 'ի ստորև համառօտաբար :

Քանզի ահա նոյն իսկ Դաւիթ յայլում տեղւոջ խնդրէր յԱստուծոյ ասելով . « Հոգւով պետութեան քո հաստատեա զիս »<sup>3</sup> : Ըրդ՝ զի՛նչ հաստատութիւն խնդրէր՝ եթէ ոչ 'ի ձեռն հոգւոյ ծննդեան հաստատութիւն անձամբ 'ի կեանս , որպէս և ասէր . « Կեցցէ անձն իմ օրհնեցէ զքեզ »<sup>4</sup> : Եւ

1 յ. 7. Ը. 7 :

2 Ս. Ը. Ը. 14 :

3 Ս. Ը. 4. 59 :

4 Ս. Ը. 8. 178 :



կեցու թիւնս այս ոչ վասն մարմնական կեն-  
 ցազոյս կեցութեան ասէր . զի նոյն ինքն  
 դարձեալ ազաչէր թէ « Տէր հան 'ի բան-  
 տէ զանձն իմ »<sup>1</sup> . և բաղձայր անանց կենացն  
 ասելով . « Որպէս փափագէ եղջերու յաղ-  
 բերս ջուրց , այնպէս փափագէ անձն իմ առ-  
 քեզ Աստուած . երբ եկից երևեցայց երե-  
 սացդ Աստուծոյ »<sup>2</sup> : Եւ յայլում տեղւոջ  
 առ 'ի յայտնապէս հաստատել զանապակա-  
 նութիւն կենաց՝ ասէ . « Ոչ տացես սրբոյ  
 քում տեսանել զասպականութիւն »<sup>3</sup> , այս-  
 ինքն զմահ : Եւ թէ՛ « Ո՞ փրկէ յասպականու-  
 թենէ զկեանս քո , սոսակէ զբեզ ողորմու-  
 թեամբ և դժութեամբ »<sup>4</sup> , այսինքն փրկէ  
 'ի մահուանէ , և սոսակէ անմահութեամբ :  
 Եւ դարձեալ թէ՛ « Ո՞ լնու 'ի բարութենէ  
 զցանկութիւն քո , նորոգեսցի որպէս ար-  
 ծուոյ մանկութիւն քո »<sup>5</sup> :

Ահա յայտնապէս խօսի վասն նորոգու-  
 թեան կենաց . քանզի ցանկութիւն մարդոյ  
 'ի բարութենէ Աստուծոյ ոչ այլ ինչ է՝ եթէ  
 ոչ կեանք և անմահութիւն , որ է ճշմարիտ

1 ՍՂՃ . ճԽԱ . 8 :

4 ՍՂՃ . ճԲ . 5 :

2 ՍՂՃ . ԽԱ . 1, 2 :

5 ՍՂՃ . ճԲ . 4 :

3 ՍՂՃ . ԺԵ . 10 :

և իսկական ողորմութիւն և սէր Աստուծոյ  
առ մարդիկ . զորոյ յաւիտենականութիւն  
այսու ծանուցանէ ասելով, թէ «Մարդոյ  
(այսինքն մարդոյ անասնացելոյ,) որպէս խո-  
տոյ են աւուրք իւր, որպէս ծաղիկ վայրի  
այնպէս ծաղիկի՞ »<sup>1</sup>, և այլն . «Իայց ողորմու-  
թիւն Տեառն մնայ յաւիտեանս յաւիտենից  
ի վերայ երկիւղածաց իւրոց »<sup>2</sup> : Ահա յա-  
ւիտենականութիւն երկիւղածացն Աստու-  
ծոյ : Աւրեմն յայտնի իսկ է յայտցանէ՝ թէ  
Դաւիթ ասելով, «Հոգի որ ելանէ, ոչ ևս  
դառնայ » . ոչ կամէր ուրանալ զնորոգու-  
թիւն և զյաւիտենականութիւն անմահ կե-  
նաց, այլ ըստ հասարակ ընթացից բնու-  
թեան խօսէր : Ամանապէս և Սողոմոն մինչ  
ասաց վասն հոգւոց՝ ոչ վասն մարդոյ ասաց  
և ոչ վասն առիւծու, այլ վասն կենդանա-  
կան հասարակ հոգւոյ . ըստ որում ասացաւ  
ի վեր անդր, թէ հոգի մարդոցն ոչ է մար-  
դըն, նմանապէս և ոչ մարմինն : Այսպէս  
և հոգի առիւծուն ոչ է առիւծն, և ոչ իսկ  
մարմինն, այլ ՚ի բաղկացմանէ նոցունց յա-  
ռաջ եկեալ անձնաւորութիւնն, և այլն :  
Աւրեմն յայտ է, թէ Սողոմոն վասն հասարակ

1 Սլճ. ճԲ. 14 :

2 Սլճ. ճԲ. 16 :

կենդանական հոգւոյ խօսէր բնականաբար, աւստի և ոչ ինչ յիշեաց ասա զյաւիտենական մարդկային կենաց: Իսկ մինչ կամեցաւ խօսիլ գերբնականաբար, յայտնապէս ասաց թէ՛ « Իայց ոգիք արդարոց ՚ի ձեռին Աստուծոյ են, և ոչ մերձեցի ՚ի նոսա մահ: Թուեցան յաչս անդգամաց թէ՛ մեռան . . . այլ յոյս նոցա լի է անմահութեամբ <sup>1</sup>: Այլ թէ՛ « Արդարք յաւիտեան կեցցեն <sup>2</sup>, և այլն: Աւրեմն ահա և Սողոմոն խոսատվանի զյաւիտենականութիւն կենաց:

Իայց աստէն զբառն հոգի՝ պարտիմք իւմանալ վասն անձին: Բանդի հոգին ոչ է յուսով անմահ՝ այլ բնութեամբ. ուրեմն վասն անձին ասաց, և կամ վասն բնական հոգւոյն, որ է յատուկ իմն հոգի՝ մարդկային տեսակի և եթ շնորհեալ յԱստուծոյ, և ոչ անասնոց, որպէս և հաւատացեալս եմք: Իսկ մօլորեալքն ոչ երբէք հաւատան յատուկ հոգւոյ իւրաքանչիւր մարդոյ՝ յոչնչէ նորաստեղծեալ անգստին ՚ի շնչաւորել իւրեանց յարգանդի մօրն: Ասան որոյ և մէք ոչ ինչ խօսեցաք և ոչ ևս խօսեցուք բնդ նոսա զսոյն յատուկ հոգւոյ, զի դժուարին և ան-

1 |մատ. Գ. 1, 2, 5: 2 |մատ. Ե. 10:

հնարին և ս է հաւանեցուցանել զնոսա . ըստ որում միայն հաւատով հաստատեցաւ յեկեղեցւոջ 'ի սրբոց հայրապետաց : Ուստի առցուք վերստին զառաջիկայ բանս մեր խօսել 'ի վերայ անձին ըստ նոցին ֆիզիգական կարծեաց , որովհետեւ չկարեն ուրանալ :

Վիցուք թէ Աստուած 'ի միոյ միայնոյ հոգւոյ ետ ամենայն կենդանեաց հաւասարապէս , որպէս և առարկեն՝ թէ մի և նոյն հոգի է յամենեսին որ բաշխէ իւրաքանչիւր ումք զանազան և պէսպէս ներգործութիւնս և ազգեցութիւնս ըստ ընդունակութեան իւրեանց , և այլն : Վարւոք է . այլ ոչ ապօքէն 'ի միատեսակ՝ բամբակէ կամ 'ի վիոյ գործեալ կտաւք գոլով ամենեցուն սպիտակք՝ ունին բազում զանազանութիւնս 'ի միմեանց , որոց միայն նրբութիւնն թանձրութիւնն , և գործուածն զանազանէ զգին արժողութեան նոցին : Ամանապէս եթէ ներկանիցին , 'ի պատճառս ներկոյն զանազանութիւն 'ի գինս ընդունին : Այլա յորժամ մի և նոյն տեսակ նուրբ կտաւն և բարիոք ոստոյնանկեալ ներկանիցի 'ի հաստատ և յաղնիւ ծիրանւոյ , որ ոչ երբէք կորուսանէ զգոյն իւր , ո՞րքան առաւել մեծագնի լինիցի քան զմիւսն : Այլ այս էր սակս , եթէ

ոչ վասն ազնիւ և պատուական ներկոյն զոր  
ընկալաւ : Ապա ուրեմն ազնիւ և պատուա-  
կանագոյն ծիրանի ներկն բանականութեան,  
զոր անկորուստ ընկալաւ ՚ի հաստչէն իւր-  
մէ, չունիցի՞ առաւելութիւն իմն ազնուու-  
թեան և պատուականութեան քան զմիւս  
անբան կենդանիս :

Իսկ եթէ ասիցեն, ( որպէս և ասենն, )  
թէ գոլով մի և նոյն հոգի յամենեսին ունին  
ամենեքին զոյն բանականութիւն և իմա-  
ցականութիւն, և բերեն առ այս օրինակ  
զբազում կենդանիս, զորս ցուցանեն յովով  
իմացականութիւն ունել ըստ օրինակի բա-  
նական մարդոյս . բայց կազմուած մարմնոյ  
նոցա և ձև անդամոցն ասեն լինել պատճառ  
ոչ կարելոյ ըստպէս ցուցանել զներգործու-  
թիւն հոգւոյ իւրեանց և խօսել : Իսկ կազ-  
մուած և ձև անդամոց մարդոյն գոլով յար-  
մար և ընդունակ, ընկալնու և տպաւորէ  
յինքեան զամենայն ազդեցութիւնս և բզ-  
ներգործութիւնս հոգւոյն, և յայանէ զի-  
մացականութիւն իւր խօսելով և գործե-  
լով, և այլն :

Արդ՝ թէպէտ զիւրին է մեզ ջրել զիւր-  
քասարաս առարկութիւն նոցա, օրինակ բե-  
րելով զթութակն, որ ունեւլով լեզու յար-



մարածե ըստ օրինակի մարդկան՝ պարզ և յստակ արտաբերէ իբրև զմարդ բառս ինչ ուսեալս . բայց ամենեկին զուրկ գտանի ՚ի բանականութենէ, զի չկարէ ինչ խօսել արբամաստհոռութեամբ մտաց իւրոց : Այլ թողցուք ՚ի բաց և զսոյն, որում ունին պատասխանել, թէ նա ըստ փոքու մասին ունի յարմարութիւն և ոչ ըստ բոլորին . վասն որոյ ՚ի մէջ բերցուք զայլ իմն առարկութիւն՝ ոչ ինչ պատասխանելով վերնոյն, իբր զի՝ եթէ էք նորա նմանութիւն ըստ բոլորին, յայնժամ մարդ կոչուր և ոչ թութակ, և այլն :

Յասացելոցս յայանի երևի, թէ նիւթ մարմնոյ մարդոյն աշնուագոյն է և պատուականագոյն քան զամենայն մարմին . և է յաւելտ նրբագոյն ինչ թել բարեյարմար այնպիսի հրաշալի գործուածոյ, որով և ընդունակ եղև ազդեցութեան և ներգործութեան հոգւոյն և մեծամեծ օժտիւք ճոխացեալ՝ յորոց զուրկ են այլ կենդանիք : Ասան զի աւմենայն կտաւ՝ որոյ նիւթն չիցէ լաւագոյն, ոչ կարէ բարեպէս ոստայնանկիլ, և ոչ իսկ քաջ զներկն ընդունի : Արպէս և կատարն վասն անարդութեան նիւթոյն ոչ յարմարի ամենայն գործեաց և անօթոց որք կազմին յօսկւոյ և յարծաթոյ : Քանզի ամենայն մե-

տաղք որ յերակս երկրի՝ ՚ի ծծմբաղասրնդ-  
կեայ հիւթոյ գոյանան . այլ մաքրութիւն  
և անմաքրութիւն հիւթոցն և խառնուա-  
ծոց և կամ զանազան աստիճանաւ բաղկա-  
ցութիւնք և եփեցմունք զանազանեն զաս-  
տիճանս անարգութեան և աղնուութեան ,  
հաստատութեան և անհաստատութեան  
նոցին :

Վմանապէս և ՚ի բողբոջականս և ՚ի կեն-  
դանականս նիւթք խառնուածք և բաղկաց-  
մունք բազում զանազանութիւնս պատճա-  
ռեն : Վասն զի որքան նուրբ և աղնիւ իցէ  
նիւթն և յարմար խառնուածն , այնքան և  
բաղկացութեանցն հաստատ լեալ՝ զանազա-  
նին տեսակք ՚ի միմեանց : Արպէս յայանի  
տեսանի ՚ի կենդանիս , յորս է՝ զի ապրի ընդ  
երկար , և է զի սակաւակեաց է . ոմն ուժեղ  
և զօրաւոր , և ոմն տկար և անզօր : Վինչ՝  
որ օգտէ միում , և վնասէ այլում . է՝ ինչ որ  
ապականի յայլմէ իրէ , և է որ զգայ ոչ ինչ :  
Պտանին ՚ի խստս՝ զօր կերեալ ուրուք մե-  
ռանի , և այլ որ դեղ ցաւոց անձին դտանէ  
անտի : Ի հուր մատուցեալ ուրուք այրի ,  
իսկ ջայլամն և սալամանդրն իբրև զբանջար  
խոտոյ ուտէ զհուր , և զհրացեալ երկաթն  
չիջուցանէ : Այս ամենայն պատճառի ՚ի

նիւթոյ 'ի խառնուածոյ և 'ի կազմուածոյ  
 յայտնի փորձառութեամբ, որ և է հիմն ա-  
 ւարկութեան իւրեանց : Իսկ որ ինչ վասն  
 մեծի զօրութեան յատուկ սերմանն է, զոր  
 Աստուած իւրաքանչիւր տեսակի շնորհեաց  
 'ի ստեղծանելն 'ի պահպանութիւն և յա-  
 ճումն այլ և այլ տեսակի իւրեանց, ոչ ինչ  
 կամեցայ խօսել աստէն, զի առհասարակ ա-  
 մենեցուն յայտնի են այնք. ուստի ինքեանց  
 թողեալ զնոյն իմաստասիրել, մեք 'ի կարգ-  
 բանիս ճեպ տացուք :

Արդ՝ որովհետեւ կազմուած մարդոյ այն-  
 չափ ազնիւ է որ կարաց յարմար գոլ և ըն-  
 դունակ ազդեցութեան՝ ներգործութեան՝  
 և իմացականութեան հոգւոյն առաւել քան  
 զմիւս կենդանիս, ուրեմն չիք հակասութիւն  
 ասել՝ եթէ և նիւթն և խառնուած մար-  
 մնոյ նորա ազնուագոյն իցէ քան զմիւս կեն-  
 դանեացն, որ յարմար գտաւ այնպիսի աղ-  
 նիւ կազմուածոյ, որով և ներկաւ՝ այսինքն  
 օծաւ հոգւովն, յորմէ անբան կենդանիք  
 վասն անյարմարութեան իւրեանց զուրկ  
 մնացին : Այլրակացուցանի ուրեմն՝ թէ ո-  
 թովհետեւ նիւթով՝ խառնուածով՝ և կազ-  
 մուածով այնչափ առաւել ազնիւ է մարդ,  
 մինչ զի կարաց ընդունել յատկապէս առա-

ւել իմն ազգեցութիւնն ՚ի հոգւոյն քան զա-  
 նասունս, ոչ է բնաւ երկբայելի՝ եթէ չիցէ  
 նմա և այլ իմն խորհրդաւոր ներգործու-  
 թիւն հոգւոյ, որով ՚ի հետեւել և ՚ի խընդ-  
 րել իւրում ջանիւ՝ չկարիցէ ժամանել յա-  
 շխտենական կենաց, որում բնականաբար  
 այնչափ բաղձայ : Քանզի պատուականու-  
 թիւն նիւթոյ՝ խառնուածոյ՝ և կազմուածոյ  
 իւրոյ ցուցանեն լինել ՚ի նմա և այլ իմն  
 գաղանի և սքանչելի խորհուրդ ինչ ստա-  
 նալոյ զանապականութիւն, զոր օրինակ է  
 ոսկին. մանաւանդ զի՝ եթէ անգամ մի բը-  
 նականաբար բաժանիցի և վերատին բազ-  
 կանայցէ, բիւրապատիկ առաւել հաստա-  
 տութիւն աղնուութիւն զօրութիւն և ներ-  
 գործութիւն ստանայ քան զոր արդէն ունի.  
 որ է ճշմարիտ օրինակ կենաց մահու և վը-  
 րանորոգութեան մարդկան՝ ըստ սարասի հա-  
 տին ցորենոյ, որ եթէ ոչ անկեալ յերկիր  
 փախիցի, ոչ ինչ զօրութիւն բաղում կարէ  
 աւնել<sup>1</sup> : Բայց թողցուք և զայն ՚ի մի կոյս,  
 քանզի արդարև չկարեն դիւրաւ իմանալ  
 զգաղանիան զոր Աստուած բնաբերոց միայն  
 շնորհեաց, և խօսեսցուք այլաբար. ըստ ո-

1 (3)՝, յԲ. 24 :

բուժ խոստովանին՝ թէ հոգին երթայ առ Աստուած յորմէ առաւ, և մարմինն ցրուի 'ի տարերս՝ ուստի բաղկացեալն էր. ուրեմն ըստ վկայութեան նոցա՝ հոգին գոլով միշտ առ հեղինակին իւրում, ոչ է բնաւ ոչնչացեալ, որպէս և վկայեն՝ թէ որպէս յոչնչէինչ ոչ կարէ լինել, նմանապէս և ինչն ոչ կարէ ոչնչանալ:

Արդեօք մարմինն ցրուելով 'ի տարերս զերծանիցի՞ յիշխանութենէ Աստուծոյ. ո՞չ ապաքէն մինչ չէրն մարմին մարդոյ՝ հաւաքեալ զայն 'ի բոլոր մեքենայից աշխարհի, (Ի բոլոր մեքենայից աշխարհի ասեմ. քան զի ոչ պարտիմք ըստ նկարագրականին իմանալ՝ թէ 'ի լոկ և 'ի հասարակ կաւոյ երկրի կազմեցաւ մարմին մարդոյ, այլ 'ի բոլոր և յընդհանուր մեքենայէ երկնի և երկրի, աստեղաց և տարերց, որպէս և տեսանեմք ահա յայտնի փորձառութեամբ. ապա թէ ոչ՝ չկարէր ունել համակրութիւն ընդ ամենեւին, և ոչ ևս կարէր կոչիլ՝ փոքր աշխարհ ըստ վկայութեան բնախօսից, և մանաւանդ ըստ Ռէմունտուս Յուլիոսի, որ բազում առարկութեամբ հաստատէ 'ի բնական փիլիսոփայութեան իւրում, թէ Աստուած 'ի բոլոր մեքենայից առեալ զկաւն մարդկային



մարմնոյ , ) կազմեաց մարմին , և ապա փրչմամբ հոգւոյ՝ արար զնա մարդ կենդանի :

Արդ՝ նա որ ՚ի նախնու մն կարաց առնել զմարդն որ չէր տակաւին տեսակաւորեալ անձնաւորութեամբ , այլ ըստ ասից նոցա՝ էր հոգի և տարր բաժանեալ , այժմ յերկրորդումն ոչ կարէ կրկին հաւաքելով ՚ի մի զցրուեալն՝ կացուցանել զնա կենդանի ՚ի վերայ հիման անձին , որ ՚ի բաղկացութենէ հոգւոյ և մարմնոյ գոյացեալ ընկալալ յաւիտենականութիւն ՚ի ձեռն վերստին ծննդեան իւրոյ ՚ի հոգւոյն , և մնաց անբաժանելաբար միացեալ ընդ հոգւոյն՝ ՚ի բաժանիլն ՚ի մարմնոյն : Այս կարող է և ամենակարող վերստին շաղկապելոյ և առնելոյ զնա որպէս էրն մարդ կենդանի , և առաւել ևս ազնիւ քան զոր էրն յառաջ : Քանզի երկինք և երկիր և ամենայն տիեզերք գոլով գործք ձեռաց իւրոց՝ ըստ օրինակի ասիոյ ձեռին սարդեալ կան առաջի իւր , և նա է որ ընու զամենայն փառօք իւրովք : Քայց եթէ այսմ կարողութեան Աստուծոյ ոչ հաւատալով՝ անկարելի գոլ ասիցեն , որպէս և վասն սքանչելեաց բարբանջեն . և կամ իբրու խորհրդակից Աստուծոյ գոլով՝ գիտիցեն զգազանիս նորին՝ եթէ չկամիցի երբէք

տալ մարդկան տյապիտի նորոգութիւն և կեանք յաւիտենական, և ստիցեն զբանս և զգրեանս աստուածայինս, այնպիսիք ուրաջողք են զԱստուած, որք կամ առ երկիւղի և կամ 'ի ցոյցս մարդկան խոստովանին զէութիւնն Աստուծոյ, բայց սրտիւք ուրանան ըստ անղգամին որ ասաց 'ի սրտի իւրում թէ ոչ գոյ Աստուած<sup>1</sup> : Այլա թէ ոչ՝ պարտ էին հաւատալ բանից նորա որ ասէ, թէ « Աստուած կենդանեաց է և ոչ մեռելոց »<sup>2</sup>, Այլ թէ՛ զի ես Աստուած եմ յերկրին կենդանեաց : Այլ ևս թէ « Օ, ի ես կենդանի եմ, և գուք կենդանի լինելոց էք »<sup>3</sup>, և այլն : Արդարեւ սորա են որք շրթամբք խոստովանին և սրտիւք անիծանեն, որոց բանք նոցա ոչ այլ ինչ են՝ եթէ ոչ թոյնք իմից, և ինքեանք որպէս յուշկատարիէք մարդակերպ գազանք ծովայինք, որք քաղցր և ախորժ ձայնիւ եղանակաւ իւրեանց թմրեցուցեալ զնաւորդս, և կալեալ փեռեկտեն և լափեն. յորոց պարտիմք խցելով զականջս խորշիլիբրե 'ի թշնամեաց Աստուծոյ :

Վարձցուք վերստին 'ի բնաբան մեր,

1 ՍՄԸ. ԺԳ. 1 :

3 ԶԻԸ. ԺԳ. 19 :

2 ՍՄԸԴ. ԺԲ. 27 :

Թէ կարող է Աստուած համահաւաքել ըզ-  
ցրուեալ մարմինն, և ազնիւ քան զառաջինն  
կրկին կացուցանել կենդանի, ըստ այնմ Թէ  
« Կարող է Աստուած ՚ի քարանցս յայտցանէ  
յարուցանել որդիս Աբրահամու »<sup>1</sup> : Առ այս  
եթէ ասիցեն . Ուրեմն ամենայն մարմինք  
կենդանեաց որք ունին զմի և զնոյն հողի,  
և ըստ տեսակի իւրեանց անձնաւորեալք են,  
սլարտին ամենեքին առնուլ զայս նորոգու-  
թիւն ՚ի տեսակս իւրեանց : — Ոչ երբէք :  
Քանզի նորոգութիւնս այս ՚ի տեսակս իւր-  
եանց՝ որպէս և հաւատացեալն եմք, է միայն  
վասն մարդոյ և վասն մարդկային տեսակի,  
և ոչ այլոց կենդանեաց : Վասն զի, Նախ՝ այլ  
ամենայն կենդանիք Թէպէտ ըստ կենդանա-  
կան սեռի համասեռք են և համեմատ մարդ-  
կային կենդանութեան, բայց տեսակաւ՝  
նիւթով և ամենայն սլարագայիւք յոյժ տա-  
րորոշք են և անկատարք, և այնչափ զանա-  
զանութիւն ունին ՚ի միմեանց՝ որչափ զա-  
նազանեալ է լոյսն ՚ի խաւարէ և տիւն ՚ի  
գիշերոյ, և կամ կասարն յոսկւոյ, որպէս  
և սրբազան առաքեալն Պօղոս ասէ . « Այլ  
մարմին է մարդկան և այլ մարմին անասնոց,

1 Վ՛ր-ի . Գ . 8 :

այլ մարմին թռչնոց՝ և այլ մարմին ձկանց ո՛ր  
որպէս և փորձն ցուցանէ թէ՛ ՚ի համս և թէ  
՚ի հոտս, և կամ ՚ի ներգործութիւնս և ՚ի  
զօրութիւնս դեղորէից կազմեցելոց յամե-  
նայն մարմնոց կենդանեաց. յորս մարդկային  
մարմինն և խառնուած իւր այնչափ ազնը-  
ւութիւն և զօրութիւն ունի, մինչև ոչ որ  
՚ի կենդանեաց համեմատ դասնիլ ինքեան,  
Եւ զայս զօրութիւն ներգործութեան յայտ-  
նի տեսանեմք մինչ ստանայ զաստիճան մու-  
մեացի, որոյ ազդեցութիւնն է թափանցիկ  
յոյժ և զօրեղազոյն ՚ի վերայ համայն կեն-  
դանական մարմնոց, զոր ոչ որ յայլ կենդա-  
նեաց կարէ ունել զայս ընդհանուր ներգոր-  
ծութիւն, և համեմատիլ այնմ:

Երկրորդ՝ սոյն անկատարութիւն և ան-  
մաքրութիւն նիւթոյ միւս կենդանեաց ոչ  
յառաջ ածեն՝ եթէ ոչ անկատար անձն. վա-  
սըն որոյ և ոչ երբէք կարեն անկատար ան-  
ձինք նոցա անբաժանելաբար միաւորիլ ընդ  
կատարեալ և ամենամաքուր հոգւոյն. այլ  
որպէս կապար և կամ սղինձ՝ կամօք արուես-  
տաւորին ժամանակ ինչ մնան խառնեալ ընդ  
ոսկւոյ և իբր միաւորեալ, բայց ՚ի գալ փոր-

ձին՝ իսկոյն բաժանին : Վանդի կատարելու թիւն և մարբութիւն միոյն գորով հակակիր անմարբութեան և անկատարելութեան միւսոյն, ոչ կարացին հաստատապէս բաղկանալ անձամբ, և այլն :

Կրորդ՝ և մարդն իսկ թէ և նիւթով և տեսակաւ աղնուագոյն և կատարեալ գորցուցաւ քան զմիւս կենդանիս, բայց սակայն եթէ ոչ ընկալցի և նա զվերստին ծրնունդն ՚ի սուրբ Աւագանէն՝ ՚ի Հոգին սուրբ, և ոչ մարբիցէ զանձն իւր առաքինութեամբ, ( թէ և բաղկանայ անբաժանելաբար, ) ոչ կարէ ստանալ զսոյն բաղձալի նորոգութիւն, և յառնել ՚ի մահուանէ ՚ի կեանս, այլ փոխի ՚ի մահուանէ ՚ի մահ՝ ըստ վճուոյ Փրկչին մերոյ : Իսկ միւս կենդանիք՝ որք չկարեն ամենեւին ունել զայս վերստին ծնունդ, ոչ կարեն ունել նաև նորոգութիւն ՚ի տեսակս իւրեանց : Աւտի եզրակացուցանեմք՝ թէ մարդոյս միայն շնորհեաց Աստուած զսոյն անձառելի մարդասիրական խորհուրդ, և ոչ այլոց կենդանեաց :

Արդ՝ սոյն աղնիւ մարմին մինչ ընկալնու զվերստին նորոգութիւն իւր, ստանայ բիւրապատիկ աղնուութիւն՝ որ գերազանցէ քան զհրեշտակայինն . ( ըստ որում և նորա



մարմինք են հրեղէնք, ըստ այնմ, « || արար  
 զհրեշտակս իւր հոգիս, և զպաշտօնեայս իւր  
 ՚ի հուր կիզելոյ »<sup>1</sup>.) քանզի միաւորի սա ընդ  
 Աստուծոյ, և Թագաւորէ ընդ նմա : Այլ  
 յայնժամ կոչի սա յաւէտ հոգի՝ քան եթէ  
 մարմին, որպէս և սրբադանն Պօղոս ասէ,  
 « Սերմանի մարմին շնչաւոր, ասպականու  
 թեամբ, անարգութեամբ, տկարութեամբ,  
 և յառնէ մարմին հոգեւոր՝ առանց ասպա  
 նութեան, փառօք և զօրութեամբ »<sup>2</sup> : Սա  
 կոչն տայ և խորհուրդ մի նոր՝ թէ ամենե  
 քին ննջեսցուք, բայց ոչ ամենեքին նորոգի  
 ցուք. քանզի փառաւոր նորոգութիւնս այս  
 ոչ է՝ եթէ ոչ վերստին ծնելոց ՚ի Հոգւոյ,  
 և ուղղութեամբ և մաքրութեամբ սրտի  
 հետեւելոց աւետարանական վարդապետու  
 թեան Փրկչին. որ և առաքեսցէ զհրեշտակս  
 իւր ժողովել զընտրեալս՝ այսինքն զվերստին  
 ծնեալս, ՚ի չորից հողմոց ՚ի դատել զնոսա՝  
 որոց վասն և սպարաստեալէ փառք և տան  
 ջանք ըստ արժանի գործոց իւրեանց : Վանզի  
 գոլով միանգամ ծնեալք ըստ հոգւոյ՝ ոչ ևս  
 կարեն մեռանել. այլ որոց զքարիս գործեալ

1 Սը՛. ճԳ. 4 :

3 Սաբլ՛. ԻԴ. 31 :

2 Ա. Կորն. ԺԵ. 42, 43, 44 :

իցէ՛ ՚ի յարութիւն կենաց, և որոց զչար աւարեալ իցէ՛ ՚ի յարութիւն դատաստանաց<sup>1</sup>, որ չար ևս է քան զմահ, զոր որոնեն և ոչ գտանեն, զի մահ մեղաւորին չար է<sup>2</sup>: Աւժան սոցա իսկ ասացաւ, [Թէ՛ 4] աւ էր նոցա՝ թէ՛ բնաւ չէր իսկ ծանուցեալ զարդարութեանն ճանապարհ, քան զի ծանեան և յետս կացին ՚ի սուրբ պատուիրանէն որ նոցա աւանդեցաւ ո՞<sup>3</sup>. որպէս Յուդա՝ որ էր մին յընտրելոցն երկոտասանից. բայց մինն ՚ի ձէնջ, ասէ, սատանայ է<sup>4</sup>. որ և քանիցս անդամ կոչեաց զնա ՚ի զղջումն, մինչև առ ՚ի նշան ետ նմա զպատառն. բայց ոչ զղջացաւ, և ապա մտեալ ՚ի նա սատանայ, զբրկեցաւ ՚ի փառաց աստուածային հողորդակցութենէ, և դասեցաւ ընդ բելիարայ՝ ոչ կորուսանելով յաւիտենականապէս զանձնական էութիւն իւր:

Իսկ որոց լուեալ զանուն Բանին Աստուծոյ, և ոչ ինչ փոյթ յանձին կալեալ՝ հակեցան զհետ աշխարհային զբօսանաց և հեշտութեանց, և ոչ ինդրեցին կամ ջանադիր եղեն հասանել վերստին ծննդեան ՚ի ձեռն

1 Յով. Ե. 29:

3 Բ. Պէր. Բ. 21:

2 Սը՛. 1. 9. 21:

4 Յով. 2. 71:


Հաւատոցն Քրիստոսի, մատնեցան յաւիտե-  
նականապէս ՚ի կորուստ տանջանայ՝ որպէս  
կաթիլ մի ՚ի դուլէ : Ամանապէս և ամենայն  
հեթանոսք որք ոչ անսացին երբէք, և ոչ իսկ  
՚ի խնդիր եղեն ճշմարտութեան, կորուսեալ  
զազնիւ մարդկութիւնն զոր բնկալեալ էին  
բնականաբար ՚ի գոյութեան նախկին ճնողի  
իւրեանց, եղեն նմանք և հաւատարք անսա-  
նոց անբանից : Իսկ զորոց գտանին ՚ի նոսա  
այլասեռ հաւատովք՝ արք բնականաբար բա-  
րեք՝ առաքինիք՝ բարեգործք՝ և երկիւղածք,  
չէ մեզ փոյթ քննել աստէն, քանզի արարիչն  
նոցա բազում և զանազան օթեանս ունի  
՚ի տան իւրում<sup>1</sup>, ուստի և զկամաց իւրոց  
և եթ կախեալ կայ :

Արդ՝ որդեակ իմ, որովհետեւ յայսպիսի  
ազնիւ և ՚ի գերագոյն աստիճանի ստեղծեալ  
զմեզ Աստուծոյ՝ զարգարեաց շնորհիւ հո-  
գւոյն իւրոց, պարտիմք ապա և մեք յամե-  
նայն յօժարութենէ կամաց ջանալ և փոյթ  
յանձին ունել ճանաչելոյ զԱստուած և ըզ-  
մեր անձինս : Այլ գիտել ճշմարիտ և աներկ-  
բայ հաւատով, թէ դուռն և ճանապարհ  
այօր վերստին ճննդեան՝ է մի միայն Փրկիչն

մեր Յիսուս Քրիստոս, և այսու ճանօթու-  
թեամբ որոշել և զանազանել զվեզ և զբարս  
մեր յանասնական բարուց և վարուց : Աւ-  
հաւատարով զԱստուած, Աստուած և Աս-  
տուծոյ, ( ըստ մեծին Ալպերտի ) վարիլ յա-  
մենայն գործս մեր մարդկաբար և ոչ անաս-  
նաբար, առ 'ի համանմանիլ Աստուծոյ իբրև  
որդիք սիրելիք, այսինքն իբրև զմարդ . որ  
արարաւ Աստուծոյ 'ի նմանութիւն և 'ի  
պատկերի իւրում . զոր և իբր ջինջ և պայ-  
ծառ հայելի ինքեան՝ կացոյց զնա 'ի մէջ ընդ-  
հանուր էակաց : Արդ՝ եթէ պատկեր ինչ  
չունիցի զնմանութիւն հեղինակին, զիմօրդ-  
ասիցի լինել պատկեր այս կամ այն ինչ իրի .  
նմանապէս և մարդն՝ եթէ չունիցի 'ի վա-  
րրս և 'ի բարս և 'ի գործս իւր նմանութիւն  
ինչ Աստուծոյ, զիմօրդ կարէ լինել պատկեր  
Աստուծոյ :

Ապա ուրեմն առ 'ի գիտել թէ որով  
կամ որպիսի եղանակաւ պարտիմք վարիլ  
և 'ի գործ ածել զհնգեսին զգայարանս մեր,  
որք են հնգեքին քանքարք շնորհեալ մեզ  
Աստուծոյ առ 'ի յարգել և շահեցուցա-  
նել, զի կարացուք նմանիլ Աստուծոյ և  
կոչիլ որդիք սիրելիք և պատկերք . գրեցից  
քեզ յառաջիկոյս համառօտակի ըստ շա-

փուլ համբաւիւ թեան խմում, զի մի թագու-  
 ցանելով զքանքարն՝ նախատինս ՚ի Տեառնէ  
 ընկալայց : Այլ դու բացեալ զունկն մտաց  
 և սրտի քո՝ լուր բանից խնոց, զոր իբրու  
 պատգամ և հոգեշահ խրատ ընծայեմ քեզ :





# Մ Ա Ս Ն Ե Բ Կ Բ Ո Ր Գ

Յ Ա Ղ Ա Գ Ս Կ Ն Գ Ի Յ Զ Գ Ա Յ Ա Բ Ա Ն Ա Ց

## Կ Ա Ն Ի Ա Բ Ա Ն Ո Ւ Թ Ի Ի Ն

ԱՍԱՅԱԻ յառաջնում մասին, եթէ մարդն և անասունն համասեռք են կենդանականաւ, և տարրորչք տեսակաւ, կարի յոյժ զանազանեալք ՚ի միմեանց, և սյլն. բայց միահաղոյն են թարկեալ հնգից զգայարանաց և բոլոր մարմնական կրից՝ բայց ՚ի բանականութենէ, որով մարդն զարդարեալ այսու լուսով զանազանի ՚ի նոցունց կարի իմն գերագոյն աստիճանաւ, մինչ զի և գովեստս ընկալաւ ՚ի Փրկչէն, թէ « Արդիք աշխարհիս այսորիկ իմաստնագոյնք են քան զորդիս լուսոյ յազգս իւրեանց »<sup>1</sup> : Իսկ սորա ամենեքին գորով մարմնաւորք և բաղկացեալ ՚ի չորից ապականացու տարերց՝ են թակոյ են ապականութեան և ծնելութեան հարկաւ : Քանզի առանց ապականութեան ոչ ինչ մարմնա-

1 յ-ի. ժ. 2. 8 :

ւոր դոյացութիւն կարէ ճնանիլ ըստ վճույ  
 հանուրց փիլիսոփայից, թէ ապականութիւն  
 միոյն ճնունդ է միւսոյն . և այս կրկնակի  
 շարժմամբ, այսինքն յատուկ և հասարակ :  
 Յատուկ, զի իւրաքանչիւր տեսակ՝ զիւրն մի  
 այն արտադրէ տեսակ և ոչ զայլոց, որ լինի  
 միջոցաւ իւրոյ անհատին : Այս ապա՝ ապակա-  
 նութեամբ տեսականն այսինքն յատկական  
 սերման, որոյ յապականութենէ յառաջա-  
 դայի նորածին միւս անհատն նոյն տեսակի .  
 որպէս և տեսանեմք ՚ի բողբոջական և ՚ի  
 կենդանական սեռս, իսկ յերական սեռի  
 լինի այլազգ : Հասարակ, որ յապականիլ  
 տեսակի միոյ՝ փոխարկի յայլ իմն տեսակ ՚ի  
 ձեռն ընթացից բնութեան, իսպառ կորուս-  
 մամբ իւրոյ նախնական տեսակին, որպէս և  
 փայտն յապականիլն այրեցմամբ՝ փոխարկի  
 յաճիւն, և ՚ի փոխ մոխրոցն՝ ըստ պահանջ-  
 ման բնութեան փոխարկի յայլ իմն իր . յո-  
 րոց ոմանք թէ և պահպանեն գաղանի զօ-  
 րութիւն ինչ նախկին ներդործութեան բը-  
 նական տեսակի իւրեանց, բայց այս ոչ է  
 ամենեցուն հասարակապէս և ոչ իսկ բազ-  
 մաց :

Մտոյ՝ որովհետև և մարդն իսկ գորով  
 մարմնաւոր, և ըստ պահանջման մարմնոյ՝ գը-

տանի ենթարկեալ աստիանու թեան և ճերն-  
դեան, նա և բոլոր զգայարանաց և ամենայն  
մարմնական կրից ըստ օրինակի անատուն կեն-  
դանեաց, ոչ է հարկ յազադս պարբիկ դա-  
տել զնա իբր համահաւասար միւս անաս-  
նոց : Այլ որպէս ասացաւ ՚ի վերոյ յառա-  
ջին մասին մերում, պարտ է ճանաչել զնա  
կենդանի ինչ ազնուականագոյն և պատուա-  
կան՝ հաղորդ գերագոյն հոգւոյ և մարմնոյ,  
և ընդունակ իմաստութեան և հանճարոյ  
յազադս իւրոյ բնական իմացականութեան,  
որով և ունի յարմարութիւն և համակրու-  
թիւն հաղորդակցելոյ աստուածոյին բնու-  
թեան<sup>1</sup> և ստանալոյ հոգեպէս մշանջնա-  
կան անմահութիւն և անապականութիւն :  
Որոյ հոգին է յատկապէս աթոռ և բնակա-  
բան Աստուծոյ : Քանզի հոգի հոգւոյն մար-  
դոյ՝ է նոյն ինքն Աստուած, յորում բազ-  
մեալ որպէս զեկալար ՚ի նաւու՝ ազդէ յա-  
տուկ ներգործութեամբ : Որոյ զեկն է լոյսն  
բանականութեան, և զեկալարն նոյն ինքն  
Աստուած, որ կառավարեալ սաշտպանէ ըզ-  
նաւն մարդկային անձին ՚ի մէջ դժնդակ ա-  
լեաց ծովու աշխարհիս, և ընդդէմ բանու-

1 Բ. Պէր. Ա. 4 :

Թեան սաստկացեալ ներհակ հողմոցն փորձանաց փորձողին, որ երբեմն ցուցեալ ըզբարինս՝ դրդէ հրամայել նոցա զի հաց լի նիցին. մերթ ՚ի վերայ աշտարակի կացուցեալ զնա՝ ասէ արկանել զանձն իւր ՚ի վայր, զի ՚ի հրեշտակաց բարձեալ՝ ոչ երբէք ըզբարի զոտն հարկանիցէ: Ալ երբեմն հանեալ ՚ի լեառն բարձր մեծամտութեան՝ խոտանայ տալ նմա զամենայն զգանձս և ըզթագաւորութիւնս աշխարհի, եթէ փոխանակ Աստուծոյ՝ նմա հետեւելով զնա սաշտիցէ<sup>1</sup>: Արում եթէ անսացեալ մարդոյ, և մասնաւոր անձնիչխանական կամօք իւրովք հաւանեալ բանից նորա՝ կամիցի զնել զանձն իւր ՚ի փոանդի, նոյն զեկալարն ճարտար որ բնակեալն է ՚ի նմա անբաժանելաբար, (ըստ այնմ թէ՛ զորս ՚ի քէն յառաջ բերես դու, թէ՛ իր՝ թէ՛ իրակութիւն, ոչ բաժանիս ՚ի նոցանէ որպէս յէակս էութիւն.) փրկէ զնա և հասուցանէ ՚ի խաղաղ նաւահանդիստ, եթէ նաւն ընդ զեկի իւրում հնազանդեալ յանձնեսցէ զինքն կամայ զեկալարին: Իսկ եթէ յամառեալ դիմեսցէ առ ներհակն՝ ոչ ինչ անսալով ազգեցութեան

1 Ամբ. Դ. 5:

ղեկավարին, բարձի թողի լինի երթալ ըղհեա կամաց սրտի իւրոյ, զի գնայ ըստ կամաց անձին իւրոյ. ուստի և հանդիպեալ ապառաժից՝ խորտակի և ընկղմեալ կորնչի ՚ի խորս անդնդոց ծովու: Ի դէպ այսմ բարբառի և մեծն Օգոստինոս. «Աստուած իմ, ասէ, որչափ որոնեցի զքեզ արտաքոյ քան զիս, այնչափ մոլորեցայ և հեռացայ ՚ի քէն. զի դու ՚ի ներքս յիս բնակեալ էիր, և ես սոքիտաբար որոնեցի զքեզ արտաքոյ »:

Իսկ մեծն Ալպերտ զայս գոյու թիւն Աստուծոյ ոչ միայն ՚ի մարդն՝ այլ նա և յամենայն արարածս բնականաբար հաստատէ, գրելով ՚ի բնական աստուածաբանութեան գիրսն իւր, թէ այնչափ ներկայ գտանի Աստուած յարարածս իւր, մինչ զի եթէ ՚ի բաց քարչէր զինքն յէիցս՝ ամենեքեան յոչինչ դառնային, որպէս և եղենն յոչնչէ: Աւսրբազան առաքեալն Պողոս իբրև վճիռ հատանէ, թէ «Նովաւ կեամք և շարժիմք և եմք»: Աւ Ալպերտ յայլում տեղւոջ կրկնէ զնոյն ասելով. «Թէպէտ Աստուած է բնականաբար յամենայն էակս, սակայն է ՚ի զանազան կերպի. բանզի այլ է ՚ի հրեշտակս,

և այլ 'ի դեռ և 'ի սատանայն . այլ է 'ի դա-  
 զանս և այլ յանասունս . այլ է 'ի առնկս  
 և այլ 'ի տարերս , և յայլս ո՛ր՝ Նմանապէս և  
 այլ է 'ի մարդս . ( զանազաններով զարդարն  
 և զմեղաւորն . ) որոյ ներդործութիւնն 'ի  
 մարդս՝ յաւէտ սիրաբար է քան սիրաբար :  
 Այն արդարև սիրաբար , վասն զի նման ըլ-  
 նմանն սիրէ բնականաբար , վասն որոյ և հո-  
 չեցաւ մարդասէր և ոչ հրեշտակասէր : Այլ  
 ոչ բուռն եհար զհրեշտակաց՝ այլ զզաւա-  
 կէն Աբրահամու <sup>1</sup> , այսինքն զԱդամայ : Ոչ  
 էջ յերկնից որոնել զանթիւ բազմութիւն  
 անկերոց դասուց հրեշտակաց , այլ զպատկե-  
 րացեալն իւր զմարդ : Ոչ յանձն էառ զանօ-  
 բէնութիւնն՝ կրել զկիրս զչարչտրանս և զմահ  
 խաչի վասն հրեշտակաց , այլ վասն մարդոյ :  
 Այլ եղև սչ հրեշտակ՝ այլ մարդ կատարեալ :  
 Կատարեալ ասեմ , և ոչ իբրև զմեղ անկա-  
 տար՝ դուրով հակեալ 'ի մարմին , յաշխարհ և  
 'ի սատանայ . վասն որոյ 'ի չափ կատարելու-  
 թեան յորդորէ զմեղ հասանել սրբազան ա-  
 ռարեալն Պօղոս՝ ասելով իմն . « Սինչև հառ-  
 ցութ ամենեքին . . . յայր կատարեալ 'ի չափ  
 հասակի կատարմանն Քրիստոսի ո՛ր՝ յազթող

1 Աբր․այ․ Բ․ 10 :

2 Աբր․այ․ Գ․ 13 :



լինելով փորձողին . և նմանիլ Քրիստոսի և ինքեան , որպէս և ասէ . « Նմանողք ինձ եղբուք որպէս և ես Քրիստոսի »<sup>1</sup> :

Վանդի այր կատարեալ է ճշմարիտ պատկեր՝ նման և հայելի Աստուծոյ . որպէս և ոմն յաստուածածանօթ բանաստեղծից ՚ի ճառելն զազնուութենէ և զկատարելութենէ մարդոյ , ասէ . Օ՛մարդն զոր ես ասեմ , մի կարծիցես զմարդն անասնացեալ , այլ զմարդն որ է ճշմարիտ հայելի Աստուծոյ . և եթէ ունէիր զնմանէ ծանօթութիւն , անշուշտ զնա Աստուած կոչէիր , և վախաբերաբար զԱստուած՝ մարդացեալ Աստուած անուանէիր , ընդ որում ունի այնչափ նմանութիւն իբր ընդ հեղինակի իւրում :

Արդ՝ որովհետեւ մարդն է պատկեր՝ նրման և հաղորդ Աստուծոյ , միանգամայն և աթոռ՝ տաճար և բնակարան նորին յատկապէս , ոչ պարտիմք վասն մարմնաւոր և զգալի կրից իւրոց և վասն հնգից զգայարանաց զորս ունի հանգոյն այլոց կենդանեաց՝ համարել զնա իբրև զմի ՚ի նոցունց : Ոչ պարտի և մարդն իսկ ինքնին վասն հնգից լծոյն եզանց (այսինքն հնգից զգայարանաց ,) գնելոց՝ հը-

1 Ա. Կորն. ԺԱ. 1 :

բաժարիլ ՚ի հարսանեացն կոչնականու թենեկ,  
հեռեկելով ՚ի փորձեւ զնոսա<sup>1</sup> : Այլ սրտէ  
՚ի գործ ածեւ զնոսա ըստ յարմարութեան և  
ըստ պատշաճաւորութեան տեսակի իւրոյ,  
ճառայեցուցանելով զնոսա ինքեան առ ՚ի  
քաղեւ ՚ի նոցանէ օգուտս հոգւոյ և մարմնոյ  
իւրոյ . և ոչ զօրէն անասնոց ճառայ լինել  
կրից իւրոյ և զգայարանայ , և այնու իս-  
կապէս հաւասարիլ անասնոց անբանից և  
նմանիլ նոցա :

Վասն որոյ կամեցայ աստէն խօսել ըզ-  
նոցանէ ուրոյն համառօտ ինչ բանս զի կա-  
րիցես ՚ի գործ ածել զսոսա ՚ի գործս առա-  
քինութեան, և հաւաքել այնու սրտու զս հա-  
ւատոյ՝ յուտոյ՝ և սիրոյ : Այլ այսու անսոյ-  
թաք շաւղաւ ընթացեալ՝ ժամանեւ առ բաղ-  
ձալի վախճանն միաւորութեան Աստուծոյ ,  
և ժառանգել զանդրաւական ուրախութիւն  
՚ի հարսանիսն անապական , զգեցեալ լուսա-  
փոյլ պատմութեանս հարսանեաց , ճանաչել  
միշտ զԱստուած և զքեզ ինքն :

1 Ղ 7-ի . Ժ 7 . 19 :

Յաշտի Գեորգիայ:

« Եթէ ակն քո առատ է՝ ա-  
մենայն մարմինդ լուսաւոր եղի-  
ցի . իսկ եթէ չար՝ մնայ ՚ի խա-  
ւարի » : ՄԱՏԹ . Զ . ԶԶ :

Եւ Կն կոչի զգայարանն տեսութեան, զոր  
հաւասարապէս ունին ամենայն կենդանիք,  
այսինքն ասունք և անասունք, մթեղք և սու-  
ղունք և թռչունք և ձկունք . ՚ի մի բան՝  
ամենայն շարժուն կենդանի ունի ընկալեալ  
Մտտուծոյ զայս գերագոյն պարզ և որով  
իւրոքանչիւր անհատ պահպանէ և կառա-  
վարէ զանձն, և է ուղեցոյց և առաջնորդ  
նորա : Քանզի սովիմբ պահպանէ զինքն յա-  
մենայն երևելի որոգայթից, և սովիմբ հայ-  
թայթէ զպիտոյս և զճարակ անձինն . նա և  
այսու ընդունի զճանօթութիւն նիւթոց՝  
զգունոց, զլուսոց և զխաւարի, և զայլ ամե-  
նայն զգալի և մարմնաւոր իրաց, որք կամ  
օգտակարք և կամ վնասակարք են անձին  
կենդանւոյ :

Եւ զսոյն աղնիւ պարզ և զձիր հա-  
սարակաբար ընկալեալ են ՚ի հաստէն իւ-

բեանց ողջոյն կենդանիք, թէ՛ հրայինք իցեն  
 և թէ՛ երկրայինք, թէ՛ ջրայինք և թէ՛ օդայ-  
 ինք, իւրաքանչիւր ըստ յարմարութեան և  
 սրահանջման տեսակի իւրեանց : Աւստի և  
 են ոմանք որ հեռատեսք են և ոմանք կար-  
 ճատեսք, ոմանք ՚ի տունջեան տեսանեն, և  
 ոմանք ՚ի գիշերի, և ոմանք յերկրսին ևս :  
 Ամանք և լուսով իսկ ճրագի կարեն տեսա-  
 նել ՚ի գիշերի, և ոմանք ոչ երբէք, ոմանք  
 ՚ի մէջ ջրոյ միայն, և ոմանք ՚ի ջուր և ՚ի  
 ցամաք, և այլն :

Ի այց այս ամենայն ազգք տեսութեանց  
 զգայօրէն և եթ օգտեն ընդհանուր կենդա-  
 նեաց՝ յիրս բնականաբար եղեալս՝ այսինքն  
 էացեալս, և այն՝ զանաղան աստիճանաւ :  
 Քանզի ենթալուսնեայք՝ այսինքն թանձր  
 շօշափելի և մարմնաւոր կենդանիք, զանե-  
 բեայթ կենդանիս՝ իմա զհրեղէնս ոչ կարեն  
 տեսանել : Իսկ հրեղէնք տեսանելով զհրե-  
 ղէնս՝ այսինքն զամենայն հոգեղէնս, տեսա-  
 նեն նաև զայլ ամենայն նիւթական էացեալս  
 բաց յԱստուծոյ, որ է անեղձ պարզ և ան-  
 նիւթ էութիւն անտեսանելի և անշօշափելի.  
 զի ինքեանք գոլով նիւթեղէնք՝ այսինքն հը-  
 բեղէնք, զաննիւթն ոչ կարեն տեսանել, այլ  
 զԱստուած տեսանեն միայն իմանալի աչօք,

որպէս և մարդն զաներևոյթսն իմացակա-  
նութեամբ միայն տեսանէ : Նայց հրեշտակք  
առաւել քան զմարդն ունին իմացականու-  
թիւն, բայտ որում ազատք են ՚ի թանձր տա-  
րերէ . և ՚ի հանդերձեալն մինչ ստանայ մարդ  
զփառաւոր նորոգութիւնն , առաւել քան  
զհրեշտակս պայծառ և լուսաւոր իմացակա-  
նութեամբ տեսանէ զԱստուած արդեամբ  
մարմնաւորութեան բանին Աստուծոյ , և  
վասն հազորդակցութեան մերոյ ընդ ամե-  
նասուրբ Մարմնոյ և Արեան նորին : Վանզի  
հրեշտակք ոչ հայիլ , ոչ մերձիլ և ոչ հազոր-  
դիլ կարեն , որպէս և վկայէ սուրբ գիրն ,  
յասելն Աստուծոյ յՄովսէս , թէ « Այլ կա-  
րես տեսանել զերեսս իմ . . . այլ զյետոյսն  
իմ տեսցես »<sup>1</sup> , այսինքն զմարմնաւորութիւն  
բանին իմոյ տեսցես . զոր և նախ քան զմար-  
մնանալն ետես Եսայի , առաջի որոյ Սերով-  
բէք և Քերովբէք սաւառնեալ թեօք նիւ-  
թականութեան՝ սարսելով ծածկէին զդէմս  
իւրեանց , և ոչ կարէին հայել և տեսանել  
զնա , կամ մերձենալ և հազորդիլ<sup>2</sup> : Արպէս  
և Փրկիչն մեր ծանոյց , թէ « Օ Աստուած ոչ  
ոք ետես երբէք , բայց միաձինն Որդի որ է

1 Եւր . 19 . 20 . 25 : 2 Եսայ . 2 . 1 :

ի ծոց Հօր՝ նա պատմեաց ո՛ր, ընդ որում հաւատացեալք միանալով՝ այսինքն ընդ միածնին Որդւոյն, կարեն մերձենալ առ Աստուած ՚ի ձեռն շօշափման բանին կենաց . և առաւել քան զհրեշտակս լուսաւոր իմացականութեամբ տեսանել զնա Որդւովն :

Եւ այց թողջուք այժմ խօսիլ ՚ի վերայ բնաբանիս այսորիկ, քանզի նրբամիտ աստուածաբանից և եթ է զամանէ ճառել . և դարձցուք ՚ի կարգ բանին մերոյ, թէ Տեսութիւնք մարմնաւորաց օգտեն միայն յիրս բնականաբար էացեալս . և գրեթէ մի միայն վասն օգտի մարմնական կենացս . որոց ՚ի զրկիլն ՚ի տեսութենէ պատահմամբ իւրք, բաղում վիշտս և տառապանս կրեն : Այլ տեսութիւն մարդոյ դերազանցէ յոյժ քան զնոցին . զի մարդն տեսութեամբ ճանաչէ նա և զզօրութիւնս և զգաղանի ներգործութիւնս ամենայն իրաց : Աւ կարէ ևս տեսութեամբ և եթ գիտել թէ զինչ ինչ կարելի իցէ յառաջ ածել ՚ի նոցունց, և թէ իմ իմիք օգտիցեն այնք և ծառայիցեն . ուստի և այսու ճանաչմամբ հնարէ ՚ի նոցունց այլ և այլ իրս՝ որք բնականաբար շէին եղեալ :



Յաւելու 'ի նոյն այսու տեսու թեամբ զան թիւ բաղկացու թիւնս և արուեստս : Ի ձեռս բերէ և ազգս ազգս գիտու թեանց, և գործէ հիանալիս մինչև 'ի սքանչացումն բերել ըզ տեսողս : Այսն որոյ և տեսու թիւն մարդոյ առաւել գերազանց և օգտակար է ինքեան, քան զայլ կենդանեացն՝ նոցին :

Ասկայն ոչ է պարտ մարդոյ զայսորիւք և եթ պատաղեալ բաւականանալ, այլ օգտակարագոյն ևս տեսու թեանց զհետ լինել, և զօրու թիւն յաւելուլ 'ի նոյն՝ զի մի խաբիցի : Վանզի երբեմն գիւրաւ պատրի մարդ 'ի տեսու թեանէ, զոր օրինակ գաւազան ուղիղ մխեալ 'ի ջուր՝ երևի կոր, այլ մարդ բանական գիտէ զնորին ուղղու թիւն և ոչ խաբի : Հարկ է նաև գիտել թէ զինչ է ակն, և սվ է որ տեսանէ և զիսորդ տեսանէ, և թէ զինչ ինչ պարտի տեսանել զի կատարելու թիւն ունիցի :

Ակն կենդանեաց է մաքուր ջինջ և սայծառ հեղուկ նիւթ ինչ շրջապատեալ 'ի նուրբ և 'ի սայծառ թափանցիկ թաղանթից, յորոյ միջի իբրև կաթիլ մի լուսոյ զետեղեալ կայ առաջի բիւրեղակերպ հայելոյ, նմանեալ փոքրիկ թեփոյ ձկան, յորում բնկալեալ զօրու թեամբ արտաքին լուսոյ զամենայն ձև

և զստակեր առարկայից՝ ներկայացուցանէ իմացականութեան միջոցաւ ոմանց ներդից որք ձգին յուղեղն, և կոչի բիր ահան, որ եթէ պատահամք հանդիպիցի սաստիկ ջերմութեան կամ ցրտութեան՝ պնդանայ, և կենդանին կորուսանէ զզօրութիւն իւր: Ալ մանապէս եթէ վիրաւորեալ անօթն՝ և պատառիցին թաղանթք, կամ հատցին նեարդքն որք ծառայեն ինքեան, յայնժամ կամ հեղմամք հիւթոցն և կամ խափանմամք շաղին՝ ընդ որ յուղեղն ընթանայ, կորնչի տեսութիւն կենդանւոյն: Ալ երբեմն ևս եթէ յեռանդանէ արեան, և կամ ՚ի շարժմանէ այլոց խոնարհ հիւթոց՝ արիւն և կամ ջուր մտանիցէ ՚ի մէջ բբի և թաղանթից, իբրև դբող ընդ մէջ անկեալ՝ խափանէ զտեսութիւն կենդանւոյն:

Բայց այսու ամենայնիւ ոչ եթէ կենդանին է որ տեսանէ և ոչ իսկ ահնն, որ է գործի տեսութեան իբրև լուսանցոյց պատուհան պալատի մարմնոյն: Այնպէս և ոչ զուտ և պարզ կենդանական հոգին է որ տեսանէ, և ոչ իսկ լոկ մարմինն: Բանդի հոգին դուրով աննիւթ՝ ըստ ինքեան ոչ ինչ զգալի և նիւթաւոր կարէ տեսանել, վասն զի աննիւթ դոյսացութեան՝ ընդհանուր տեսողու-

Թիւն մի միայն Աստուծոյ ինքեան է յատկացեալ, որոյ աննիւթ գոլով՝ ունի և կատարեալ անձնաւորութիւն : Այսպէս և լիկ մարմինն առանց կենդանական հոգւոյ գոլով մեռեալ՝ ոչ կարէ տեսանել : Այլա ուրմն տեսողն նոյն ինքն եսական անձնն է որ բաղկացաւ ՚ի հոգւոյ և ՚ի մարմնոյ . և հոգւոյն բնակի ՚ի սլալատան մարմնոյ իւրոյ իբր տէր և իշխան նորա . և հայելով յամենեւին ընդ այս նրբանիւթ սլալատահանական, տեսանէ և ճանաչէ զամենեւին . որոյ և ՚ի նկատելն յայանէ զամենայն խոկմունս և ըզնեբքին զգացմունս իւր . այսինքն եթէ բարկացեալ է կամ զիջեալ, վրդովեալ կամ հանդարտ, ուրախ՝ կամ տրտում, սիրահարեալ՝ կամ խոժոռեալ, ապշեալ, թմրեալ, արբեալ, կամ զգոյշ և սլալատաստ . թնամացեալ և կամ բարեկամացեալ : Ա մի բան՝ գրեթէ մի միայն հայեցմամբ զըողոր խոկմունս նեբքին զգացմանց իւրոց ծանուցանէ տեսողաց ընդ այս հրաշատիս լուսամուտ, զոր ոմն ՚ի բանաստեղծից՝ Թարգման նեբքին մարդոյն առնունէ : Աւարդարեւ ճշմարիտ Թարգման, մինչ զի և գաղանք և անասունք իսկ ՚ի նրկատել յաչս մարդկան՝ զգան և ճանաչեն զնեբքին զգացմունս նոցին որ առ ինքեանս :

Եւ գրեթէ առ միմեանս խիղ ունին 'ի փո-  
խադարձ հայեցուածոցն ճանաչել և զգալ  
զկամս և զգիտաւորութիւն իրերաց :

Եւ արդ՝ յեա համառօտաբար գիտելոյ  
մարդոց, թէ զի՞նչ է ակնն, և կամ ո՞վ կամ  
զի՞նչ տեսանէ, պարտ է ևս գիտել՝ թէ զի՞նչ  
ինչ պարտ է տեսանել, որպէս ասացաւ 'ի  
վերոյ, զի զանազանիցի յանանոց և կատա-  
րելութիւն ունիցի : Ասացաք եթէ անբան  
կենդանիք զոյս ձիր աստուածային վայելեն  
միայն 'ի պէտս և յօգուտ մարմնաւոր կենաց  
իւրեանց, վասն որոյ ուր և հային և յառեն  
զաչան՝ ոչ այլ ինչ տեսանեն եթէ ոչ զգալի  
արարածս : Իսկ մարդն գոլով աղնիւ և կա-  
տարեալ քան զամենայն կենդանիս, պարտի  
նաև առատապէս վայելել զոյս ձիր աստուա-  
ծային քան զնոսին : Աստի ուր ուրեք յա-  
ռեսցէ զաչս իւր, բայց 'ի զգալի արարածոց  
պարտի նա և տեսանել զԱրարիչն արարա-  
ծոց իբրև 'ի հայելոջ, ըստ որում ընդհա-  
նուր արարածք 'ի կենցաղումս հայելիք Աս-  
տուծոյ են, և 'ի հանդերձեալն Աստուած է  
հայելի արարածոց, ըստ այնմ թէ « Այժմ  
տեսանեմք իբրև ընդ հայելի օրինակաւ, այլ  
յայնժամ գէ՛մ յանդիման »<sup>1</sup> : Ասկայն ոչ

1 Ա. Կրն. ԺԳ. 12 :

ամենեքին տեսանեն, այլ միայն որք կարա-  
ցին տեսանել աստ ՚ի հայելուջ՝ կարեն նա  
և ՚ի հանդերձեալն տեսանել դէմ յանդի-  
ման զփառս Որդւոյն Աստուծոյ, որպէս և  
ինդրեաց ՚ի Հօրէ, թէ « Եղիցին ( հաւա-  
տացեալքն իմ) մի, որպէս և մեր մի եմք...  
զի տեսանիցեն զփառս իմ<sup>1</sup> : Ահա աստուա-  
ծային տեսութիւն և միաւորութիւն, որոյ  
յայտնութեամբն նման նմա լինելոց են ամե-  
նեքին որ սիրեցին զնա, և տեսանելոց են զնա՝  
որպէս և էն, ըստ սրբոյն Յովհաննու<sup>2</sup> :

Աւասիկ ակն առատ որ զամենայն մար-  
մինն պահէ ՚ի լուսաւորութիւն Աստուծոյ :  
Իսկ որ ունի ակն չար, ( որ երբեմն ՚ի սաս-  
տիկ ջերմ նկատմանէ առ մարմնականս, և ՚ի  
սաստիկ ցրտութենէ առ աստուածայինս՝  
պնդացեալ կուրանայ, և երբեմն պատառ-  
մամբ թաղանթիցն յոչ պայծառ և յանստոյգ  
ճանաչմանէ զԱստուած, և կամ հատմամբ  
ներգիցն հաւատոյ՝ յուսոյ՝ և սիրոյ, որք առ  
ուղեղն ընթացից ճշմարտութեան ծառայ-  
էին ինքեան, խափանէ զգնացս տեսութեան  
իւրոյ առ Աստուած, և մերթ ևս եռան-  
դեամբ արեանն ամբարտաւան և փառամոլ

1 Յով. Ժ. 11. 24 : 2 Ա. Յով. Գ. 2 :



քնչատիրութեան, և կամ շարժմամբ խոնարհիւթոյն հեշտութեան՝ կորուսանէ զիմանալի տեսութիւն իւր.) լաւ է խլել զայն և ՚ի բաց արկանել, զի գայթաղեցուցիչ է ինքեան, որ զգդալիս և եթ տեսանէ՝ զանցաւորս և զապականացուս, յորս հայելով և տալաւորելով զնոսա ՚ի հայելոջ բբի ահան իւրում՝ սեւեռեալ մնայ ՚ի նոսին, և լինի ինքն ևս անցաւոր և ապականացու, և կորուսանելով զլոյսն էութեանական՝ մնայ յուշինչի և յանգոյ խաւարի: Վանգի խաւարն ըստ ինքեան չէ ինչ, այլ է սրահասութիւն լուսոյ. և սրահասութիւն լուսոյն ամէ բղխաւար. իսկ լոյսն է ճշմարիտ գոյացութիւն: Վանն որոյ և մարդոյ առ ՚ի զերծանիլ ՚ի խաւարէ ոչինչութեան և բնակիլ ՚ի լոյս գոյութեան, սգարս է ներքին և արտաքին աչօր նկատել յամենայնի. արտաքնոյն բղպէտս և զօգուտս արտաքին մարդոյն ճանաչել, իսկ ներքնոյն զպէտս և զօգուտս ներքին մարդոյն բնարել, և յամենայն իրս և ՚ի գործս զազդեցութիւն և զներգործութիւն Աստուծոյ իմանալ և ճանաչել: Այս ինքն՝ տեսանելով զմեծութիւն և զանհնութիւն տիեզերիս, զմեծութիւն և զանհնութիւն Աստուծոյ ՚ի միտ առնուլ: Տեսանե



լով զկարողութիւն և զզօրութիւն իրաց ըզգալեաց, զանչափ կարողութիւն և զզօրութիւն Աստուծոյ ճանաչել: Ահաաւելով ՚ի գիւտս ճարտարահնարս մարդկային մտաց, ՚ի հրաշատիպ արարչագործութիւն երկնային կամարի, ՚ի կարգադրութիւն դրից աստեղաց և յընթացս նոցին, այլ և ՚ի կանոնաւոր շրջանս ժամանակաց և տարերց, և ՚ի զարմանալի կերտուածս և ՚ի կազմուածս կենդանական մարմնոց՝ տնկոց՝ և այլ ամենայն էակաց, զամենամեծ և զանսահման իմաստութիւն Աստուծոյ ճանաչել: Տեսեալ զգեղեցիկութիւն թռչնոց, ձկանց, կենդանեաց, բուսոց, ծաղկանց և ընդհանուր դոյից, զանչափ սէր և զբարութիւն Աստուծոյ ճանաչել: Տեսանելով զվայելչութիւն անտառաց և կանաչագեղ սաղարթախիտ թփոց, զյորդահոս բղխումն կարկաչասահ գետոց և աղբերց, զբաղցրաշունչ հնչումն զուարթարար զեփիւռին, զմեծ վայելչութիւն Տանն Աստուծոյ զմտաւ ամել, և բաղձալ ըստ մարգարէին՝ բնակել ՚ի տան Տեառն ընդ երկայն աւուրս<sup>1</sup>: Տեսեալ զբարձրաբերձ լերինս ապառաժուտս և սեպոցեալս, զձորս անդըն-

1 Սղ. ԻԶ. 4:

գախորս , զգահալէժս վախից , զհրաբորբոր  
լէրինս անմատոյցս և զծծմբաբուխ տեղիս  
ժանտահոտս , զսարսափելի սանդարամետս  
գժոխոց յուշ ածել , և վախշիլ յամենայն  
առթից գահալիժելոյ 'ի նմին :

Տեսանելով զահեղատիպ և զքսամենելի  
դէմն առիւծուց , վիշապաց , և այլ ամենայն  
դիշատիչ և թիւնաւոր գաղան կենդանեաց ,  
զսարսափելի բարկութիւն Աստուծոյ 'ի միտ  
ածել : Այլ 'ի կերպարանս նոցին նշմարել ըզ-  
դէմն դիւաց մերոց սոսխաց , որք իբրև զա-  
ռիւծ և զվիշապ գոչելով շրջին և խնդրեն  
թէ զս կլանիցեն . և ջանալ անձնապուր լի-  
նել 'ի ժանեաց նոցին , և ոչ վատթար քան  
զանասուեսս գտեալ անկանիլ յորոգայթս նո-  
ցս . զի նորա մինչ տեսանեն զթշնամիսն՝ ա-  
մենայն փութով պնդութեան առնուն զփա-  
խուստ : Տեսեալ զզազիր որդունս և զգար-  
չելի կենդանիս խառնակերս , ջանացուք  
սրբել զմեզ յամենայն ազաոյ մեզաց , զի մի  
ամենամարտին Աստուած գարչեալ 'ի նո-  
ցանէ՝ մերժեսցէ զմեզ 'ի միաւորութենէ  
իւրմէ : Տեսանելով և զգառինս անմուռնչս  
վարեալ 'ի սպանդ , կամաւ ընծայեսցուք զան-  
ձինս մեր կամացն Աստուծոյ , և յօժարու-  
թեամբ զոհեսցուք զիղձս մեր աշխարհայինս

ի սէր և ՚ի հնազանդութիւնն օրինաց իւրոց :  
 Տեսանելով զանձրև տեղեալ յերկիր ՚ի ժա-  
 մանակի, և զցօղ առաւօտու իջեալ յերկնից  
 ՚ի դաշտ արգասայի, որով բողբօջեալ աճեն  
 տունկք և վերստին զուարթացեալ դալարին  
 բոցք թարշամեալք, հեղով զարտասուս  
 զղջման՝ յուսասցուք յողորմութիւն և ՚ի դը-  
 թութիւն մարդասիրին Աստուծոյ, զի ցօղե-  
 լով ՚ի հողի և ՚ի մարմին մեր զցօղ ամենա-  
 սուրբ արեան իւրոյ՝ սրբեալ մաքրեսցէ յաղ-  
 տոյ մեղաց մերոց, և նորոգեալ կենդանա-  
 ցուսցէ զթարշամեալ և զթառամեալ հողի  
 և զմարմին մեր ՚ի կեանսն յաւիտենականս :

Ազրակացուցանեմք ուրեմն, թէ ակն  
 մարդոյ ՚ի տեսանել զամենայն զգալի արա-  
 բածս՝ պարտ է իբրև ՚ի հայելւոջ տեսանել  
 նա և զամենայն իմանալիս, և ճանաչել զայն  
 ամենայն որք են յօգուտ և ՚ի վնաս ներքին  
 մարդոյն : Այսու տեսութեամբ կառա-  
 վարել զարտաքին և զներքին մարդն, և ըս-  
 տանալ զակն առաս՝ զի ամենայն մարմինն  
 լուսաւոր եղիցի. ապա թէ ոչ չար ակամբ  
 մնայ ՚ի խաւարի, զոր Տէր ինքն զթացեալ  
 լուսաւորեսցէ :

« Եթէ որ ոչ լուիցէ ունկամբ՝  
 Լուիցէ թիկամբ ու ԱՌԱՃ »

ՈՒՆԿՆ Է զուռն մտից պատգամաբեր  
 սուրհանդակաց քաղաքի մարմնոյն կենդա-  
 նեաց : Քանզի սովիմբ ընկալեալ իմանայ իւ-  
 րաքանչիւր կենդանի զամենայն ձայնս և բզ-  
 պատգամս ընդհանուր էակաց , որպէս մար-  
 զըն՝ նմանապէս և անասունն :

Իսոյց անասունն միայն զձայնս զգալիս  
 լսէ , և զոր ինչ բնականաբար կարէ զգալ՝  
 զայն իմանայ . որով և կառավարէ զինքն :  
 Որպէս և տեսանեմք , զի մինչ լսէ զորտու մն  
 ամպոց՝ ամիտի յորջս կամ՝ ՚ի խորջս իւր առ  
 ՚ի պահպանիլ ՚ի կայծականց : Սինչ լսէ բզ-  
 ձայն այլատեսակ կենդանեաց թշնամեաց  
 տեսակի իւրոյ , մտախի և հեռանայ առ ՚ի  
 զերծանիլ յորոգայթէ : Սինչ լսէ զձայն ըն-  
 տանի կամ համատեսակ կենդանեաց , ար-  
 շուէ առ այն առ ՚ի զբօսնուլ նովու : Սինչ  
 լսէ զբաղցր հնչումն ինչ ՚ի բերանոյ մար-  
 զոյ , զիմէ առ նա քծնելով : Իսկ մինչ լսէ  
 սպառնալի ինչ ձայն , զթիկունս զարձու-

ցեալ ՚ի նմանէ աներևոյթ լինի : Ամանապէս  
գառինք կորիւնք և ձագք թէ՛ անասնոց և  
թէ՛ գազանաց, թէ՛ հաւուց և թէ՛ թռչնոց,  
և թէ՛ այլ ամենայն կենդանեաց, սովիմք լը-  
ւեալ զձայն մարց իւրեանց՝ վազվազեն դէպ  
առ նոսա առ ՚ի պահպանիլ և բուծանիլ ՚ի  
նոցանէ :

Վայց գրեթէ ամենեցուն սոցա լսողու-  
թիւն սահմանեալ է միայն առ զգալի իրս  
և ՚ի մարմնական պէտս իւրեանց : Վսի լսո-  
ղութիւն մարդոց գերագոյն իմն աստիճա-  
նաւ զանազանի յոյժ ՚ի նոցունց : Վանդի  
մարդն ՚ի միոյ ձայնէ այլ և այլ հնչմամբ  
բազխելով զօրն՝ կաղմէ զզանազանութիւն  
բառից և բարբառոյ յօղաւորեալ ՚ի ձեռն  
բնական գործարանայն կարգելոց ՚ի նոյն,  
որով հնչումն ձայնին նշանակեալ՝ տայ լը-  
սել ընկերին զներտարամագրեալ խորհուրդս  
մտաց իւրոց : Աս և սյսու զօրութեամբ  
լսողութեան բմբռնեալ յոլովակերպ իմաց-  
ուածս բանից՝ ստանայ զիմաստութիւն և  
զհանձար և զամենայն նուրբ մակացու-  
թիւնս . ՚ի մի բան՝ համեմատեալ զլսողու-  
թիւն անասնոց ընդ լսողութեան մարդոյ՝  
անասունն խուլ համարի քան եթէ լսող,  
որպէս և համարի նա և համբ : Վայց յայսմա-

նէ ունի մարդն նա և ճաշակ լսողութեան  
զանազան երգոց, նուագաց, և քաղցր եղա-  
նակաց թռչնոց, կենդանեաց և այլ ամենայն  
գործեաց նուագարանաց : Այլ և ճուռմա-  
բան սասացուածոց և ծիծաղաշարժ կատա-  
կերգութեանց, և այլ բաղում՝ ախորժա-  
լուր ձայնից և բանից, զորոց անասունք ոչ  
կարեն երբէք առնուլ զճաշակ :

Ասկայն ոչ է մարդոց ՚ի սոսին կալ մնալ  
բաւականացեալ, և ոչ իսկ ՚ի զգալի ձայնս  
և ՚ի բանս և եթ վարել զլսելիս իւր . այլ  
հարկ է և իմանալի ձայնից և բանից ունին  
զնել և լսել զիմանալի սխադամս ընդհանուր  
էակոց . որք ձայնիւ բնութեան, ըստ մեծին  
Ալպերտի, աղաղակեն բարձունք՝ թէ նա  
որ արար զմեզ՝ բարձրագոյն է քան զմեզ .  
գեղեցիկքն գոչեն՝ թէ նա գեղեցկագոյն է,  
կարողքն՝ թէ կարողագոյն, և լուսաւորքն՝  
թէ նա է լոյսն համօրէն աշխարհիս, վայե-  
լուչքն՝ թէ նա է վայելչութիւն արարածոց :  
Միով բանիւ՝ ընդհանուր արարարձք միա-  
բանեալ ՚ի ձայն բնութեան աղաղակեն ան-  
գագար, թէ « Աս արար զմեզ և ոչ մէք  
էաք »<sup>1</sup> . ըստ այնմ թէ « Աթէ գորա լուս-

1 Սէփ. Ղ.Թ. 5 :



ցեն՝ քարինքդ աղաղակեսցեն <sup>1</sup> : Այլ սոքա  
ամենեքին յաղաղակել իւրեանց՝ հանգոյն  
Սերովբէից և Քերովբէից գոչեն ասելով .  
« Եւ է ամենայն երկիր փառօք նորա <sup>2</sup> :  
Որք ՚ի կողմանէ Արարչին քարոզ մեզ կար-  
գեալք՝ իւրաքանչիւր բառ բնական շարժ-  
ման իւրոյ անլուելի ձայնիւ քարոզեն , այս-  
ինքն երկինք երկնաւորօքն աղաղակեն , թէ  
« Ո՞վ է որսէս աէր Աստուած մեր ՚ի բար-  
ձունս բնակեալ , և զխոնարհս տեսանէ յեր-  
կինս և յերկրի <sup>3</sup> : Հաստատու թիւնն երկ-  
նից լուսաւորօքն քարոզէ . « Սեճ է Տէր մեր  
և մեճ է զօրու թիւն նորա , իմաստու թեան  
նորա ոչ գոյ բաւ <sup>4</sup> : Արկիրս երկնաւորօքն  
քարոզէ և ծանուցանէ . « Յամենայն երկրի  
են փառք քո <sup>5</sup> : Տարերք փոփոխ յաջորդու-  
թեամբ իւրեանց ցուցանեն՝ թէ նա միայն  
է անփոփոխ և մշանջնակուն : Տունկքն ձը-  
մեռնային լերկու թեամբ իւրեանց և դար-  
ձեալ գարնանային վերանորոգու թեամբ նը-  
շանակեն , թէ անցաւոր է աշխարհիս կեանք .  
և որ չիցէ չորացեալ յարմատոյն հաւատոց ,

1 Վճռ. Ե. Թ. 40 : 4 ՍՄ. ՃԽԶ. 8 :

2 Լուս. 2. 3 : 5 ՍՄ. Ծ. 2. 7 :

3 ՍՄ. ՃԺԲ. 8 :

վերանորոգի 'ի հանդերձեալ կեանսն : Հուսկ ապա հողմունք շնչեալ 'ի չորից ծագաց աշխարհիս՝ պատգամաբերք են մեզ և յորդուրիչ 'ի զգաստութիւն՝ ասելով . զգոյշ լերուք և սկսորաստք , զի ահա դայ նա 'ի դատել զկենդանիս և զմեռեալս : Այսն որոյ և մեզ սարտ և արժան է մշտաբաց ունեւ զունկն մեր առ ամենայն ձայնս հոգեշահ բանից , զի մի ապա 'ի թիկունս մեր ընկալցուք զձայնին զօրութիւն գաւազանաւն երկաթեալ :

Եւ արդ՝ զի մի առաւել երկարիցին բանք մեր , ասացուք աստէն համառօտաբար և զայլոց սպարտաւորութեանց մարդոյ՝ որ յաղագս լսելեաց , որով ընկալեալ զհոգեշահ բանս խրատուց՝ կարասցես զերծանիլ և զանազանիլ յանասնական նմանութենէ : Այսի բան զամենայն սարտ է մարդոյ 'ի վարարկանել զունկն իւր 'ի լսել զսպտգամս Աստուծոյ 'ի սուրբ Պրեանց , որք են կրկնակի . այսինքն տեսական կամ բնական , և գործնական : Տեսական կամ բնական գրեանք են ընդհանուր արարածք , որպէս ասացաւ 'ի վերոյ՝ թէ անդադար աղաղակեն և քարոզեն մեզ զսպտգամս Աստուծոյ ձայնիւ բնութեան , ըստ այնմ թէ « Արկինք սպամեն բղ

փառս Աստուծոյ և զարարածս ձեռաց նորա  
սլամէ հաստատութիւնն <sup>1</sup> :

Իսկ գործնական գրեանք են հին և նոր  
կտակարանք աստուածային բանից, որք ան-  
ստերիւր վարդապետութեամբ ուսուցանեն  
մեզ հաւատալ զԱստուած ճշմարիտ և զոր  
առաքեացն զՅիսուս Քրիստոս, ըստ այնմ  
թէ « Այս են յաւիտենական կեանք՝ զի ծա-  
նիցեն զքեզ միայն ճշմարիտ Աստուած, և  
զոր առաքեցեր զՅիսուս Քրիստոս <sup>2</sup> . որում  
հաւատայն է ճշմարտապէս վերստին ծնունդ  
և կեանք յաւիտենական : Արժան է ընդ նմին  
լսել և բարոյական գրեանց սուրբ վարդա-  
պետաց, որք խրատեն զմեզ խտորիլ ՚ի չարէ  
և առնել զբարի, խնդրել զխաղաղութիւն  
և երթալ զհետ նորա : Իցել զականջս ՚ի  
զազրալի և յառասպելախառն դատարկաբա-  
նութեանց և ՚ի թիւնաւոր հոգեկորոյս բա-  
նից, ՚ի դիւահնար կարծեաց հերետիկոսաց  
և աղանդաւորաց, զի մի ապականեալ սրղ-  
ծիցին գրունք մաից քաղաքի մարմնոյն : Այլս  
և խոյս տալ ՚ի լսելոյ զհեշտալուր բանս և  
զախտարծարծ երգս մոլեկանս, այլ փոխա-  
նակ նոցա ունկն մասուցանել ՚ի զբօսանս

1 Սղ. յ.Ը. 1 :

2 Յով. յ.Է. 5 :

խօսի անձին՝ հոգևոր օրհնաբանութեանց և երգոց մեղեդեաց, որով ներքին և արտաքին մարդն բազմապատիկ զուարճութեամբ ցընծացեալ բերկրի և անարամական հոգևով մխիթարի, զորոց շկարեն զուգակշիռն շնորհել մարդոց սփոփանս աշխարհային երգք նուագաց, այլ յաւէտ ստրջանս ածեն մարդոց ընդ կորուստ ժամանակին :

Հուսկ ուրեմն պարտ է մարդոց ամենայն յօժարութեամբ ՚ի պատրաստի ունել զլսելիս իւր, զի կարիցէ լու ՚ի լու լսել զձայնն երանական, թէ « Ակայք օրհնեալք Հօր ի մոյ, ժառանգեցէք զպատրաստեալ ձեզ արքայութիւն ՚ի սկզբանէ աշխարհի »<sup>1</sup> : Այլ մեծի երջանկութեան մարդոց, որ գոլով ըստեղծեալ ՚ի կաւոյ՝ թագաւորեսցէ ընդ Աւտուծոյ յաւիտեանս յաւիտենից : Այլ սյսմ երանութեան լինել արժանաւոր՝ ոչ եթէ գժուարութեամբ ինչ է, այլ միայն հաւատով, յուսով և սիրով, այսինքն սիրելով զԱստուած և զընկերն իւր՝ բարիս առնելով նմա, որով աստ մնայ անձն իւր ՚ի հանդրատեան և ՚ի հանդերձեայն ընդ Աստուծոյ թագաւորէ, ոչ ինչ կորուսանելով յամե-

1 Ամբ. Ի. 54 :

նայնէ զոր ունէրն . քանզի զոր բաշխեացն  
 ընկերաց իւրոց կարօտելոց՝ ընկալցի բազմա-  
 պատիկ յառատաբաշխ աջոյն Աստուծոյ ՚ի  
 տրիտուր . և արժանի եղիցի լսել զձայն Հօր  
 երկնաւորի առ ծառայն իւր հաւատարիմ,  
 թէ՛ « Սուտ յուրախու թիւն Տեառն քո »<sup>1</sup> :

Իսկ որ հակեալ իցէ անասնաբար ՚ի մար-  
 մին իւր և յաշխարհ, և յամառեալ խնուցու  
 զականջս իւր որպէս իժի և քարբի, զի մի  
 լուիցէ զձայն թովչի ճարտարի, և մի առ-  
 ցէ դեզ ՚ի դեզատուէ՝ իմաստնոյ . յայնմ ա-  
 ւուր մեծի դարձուցեալ զերեսս իւր յանա-  
 չառ դիմաց դատաւորին՝ լուիցէ թիկամբն  
 իւրով, թէ՛ « Աչբայք յինէն անիծեալք ՚ի  
 հուրն յաւիտեանական որ պատրաստեալ է  
 սատանայի և հրեշտակաց նորա »<sup>2</sup> : Յորմէ  
 Տէր փրկեալ ազատեցէ :

1 Ստք. ԻԵ . 23 :      2 Ստք. ԻԵ . 41 :

ՅՕԴՈՒԱԾ ԵՐՐՈՐԴ

Յաշակի հոգոփելեաց կամ ունգաց :

“ Եւ հոգի ստառածեզէն և գ  
յունգուն նորա ո. ՅՈՒ. Ի. Ե. Ծ. ”

“ Զհեա հոտոյ իւղոց քոց ըն-  
թասցաք մեք ո. ԵՐԳ. Ե. Ծ. ”

ՈՒՆԴՈՒՆԲ կոչի մինն ՚ի հնդկոց զգոյ-  
արանաց , որ է գործի շնչառութեան և հո-  
տառութեան ընդհանուր կենդանեաց առ-  
հասարակ : Քանզի ամենայն մարմնաւոր կենե-  
դանի այսու գործեալ առնու զուենչ , ( թէ  
և բերանովն և ս , բայց ոչ այնքան դիւբաւ , )  
որով ճաշակելով զողն ապրի ըստ մարմնոց :  
Նոյնպէս սովաւ զգոյ զհոտ ամենայն իրաց  
հարկաւորաց և ոչ հարկաւորաց , և այսու  
ընտրէ զախորժակն բնութեան իւրոյ և կամ  
զուրկ լինելն անախ : Նա և այսու զանազանէ  
զնեխեալն և զանարասն , զապականեալն և  
զմտորն , զօգտաւէտն և զվնասակարն : Ի  
վերջէ սովումբ ճանաչէ զզօրութիւնս դեղօ-  
րէից , զանազան ծաղկանց , խոտոց , սրտոց  
և այլ ամենայն ՚ի պէտս անձին գործածելի  
և օժանելի իւղոց , զմասաց , խնկեղնաց ,  
ստաշխից , բալասանից , և այլն : Նա և տմանք



'ի կենդանեաց ճանաչեն հոտառութեամբ  
 զլարեկամս և զթշնամիս տան տեառն իւ-  
 բեանց, որպէս է շունն : Սմանք զարթու-  
 ցանեն սովաւ զյիշողութիւնն իւրեանց, և  
 սմանք սովիմք գտանեն զճանապարհն, և սյլք  
 բազումք յօրով օգուտս հայթայթեն ինքեանց  
 զօրութեամբ հոտառութեանն : Ան և կեն-  
 դանիր որք 'ի կարի հեռաստանէ զգան ըզ-  
 հոտ : Ալ սոյն հոտառութիւն այնչափ ազ-  
 դու է յոմանս 'ի կենդանեաց, մինչ զի գե-  
 բազանցեն յոյժ քան զմարդիկ 'ի ճանաչել  
 և 'ի զանազանել զիր ինչ յայլմէ : Ալ թէպէտ  
 մարդն իսկ հոտառութեամբն ճանաչէ և ու-  
 բոշումն գնէ ընդ մին և ընդ միւսն, որպէս  
 Իսահակ 'ի սրտամուճանաց Եսաւայ առնոյր  
 զհոտ Եսաւայ՝ մինչ զգեցեալ ունէր զայնս  
 Յակոբ, բայց ոչ այնչափ ազդեցութեամբ՝  
 որչափ առ անասունս է տեսանել : Քանզի  
 կամեցաւ Աստուած զի մարդն յաւէտ բա-  
 նականութեամբն ընտրեցէ և ծանօցէ զա-  
 մենայն ինչ՝ քան եթէ զգայարանօք : Իսկ  
 և անասունք թէպէտ առաւելեալ գտանին  
 քան զմարդիկ այսու զգայութեամբ, բայց  
 և այնպէս սահմանեալ է և 'ի նոսա. զի որ-  
 քան սրտդեւեալ ունին 'ի բնութենէ՝ այն-  
 քան և եթ զգան : Իսկ մարդոյն հոտառու-

Թիւն գրեթէ յանսահմանս տարածի. քանզի զբնութիւն և զզօրութիւն ընդհանուր իւրաց մի միայն հոտառութեամբ կարէ իմանալ, եթէ զգոյշ լինիցի յիշողականութեան իւրում: Վանզի անհնութիւն և անսահմանութիւն իմացականութեան մարդոյն է պատճառ՝ որով միտք իւր զբաղեալ տարածեալ և ցրուեալ գոլով՝ ՚ի բաղմապատիկ իրս և ՚ի գործս, ոչ կարէ զամենայն ճանաչմունս իւր ունիլ միշտ ՚ի պատրաստի ՚ի յիշողութեան իւրում:

Մարդն կարէ ճանաչել նա և զազգեցութիւնս և զաստիճանս գեղօրէից և կերակրոցն եփելոց և այլ ամենայն իրաց: Նա և կարէ հոտառութեամբն դատել զհասունութենէ կամ զխտիութենէ պտղոց և այլն, զոր անասունք չունին կատարելապէս. զի ոչ եթէ դատելով զգան, այլ ըստ ազգման բընութեան իւրեանց. մանաւանդ զի բնականաբար էացեալ իրաց զգան միայն զհոտ: Վսկմարդն նա և զբաղկացեալ և կամ իւղեփեցական արուեստիւ ՚ի բազում մասունս բաժանեալ իմա ՚ի ջուր, յաղ, յիւղ և ՚ի փոշի դարձեալ իրաց զզօրութիւնս կարէ ճանաչել և իմանալ. և թէ յնրպիսի և կամ յինչ իրաց բաժանեալք և կամ բաղկացեալք

իցեն այնք : Յայտ իսկ է ուրեմն թէ մարդն  
այսու զգայարանաւ ևս գերազանցէ յոյժ  
զանասնովքն :

Սակայն ոչ է բաւական մարդոյ մնալ 'ի  
սոսին , այլ պարտ է գիտել նա և զգաղանի  
զօրութիւնս և զազդեցութիւնս հոտոց , որք  
ազդեն մինչև սգեղինաց իսկ : Քանզի ասի  
'ի գիտնոց՝ թէ հոտն է իբր կերակուր սգե-  
ղինաց , յորոց ոմանք ախորժեւով 'ի հոտ ինչ  
առքարչեալ ժողովին , և ոմանք տհաճեալ  
տարամերժին և հալածին : Սինչ զի և հը-  
րեշտակաց իսկ հաճելի գոլ ասեն զանազան  
բուրմուռք անուշահոտ ծխանելեաց . ըստ  
որում ընդհանուր սգեղէնք , ասեն , գոլով  
հրայինք , նմանապէս և հոտք ամենայն իրաց  
գոլով հրային զօրութիւնք և մասունք նո-  
ցա , ունին սպառչածաւորութիւն և համա-  
կրութիւն ընդ միմեանս : Աստի և 'ի հնումն  
մինչ հրեշտակք բերէին զպատգամս Աստու-  
ծոյ միջնորդութեամբ տապանակի ուխտին  
ժողովորեանն Խորայելի 'ի խորանին վկայու-  
թեան՝ կամ 'ի տաճարին Սողոմոնեան , ա-  
ռանց անուշահոտ ծխանել 'ի ներքս վարա-  
դուրին , ուր զաիւ և զգիշեր հանապազ  
խուճկս արկանէին : Ասն որոյ և Հրէայք

զկնի բարձման տապանակին և կործանման տաճարին՝ մինչև ցայսօր ոչ ուրեք համարձակին խունկօ մատուցանել՝ ի սոյն գիտաւորութիւն, որպէս և երբեմն ՚ի գերութեան իւրեանց ՚ի Բարեւուն՝ ասէին երեք մանկունքն ՚ի հնոցին . « Այ ողջակէզք պատարագաց և ոչ խունկօ օրինաց »<sup>1</sup> : Ար և ՚ի Սէֆէրօթ կոչեցեալ ոգեզինական գիտութեան իւրեանց ունին յասկացուցեալ զանազան ծըխանելիս վասն զանազան աստիճանի ոգեզինաց : Աւ հրեշտակապեան Աստուայէլ լերդիւձկանն ծխելոյ հալածեաց զդէն ՚ի Սառայէկնօջ Տուրիայ<sup>2</sup> : Ամանապէս և մօզք ՚ի ձեռն զանազան ծխանելեաց բազում զարմանալիս գործեն , զորս ոչ ՚ի դէպ համարիմանցուցանել աստէն ՚ի գրի : Այլ զայս ամենայն վասն այնորիկ գրեցաք՝ զի յայտնի լիցի թէ քանի՞ գազանի զօրութիւնք իցեն ՚ի հոտըս և ՚ի հոտառութիւնս մարմնաւոր և զգալի իրաց :

Արդ՝ եթէ զգալի և մարմնաւոր իրաց հոտք և հոտառութիւնք այսչափ զօրութիւնս և ներգործութիւնս ունին , ասպա հոգևոր և խմանալի բուրմունք անուշից քանի՞

1 Վան . գ . 38 :

2 Տէք . լ . 2 :

առաւել ազգու և օգտակար ներգործութիւնս ունիցին, որք ոչ եթէ զողեղէնս և կամ զհրեշտակս առքարչեն ՚ի հոտոտումն, այլ զնոյն ինքն զԱստուած. որպէս և ուսուցանէ սուրբ Գիրն, թէ հոտոտէր Աստուած ՚ի պատարագս Աբելի, Սեթայ, Նոյի, Աբրահամս, Մովսէսի, Եղիայի, և ամենայն ընտրելոց և սրբոց արանց. որ է իմանալի և հոգևոր հոտառութիւն, այսինքն հաճութիւն և ընդդունելութիւն Աստուծոյ : Այսն որոյ և Դաւիթ աղաչէր. « Աւղիղ եղիցին աղօթք իմ որպէս խունկ աւաջի քո Տէր. համբարձումն ձեռաց իմոց պատարագ երեկոյի »<sup>1</sup>. այսինքն հաճոյ և ընդունելի եղիցին :

Նմանապէս և հոռք անուշից կոչին ջերմեռանդ սէր սրբոց մարտիրոսաց, որք օրով Աստուծոյ վառեալք զանձինս իւրեանց՝ բազմապատիկ տանջանօք ՚ի զոհ ընծայեցին, որոյ վասն և ասէր սրբազան Առաքեալն, թէ « Հոտանոյչ եմք Քրիստոսի առ Աստուած »<sup>2</sup> : Ապա ուրեմն և սէր Աստուծոյ առ մարդիկ քանի՞ գերազանց անուշահոտութիւն իցէ, նմանապէս և կենսատու բանք նորին. զորս մորմնապէս ոչ կարելով մեր ընդունել զնո-

1 Սղ. ճԽ. 2 :

2 Բ. Լորն. Բ. 15 :

սա, անձառելի մարդասիրութեամբ իւրով  
 գթացեալ պարգևեաց մեզ հոգի աստուա-  
 ծային, զի կարասցուք գոնէ նովաւ ընկալ-  
 նուլ զայս աստուածային անուշահոտու-  
 թիւն. որպէս և պարծանքն Աստուծոյ ե-  
 րանելի աստուածախօսն Յովր վկայէ ասե-  
 լով, թէ « Այլ հոգի աստուածեղէն ( եդ )  
 յունգունս նորա ո, այսինքն մարդոյն : Քանզի  
 թէպէտ բուրումն աստուածային սիրոյ առ-  
 ամենայն արարածս սիռեալ գտանի, սակայն  
 դիտէ Աստուած զի հոսն ընդ ռնգունս ան-  
 ցանէ, և ըստ ընգունակութեան իւրաքան-  
 չիւր կենդանեացն ռնգաց է և ներգործու-  
 թիւնն : Այլ ըստ որում ռնգունք անասնոյ  
 գոլով մարմնաւորք՝ միայն զմարմնաւոր աղ-  
 դեցութիւնս կարեն ստանալ, վասն որոյ և  
 յունգունս մարդոյ եդ Աստուած նա և զհո-  
 գի աստուածեղէն, զի զհոգևորն և զաս-  
 տուածայինն ևս կարիցէ ընկալնուլ, ըստ օ-  
 բինակի ջուրց՝ որք ընդ երակս երկրի ան-  
 ցեալ զնոցին ստանան զօրութիւն և ներ-  
 գործութիւն :

Աւրեմն ոչ է պարտ մարդոյ զբաղեալ  
 մնալ ՚ի մարմնաւոր հոտս հեշտացուցիչս և  
 օգտակարս միայն մարմնոյ լոկոյ, այլ որոնել  
 և ընգունիլ նա և զհոտ բուրման աստուա-



ծային սիրոյ՝ հոգւոյն աստուածեղէն զոր  
 ընկալեալ ունի յանգուես իւր . և նոյին ա-  
 նուշահոտ իւզով օծանել, զի մի աստացեալ  
 զախոս մեղաց՝ մեռցի զմահ յաւիտենական :  
 Վասն որոյ և Սողոմոն յորդորէ զմեզ ասելով .  
 «Օհեա հոտոյ իւզոց քոց ընթացուք մեք » :  
 Եւ հոտ իւզոյն Աստուծոյ է նոյն ինքն Աս-  
 տուած՝ Բան՝ և սէր իւր , զոր Սողոմոն Իւզ  
 թափեալ անուանեաց յերդս երգոց իւրոց :  
 Իսկ սրբազան առաքեալն Յովհաննէս սէր  
 կոչեաց զԱստուած՝ ասելով . «Աստուած սէր  
 է, և որ կայ ՚ի սէրն՝ բնակեալ է Աստուած .  
 և Աստուած ՚ի նմա բնակէ »<sup>1</sup> . այսինքն օ-  
 ծանի հոգեկան սիրոյն Աստուծոյ և կոչի օ-  
 ծեալ Տեառն , ըստ այնմ թէ «Եւ դուք օ-  
 ծութիւն ունիք առ ՚ի սրբոյն »<sup>2</sup> . այսինքն  
 յԱստուծոյ և ՚ի սիրոյ նորա : Եւ այսու հո-  
 գեկան բալասանի օծութեամբն ճնայք վե-  
 րըստին ըստ հոգւոյ ՚ի կեանս յաւիտենա-  
 կանս , և ոչ ևս աեսջիք զապականութիւն  
 ըստ օրինակի մարմնոյ օծելոյ աղնիւ բալա-  
 սանիւք :

Արդ՝ որովհետեւ կարէ մարդն ընդու-  
 նել և զըուրումն աստուածային հոգւոյն ,

1 Ա. Յովհ. Դ. 16 : 2 Ա. Յովհ. Բ. 20 :

պարտ է ընդ նմին հետևել ազդեցութեան  
 և ներդրութեան հոգւոյն, որոյ պտուղք՝  
 այսինքն ներդրութիւնք ոչ այլ ինչ են՝ ե-  
 թէ ոչ սէր, հեղութիւն, խնդութիւն, խա-  
 ղաղութիւն և բարութիւն, որք են ճշմա-  
 րիտ իւղք անուշահոտք պարգևիչ կենաց և  
 առաջութեան հոգւոյ և մարմնոյ : Աւստի  
 և առաքեալն Պօղոս ոչ սրպէս Սողոմոն այ-  
 լարեանօրէն խօսի, այլ յայտնապէս պատուի-  
 րէ մեզ երթալ զհետ սիրոյ և խաղաղու-  
 թեան : Վանդի ամենայն կատարելութիւնք  
 սիրով լինին ասէ, և առանց նորա եթէ  
 որ զեղուս հրեշտակաց խօսիցի և զմարմին  
 իւր դիցէ յայրումն, ոչ ինչ օգտէ<sup>1</sup> : Տաս  
 որում և Քրիկիչն մեր զճնեաց ասելով. «Հայս  
 երկուս սրտուիրանս ամենայն օրէնք և մար-  
 գարէք կախեալ կան. ՚ի սիրեցես զտէր Աս-  
 տուած քո յամենայն սրտէ քումմէ, և զըն-  
 կերն քո իբրև զանձն քո »<sup>2</sup> : Այլ զարմանալի  
 շարահցութեանս. զի զերիսն ՚ի մի համա-  
 կարգեալ թուէ, այսինքն զԱստուած, զըն-  
 կերն և զանձն. ապա ուրեմն թուի թէ սա  
 քա երեքին առ ինչունակք են միմեանց : Աւս-  
 տի և սրբազան առաքեալն Յովհաննէս ասէ,

1 Ա. Կորն. ԺԳ. 1 :

2 Ապր. ԻԲ. 37 :

« Եթէ որ ասիցէ եթէ սիրեմ զԱստուած ,  
 և զեղբայր իւր ասիցէ , սուտ է . որ ոչ սիրէ  
 զեղբայր իւր զոր տեսանէ , զԱստուած զոր  
 ոչն ետես՝ զիա՞րդ կարիցէ սիրել . . . զի որ սի-  
 րէ զԱստուած՝ սիրէ նա և զեղբայր իւր »<sup>1</sup> :  
 Քանզի եղբայր մեր գորով իբրև զմեզ մարդ ,  
 է պատկեր Աստուծոյ . և ո՞ համարձակիցի  
 անարգել և արհամարհել զգեղովք նկա-  
 րեալ կամ զքանդակեալ պատկեր թագա-  
 ւորին . զի թէ և ՚ի կարևոր նախարարաց որ  
 իցէ և ՚ի սիրելեաց թագաւորին , ո՞չ ապա-  
 քէն անխուսափելի կայ ՚ի դատապարտու-  
 թենէ մահու : Այլ մեք զիա՞րդ համարձա-  
 կիմք տակ կամ անգոսնել զեղբայր մեր՝ որ է  
 պատկեր Աստուծոյ , ո՞չ գեղովք նկարեալ և  
 ոչ գրչաւ քանդակեալ , այլ բանիւ հոգւով  
 և կենդանութեամբ . նա և օթարան և տա-  
 ճար է Աստուծոյ . մանաւանդ զի նոյն ինքն  
 Աստուած հաճեցաւ ընդունել զերևելի կեր-  
 պարան մեր , և եղև իբրև զմեզ մարդ կա-  
 տարեալ , և անուանեցաւ մեզ եղբայր և  
 ընկեր : Աւրեմն յանգոսնել մեր զեղբայր մեր՝  
 զնա անգոսնեմք , որպէս և ասաց , թէ « Ար-  
 զձեզ անարգէ՝ զիս անարգէ »<sup>2</sup> : Եւ թէ՛

1 Ա. Ծ. 13 . 7 . 20 :      2 Գ. 1 . Ժ . 16 :

“ Որ բարկանայ եղբօր իւրում տարապարտուց , և կամ ասիցէ յիմար կամ մորս , պարտաւոր լիցի 'ի գեհնն հրոյն ”<sup>1</sup> : Ուրեմն հարկագրեալ եմք սիրել՝ յարգել և օգնել ամենայն կերպիւ , եթէ կամիմք անուանիլ բրիստոնեայք : Այսն որոյ և Փրկիչն մեր 'ի կտակի իւրում տայ նշան հաւատացելոց բռնէրն՝ ասելով . “ Յայսմ գիտացեն ամենեքեան եթէ իմ աշակերտք էք , եթէ սիրիցէք զմիմեանս ”<sup>2</sup> : Քանզի օծեալք գոլով իւզովն սիրոյ՝ ճանաչէք զմիմեանս և ճանաչիք յամենեցունց բուրմամբ նորին : Ո՛վ բռնէրն ի անուշահոտութիւն , որ զհոտ Աւտուծոյ բուրէ յինքենէ . և երանի որ ունիցի զսոյն յանգունս իւր , զի յայնժամ 'ի բաց մերժեալ զերկիւզն՝ անպատկառ ներկայանայ առաջի Աստուծոյ , որում արժանի լիցուք ամենեքեանքս . ամէն :

1 Սաղմ . Ե . 22 :      2 Յովն . ԺԳ . 38 :

ՅՕԴՈՒԱԾ ԶՈՐՐՈՐԴ

Յաշակոսի Գրքի և Ճաշակեցեաց :

« Որպէս զի քաղցր են ՚ի բիծս  
իմ բանք քո՝ քան զմեղք բերանոց  
իմոց » . ՍՂՄ . ՃԺԸ . 105 ,

« Ճաշակեցեք և տեսեք , զի  
քաղցր է Տէր » . ՍՂՄ . 141 . 9 :

ՔՒՄՔՆ է դործի համոց և ճաշակի  
կենդանեաց առ հասարակ , ըստ որում ա-  
նասնոյն՝ նոյն և մարդոյն . որով զանազանէ  
զհամեզն և զանհամն , զքաղցրն և զդառն ,  
զթթուէն և զլեզլին , զանոյնն և զյոսին կամ  
զտտիպն , զախորժելին և զանախորժն քմաց  
իւրոց : Եւ այսու առեալ զճաշակ՝ դասնէ  
զախորժն ՚ի կերլիս , զորս ուտելով բուժէ  
զմարմին իւր , և աճէ ՚ի հասակ : Եւ այս քիմք  
անասնոց մի միայն զհամն և զճաշակս զգալի  
և մարմնական կերակրոց զգան , իսկ մարդոյն  
պարտի և զիմանալի կերակրոց հոգւոյն առ-  
նուլ զճաշակ . զորմէ ասացուք ՚ի ստորե  
համառօտակի :

Եւ մենայն կենդանի որպէս ասացաք՝ այ-  
սու դործեալ առնու զճաշակ ուտելեաց և  
ըմպելեաց , և այսու ընտրէ զախորժն բնու-

Թեան իւրոյ, որպէս և անասունքն զխտան-  
 զինաց, գազանք զգիշոց, Թռչունք զընդեղի-  
 նաց, նոյնպէս և այլ կենդանիք ըստ ազգի  
 իւրեանց և ըստ սրահանջելոյ բնութեանն :  
 Թէպէտ գասնին և գազանք որք ոչ բնաւ  
 կարեն զբանջարեղէնս առնուլ ՚ի բերան, և  
 են որք ուտեն ախորժանօք, և ոմանք իսկ  
 մերթ ընդ մերթ ըստ ազգելոյ բնութեանն՝  
 ՚ի գարման ցաւոց իւրեանց որոնեալ խտտ  
 ինչ՝ ճարակին : Ամանապէս գոն և անասունք  
 որք սալորութեամբ ուտեն նա և զմեղէնս :  
 Ի այց սոքա ամենեքին յատուկ իմն համարին  
 և ոչ հասարակ ինչ յազգս իւրեանց . քանզի  
 ընդհանրապէս գազանք մեղինօք և անա-  
 սունք բուսովք բուծանին, և երկոքին ազգք  
 ՚ի սկզբանն կաթամբ սնանին : Կասնին և ՚ի  
 Թռչունս որք մսակերք են և ՚ի համարս գա-  
 զանաց գասին, և են որք միայն ընդեղինօք  
 կերակրին և սուրբ կոչին : Այսպէս և ա-  
 նասնոց ոմանք խտտաճարակ են և սուրբ կո-  
 շին, և ոմանք թէ և խտտովք սնանին՝ այլ  
 պիղծ համարին . որպէս և ՚ի մէջ հաւուց և  
 Թռչնոց իսկ է տեսանել : Այլ այս ամենայն  
 ոչ առանց սրատճառի, զոր ՚ի ստորե համա-  
 ոտաբար գրեսցուք ըստ կարի իմացուա-  
 ծոյ մերոյ :



Իսկ մարդն է միայն ՚ի սեռ ի կենդանեաց որ ընդ հանրապէս ամենայն իրօք կերակրի, և ոչ ինչէ նմա անուտելի: Վասն զի Աստուած ՚ի նախնու մն թէպէտ զմրդեղէնս, զընդեղէնս և զամենայն օգտաւէտ բանջարեղէնս միայն եւ մարդոյ ՚ի կերակուր, բայց յերկրորդու մըն առ Նոյիւ՝ նա և զամենայն չորքոտանիս և առ հասարակ զամենայն անասունս, զթըռչունս և զձկունս հրամայեաց նմա ուտել ըստ ախորժելոյ բնութեան նորա: Քանզի յառաջնումն պատուիրեաց չուտել զի մի մեռանիցի. բայց մարդն ոչ անասցեալ հրամանին՝ եկեր, ոչ կարելով յաղթել անկարգ բզէից իւրոց, վասն որոյ և յերկրորդումն թոյլ ետ նմա ուտել որպէս անոզնանալի հիւանդի: Իսկ ապա բժիշկն հոգւոց նորն Ադամ՝ ըստ ախորժանաց զուտելն և զըմպելն կարգեաց նմա առ ՚ի դեղ հոգւոյն՝ ստելով, աւէք կերէք և արբէք զմարմին և զարիւն իմ: Բայց որ յամառեալ ՚ի կամս իւր ոչ կամիցի ուտել ՚ի բժշկութիւն անձին իւրոյ, զանգիւտ կորուստն ժառանգեօցէ. և մեք դարձցուք ՚ի բնաբան մեր:

Վէլ սյսպէս ամենայն շարժուն և մարմնաւոր կենդանի ունի հարկաւ կարօտու թիւն կերակրոյ, որով կեայ և աճէ և զար-

գանաց : Վանդի ամենայն մարմին կենդանեաց կերակրուիք աճէ , և գրեա թէ նոյն իսկ կերակուրքն անդրափոխին ՚ի մարմին կենդանեաց : Այլ յայտ իսկ է՝ զի մարմին կենդանեաց ՚ի կարի փոքրագոյն նիւթոյ սերմանց գոյանան , մինչ առ ոչ ինչ համարիլ , որք և զկնի յղանալոյ՝ մինչ ընդունին զկենդանական շարժումն յարգանդի անդ , անդէն ՚ի նմին կիսէ սկսանին և կերակրիլ , և նովիմբ աճիլ և կաղմիլ մարմին մարդոյ կամ անասնոց ըստ տեսակի և ըստ արգանդի իւրեանց : Վանդի ամենայն արգանդք էգ կենդանեաց ունին յարմար և բաւական նիւթ կերակրոյ ՚ի պէտտ յղացեալ ձագուց իւրեանց : Այսպէս և ձու թռչնոց՝ որ է արգանդ նոցա , ունի յինքեան սարունակեալ բաւական նիւթս առ ՚ի աճումն մարմնոյ ձագուցն յինքեանս գոյացելոց : Այլ յեա ծննդեան անդէն է՝ զի կաթամբ և է՝ զի ընդեղինօք , և կէսք բուսովք , որդամբք և մլխ սեղինօք բուծանին մինչև յաճումն հասակի իւրեանց ըստ ազգի . և յեա այնորիկ ճարակ և սնունդ նոցին օգտէ ՚ի սահստանութիւն տեսակի իւրեանց մատակարարելով այնու զսերմն կենդանական , մինչև ըստ ընթացից բնութեանն հասանին ՚ի ձերու-

Թիւն և ՚ի մահ :

Ապա ուրեմն ամենայն կենդանիք բնաւ կանաբար կարօտք են կերակրոյ, որով և եթ աճէ մարմին նոցա և զօրանայ : Այն որոյ և ամենառասն Աստուած ոչ խնայեաց տալ իւր քաքանչիւր տեսակի զկարև որ կերակուրն ըստ ախորժանաց բնու թէ նոցա, ըստ այնմ, « Վա նաս զձեռն քո, կերակրես զամենեւեան քաղցրու թեամբ կամօք քովք »<sup>1</sup> : Ար և անհուն իմաստու թեամբ և բարու թեամբ իւրով կազմեալ հաստատեաց զգործիս քմաց՝ որով զգան և ճանաչեն զախորժելին բնու թեան իւրեանց, և ըստ այնմ առնուն զկերակուր : Վայց որչափ և կենաց և գոյու թեան մարմնոյ կենդանեաց իցէ սլատառ կերակուրն, նոյնչափ և առ ի թ մահու և ապականու թեան նոցին գտանեմք զնոյն լեալ : Վանդի սպա կանացու մասունք ուտելի իրաց մտեալ յարիւն կենդանւոյն՝ թանձրացուցանեն զնրբու թիւն նորա, և սոյն թանձրու թիւն աբեան հատեալ յապականու թիւն բնական՝ առ սակաւ սակաւ թողու զլատթար հիւթըս ՚ի մէջ նրբագոյն երակաց ընդ որ անցանէ արիւնն. զսրոց զըջանն խափանեալ

1 Ալ. ճԻԿ. 16 :

Ի նուրբ երական՝ աստացուցեալ տկարացուցանէ զմարմինն . ուստի և զանազան ցաւք և հիւանդութիւնք՝ ոչ պատահամք այլ բնականաբար պատճառեն մարմնոյն : Այլ յառաւել թանձրութենէ արեան կամ սաստկանայ և կամ թուլանայ բնական ջերմութիւն նորա , որ արծարծեալ շարժէ բզկենդանութիւն մարմնոյն : Այլ այսպէս սկըսանի պակասիլ զօրութիւն ջերմութեան . և ի պակասիլ նորին ի վերայ հասանէ առ սակաւ սակաւ ցրտութիւն , որով և միւս միջակ երակքն սկսանին նուազիլ . ջիւք կամ նեարդք թուլանան , և հերացն սպիտակացեալ ի ծերութիւն խոնարհի : Այլ և սաւ պականեալ և թանձրացեալ արիւնն՝ ոչ կարէ կատարել զչրջան իւր , և հարկաւ ի վերայ հասանէ մահն :

Այլ այս արագ սպականութիւն արեան յառաջ գայ յանյագ ուտելոյ և ի բազմատեսակ ճարպալից կերակրոց . որպէս փորձն ինքնին ուսուցանէ : Օ՛ր կենդանին սակաւակեր՝ որ միատեսակ մաքուր և ոչ զիւրաւ սպականելի իրօք կերակրի , առաւել առողջ է և երկարակեաց քան զայն՝ որ խտնակ և զիւրաւ սպականելի իրօք ճարակի : Արոյ օրինակ ունիմք զօձն և զայլ բազում

կենդանիս . նա և զմարդիկ՝ որք որչափ և ժուժկալ իցեն և չափաւոր ՚ի կերակուրս , այնչափ առողջ են և երկարակեացք :

Եւ արդարև եթէ էր հնար մարդոյ աւնապական իրօք կերակրիլ , կարելի էր նմանմահութեան հասանել . որպէս և հաւատամք թէ նախահայրն մեր Ադամ ՚ի դրախտի անդ փափկութեան անապական պողոտիք ծառոյն կերակրեալ՝ ունէր զանմահութիւն . իսկ ՚ի կորուստնելն զնա՝ անկաւ ՚ի ներքոյ մահուան բնականաբար : Քանզի անէ՛ծքն Առտուծոյ , թէ « Զող էիր և ՚ի հող դարձցիս »<sup>1</sup> , զրկեաց զնա յանապական կերակրոց . և հըրեղէն սրով շուրջանակի պաշարեցաւ ծանապարհ ծառոյն կենաց ՚ի սրովրէից , զի մի՛ ձգեալ մարդոյն զձեռն՝ կերիցէ և կեցցէ յաւիտեան մարմնով , ( և ոչ թէ հողւով , ) զի կատարեսցի հրաման իւր : Աս և բաց ՚ի կերակրոց է և այլ իմն պատճառ կարձեւոյ կենաց մարդոյ , զոր ՚ի կարգի բանիցս որ յառաջիկայդ՝ գացես ՚ի կարծոյ ասացեալ , զի աստ խօսիմք միայն զկերկաց և զներգործութեանց նոցին :

Ուրեմն մարդն գոլով բանական և աղ-

1 Օ՛ննդ . Գ . 19 :

նուազոյն խնայականութեամբ զարդարեալ՝  
 ոչ է սարսա իբրև զմիւս անբան կենդանիս  
 վրիպեալ ՚ի ճաշակս համոյ՝ անխորարար  
 զեզիտիլ ՚ի կերակուրս : Քանզի կարէ մարդն  
 քննել և իմանալ զամենայն գաղանի զօրու-  
 թիւնս և զներգործութիւնս համայն ու-  
 ակելոց , բաղմուտատիկ առաւել քան զան-  
 բան կենդանիս . ըստ որում նորա ոչ կարեն  
 զգալ եթէ գոյութիւն մարմնոյ իւրեանց ՚ի  
 կերակրոց յառաջ գայ և սնանի . և թէ յու-  
 բոց միանգամ ստանայ զնուեղ և զգոյութիւն,  
 զնոցին բնութեանցն իսկ ստանայ ըզ-  
 հազորդութիւն և զհամակրութիւն : Քան-  
 զի յայտ իսկ են զի ոմանք ՚ի կերակրոց բը-  
 թացութեանեն զմիաս մարդոց , և ոմանք նրբ-  
 բացութեանեն , ոմանք շարժեն զցանկականն ,  
 և ոմանք պատճառեն զողջախոհութիւն : Ո-  
 մանք գաղանարարոյս առնեն , և ոմանք մեղ-  
 մացութեանեն զբարս , ոմանք մեղկացութեանեն  
 և ոմանք արիացութեանեն , ոմանք թուլացու-  
 ցանեն և ոմանք զօրացութեանեն : Ոմանք խե-  
 լացնորս առնեն և ոմանք պայծառացութեանեն  
 զխնայականութիւնն , ոմանք առողջս կազմեն  
 զմարմինն , և ոմանք ախոտս յուզեն յանգամս .  
 և սյլք սյլ և սյլ զօրութիւնս կրեն , որոց  
 վասն ուրոյն ուրոյն օրինակս ՚ի մէջ բերել



յերևելի գրեանց մեծամեծ հեղինակաց՝  
 ձանձրութիւն յոյժ լինէր ընթերցողաց, վա-  
 սըն որոց թողումք ինքեանց իմաստասիրել:  
 Սի զայս ամենայն մարդոց և եթ է ձանա-  
 չել, իսկ անբան կենդանեաց ոչ երբէք. և  
 զսակաւն ևս զոր զգան՝ ըսա չափու ընդու-  
 նակութեան իւրեանց զգան ազգմամբ բնու-  
 թեանն և ոչ գատողութեամբ: Վասն որոց  
 և Մովսէս յորժամ կամեցաւ կրթել և ՚ի  
 բարւոք բարս և յաւարինի վարս ածել զԿա-  
 բայելացիս, ետես զի օրէնք բնութեան մի-  
 այն էին ՚ի ձեռս իւր, և ոչ որպէս Քրիս-  
 տոսի՝ շնորհքն. ուստի և յես ՚ի բաց մերժե-  
 լոց զամենայն դաղան կենդանիս, թէ ՚ի չոր-  
 քոտանեաց և թէ ՚ի թռչնոց և ՚ի ձկանց,  
 որոշեաց նա և զամենայն սուրբ և զանսուրբ  
 կենդանիս: Սուրբ՝ այսինքն մտքուր կոչեաց՝  
 զնոսա՝ որք զկճղակս սախյն հերձեալս և ս-  
 բոճս միանգամայն ունեին ՚ի բերանի, որոց  
 ՚ի բարս ոչ ինչ փնասակարութիւն էր. իսկ  
 սիղծ կոչեաց զայնսսիկ, որք զմին և եթ ու-  
 նեին, որոց էր չարութիւն ՚ի բնաւորու-  
 թիւնս. որպէս խողին բղջտխոհութիւն և  
 որկրամոլութիւն, բղտուն սխակալութիւն և

բինախնդրու թիւն, ձիոյն վախճանութիւն  
և նախանձ, իշոյն ծուլութիւն և բթամը-  
տութիւն, և այլն: Այնպէս և ՚ի լուղակաց  
ևս ընտրեաց զայնոսիկ, որք թեալորք և  
թեփամորթք էին, և կոչեաց զնոսա սուրբս՝  
վասն անախտակիր ազդեցութեանց նոցին:

Այսպէս արգել ժողովրդեանն խա-  
րայելի ուտել զկենդանիս գրգռիչս վատթար  
բարուց և արծարծիչս ակառից, զի գոնէ  
բնականաբար անցէ զնոսա յուղղութիւն  
և ՚ի մտերմութիւն յաստուածայինս, իբրև  
զաղանին շիւղաբեր՝ և ոչ զօրէն ագռաւու  
՚ի գիշակերութիւն զառածելոյ: Այլ թէ  
ոչ՝ զի՞ փոյթ էր Աստուծոյ հրամայել զմին  
ուտել և զմիւսն արգիլել: Քանզի օրհնեաց  
Աստուած զամենայն արարածս յստեղծանել  
իւրում, վկայելով թէ բարի են և յոյժ բա-  
րի: Այսն սրոյ և ճրկիչն մեր՝ որ տէրն է  
չնորհաց, ասէ, եթէ կերակուր ոչ պղծէ  
զմարդ բոս հոգւոյ, այլ որ ինչ ելանէ ՚ի  
բերանոյ՝ հայհոյութիւնք զկարողութենէն  
Աստուծոյ և զբանիցն վարդապետութեան  
նորա, և այլ ամենայն չարութիւն որ ՚ի սր-  
տէ յառաջ գան, այնորիկ պղծեն զմարդ՝:

Ուստի և սրբազան առաքեալն Պօղոս ասէ վասն կերակրոց, թէ՛ « Ըմենայն ինչ սուրբ է սրբոց »<sup>1</sup>. որպէս և ձայնն երկնաւոր գոչեաց առ սրբազան առաքեալն Պետրոս, թէ՛ « Ըրի՛ զեն և կեր ». և թէ՛ « Օ՛րր Աստուած սրբեաց՝ դու մի պղծեր »<sup>2</sup> :

Ըյս՝ թէպէտ կերակուր ոչ պղծէ ըզմարդ, և զոր միանգամ օրհնեաց Աստուած և սրբեաց՝ սուրբ է, և ոչ ևս կարէ պղղծիլ, սակայն գերբնականաբար պարտ է իմանալ զսոյն և ոչ բնականաբար : Օ՛ր թէպէտ և օրհնեալ է, բայց զաղդեցու թիւն և զներգործու թիւն իւր ոչ է կորուսեալ : Աւամենայն մարդ որ ոչ է սուրբ, և չէ ժամանեալ յայն աստիճան շնորհաց՝ որով կարիցէ մաքրիլ և ազատ մնալ ՚ի ներգործութեանց և յաղդեցութեանց նոցին, չէ պարտ նմա վատահիլ յանձն իւր և անխտրաբար ուտել զոր ինչ միանգամ անկորդ բաղձանք իւր ինզրէ հանգոյն անասնոց : Թէպէտ և մահադեղ ինչ արբուսցեն՝ ոչ վնասեսցէ, ասէ Փրկիչն. այլ այս հաւատացելոց և հոգեկիր անձանց ընտրելոց, և ոչ իբրև զմեղ ՚ի մեղս զառածելոց :

1 Տէր. Ա. 15 :

2 Վործ. Ժ. 15. 18 :

Ուրեմն մեծապէս հարկաւոր է մարդոյ պահել զղանազանութիւնն որ ընդ մարդ և ընդ անասուն . զի սորա ուտեն և ճարակին միայն առ ՚ի յագուրդ որովայնին , յաճումն անդամոց և ՚ի սահպանութիւն կենաց իւրոց : Իսկ մարդոյ բաց յայսոցիկ օրէն է քլննել և խտիր դնել ընդ կերակուրս և ըմպելիս , զի իցեն ինքեան յօգուտ և ոչ ՚ի մնասեթէ՛ ըստ հոգւոյ և եթէ՛ ըստ մարմնոյ : Վասն որոյ պարտի ընտրել զկերակուրս մաքուրս և առողջարարս , և ՚ի բաց կալ ՚ի համադամ բազմատեսակ խորտկաց . և այն մինչև ՚ի չտիաւոր յագուրդ անձին իւրոյ հանդերձ զգուշաւոր ժուժկալութեամբ . զի յղիութիւնն անհանդատութիւն սրաւճառէ անձին և ապականութիւն արեան , տկարացուցանէ զանդամս զանազան ցաւօք և հիւանդութեամբք , հուսկ ապա ամէ՛ ՚ի կանուխ ծերութիւն և ՚ի մահ տարածամ :

Պարտ է մարդոյ նա և զգուշանալ զի մի կերակուրն զոր ուտելոց է՝ իցէ կորստական , այլ զի օգտակար իցէ բազմօք : Աստանօր ոչ են իմ բանք զհոգեկան կերակրոյ , այլ զմարմնականէն : Քանզի ՚ի ճշմարիտ բնազնին փիլիսոսիայից այլաբանական ոճով և մարմնական կերակուրն կոչեցաւ ծառ գիտութեան

բարւոյ և չարի . բարւոյ՝ զի տայ կեանս ,  
 և չարի՝ զի սպառճառէ զմահ : Իսկ հոգեկան  
 կերակուրն կոչեցաւ ծառ կենաց , զի զճշմա-  
 րիտ կեանս ստարգւէ , ըստ այնմ . « Երթայք  
 գործեցէք՝ մի զկորստական կերակուրն , այլ  
 զկերակուրն որ մնայ ՚ի կեանսն յաւիտենա-  
 կանս »<sup>1</sup> : Փրկիչն մեր թէպէտ վասն հոգե-  
 կան կերակրոյ և եթ ասաց զայս , որպէս  
 յայտ է , սակայն միանգամ խօսեցաւ Աս-  
 տուած , և երկուս զայս լուսք<sup>2</sup> : Քանզի  
 գորով նա իմաստութիւն հօր՝ զոյգ ընդ հո-  
 գեւորին գիտէր և զմարմնականն և զընա-  
 կանն , ըստ որում ինքն էր հաստիչ ընդ հա-  
 նուր բնութեանս . վասն որոյ և միով առա-  
 կաւոր բանիւ՝ բազում ինչ և այլ տայր ուն-  
 կնդրաց իւրոց իմաստասիրել :

Արդ՝ առ ՚ի գիտել թէ զխաբ գանկո-  
 րուստ մարթ է լինել և մարմնական կերա-  
 կրոյ , ըստ որում յետ ուտելոյ՝ զհարկաւոր  
 զօրութիւնն նորին յինքն ձգեալ ստամբ-  
 սին , զաւելորդն արտաքս վտարէ . ապա զե-  
 անիորուստ . — առ այս զընութիւն  
 մնայ մեզ խօստովանել , և որ ունիցի ականջս՝  
 լուիցէ : Քանզի Աստուած սահմանս եզ-

1 Յով. 2 . 27 :

2 Սղ. 4 Ա . 12 :

ծովու՝ և ասէ . « Տայդ վայր եկեացեա՛ք և այլ մի անցանիցես ո՛ր : Իսկ թէ քանի՞ օգտաւէտ իցէ միատեսակ սրարդ կերակուրն և ժուժկալու թիւնն մարդոյ ՚ի յօլովատեսակ խորակաց . ՚ի դէպ համարիմ ասանն գրել քեզ սրատմու թիւն մի յայանի փորձառու թեամբ՝ հանդիպեալ այդր ՚ի քաղաքիդ Ջմիւռնիոյ , որում և ահանատես իսկ եղէ ՚ի հասակի սրատանեկու թեան խմում . և դուք իսկ գըտանէք այդր կենդանի վկայս :

Պատճառ-բիւն :

Լ՛ր ՚ի քաղաքիդ ոչ ՚ի վաղ ժամանակաց Քիւրտ օղլու տէր Աարապեա անուն քահանայ ոմն , աւագերէց սրբոյ Եկեղեցւոյն Ստեփաննոսի՝ որ այդր կառուցեալ կայ : Սա ՚ի փոխիլ իւր յաշխարհէս՝ թողու զկին իւր այրիացեալ և ուստր մի մահտեսի Աարդերես անուն և դուստր մի Եղիսաբէթ կոչեցեալ : Արդ՝ երիցակինս այս ժամանեալ յու թաներորդ ամ կենաց իւրոց՝ զկնի քանի ինչ ամաց մահուան առն իւրոյ , կորուսանէ զայս աչաց իւրոց և մնայ ՚ի տան մահտեսի

1 Յով. 1. Ը. 11 :



Վարդերեսի որդւոյ իւրոյ . որ էր յայնժամ  
ամաց իբրև քսանից , անմօրուս՝ ունելով մի-  
այն ընչացս թխագոյնս նորաբոյս : Իսկ ծե-  
րուհիս գոլով և յամենայն ատամանցն զըր-  
կեալ՝ սկսանի ճաշակել և հաց լոկ թրմեալ յա-  
նապակ գինւոջ , որով կեայ ամս երեսուն  
կոյր աջօք և ատամնաթափ : Ալ ՚ի ժամա-  
նել հարիւր և տասն ամաց հասակի իւրոյ ,  
յաւուր միուամ յամարային եղանակի յարու-  
ցեալ ընդ առաւօտն մահտեսի Վարդերեսի  
ի քնոյ իւրմէ , գիմէ յաղբիւրն որ ՚ի մէջ  
տան՝ լուանալ զերեսս իւր ըստ սովորու-  
թեան . և ՚ի դառնալն ՚ի սենեակ իւր ան-  
ձեռոց ՚ի ձեռին , և յանցանել յառաջոյ սե-  
նեկի ծերուհի մօրն իւրոյ՝ լռէ զձայն նորա  
որ ասէ . ( ) րհնեալ է Աստուած սրգեակ իմ  
Վարդերես , որ հասոյց զիս յայս հասակ տե-  
սանել զքեզ սպիտակախառն ալեօք , ( քանզի  
մօրուս արձակեալ ունէր յայնժամ ) : Իսկ  
որդին գիտելով զկուրութիւն մօրն , և կար-  
ծելով իմն եթէ երևակայապէս խօսի , հար-  
ցանէ ցնա ասելով . Այր իմ , ուստի՞ գիտես  
զսպիտակութիւն մօրուաց իմոց : Ալ նա ա-  
սէ . սէ որդեակ իմ , ահա տեսանեմ իսկ ա-  
ջօք իմովք : Չարմացեալ ընդ այն որդւոյն ,  
և ՚ի ստուգութիւն տեսութեան աչաց նո-

րին՝ ցուցանէ նմա զմատուէնս իւր հարցանելով զԹիւ նոցին, երկիցս և երկիցս փորձելով զնա. որոյ պատասխանեալ անվրէպ ըզԹիւսն՝ հարցանէ ապա և զգոյն հանդերձիցն զոր զգեցեալ էր : Այլ այն ինչ ստուգեաց զտեսանել աչաց մօրն՝ գնացեալ համբուրէ զձեռս նորա խնդրելով զօրհնութիւն : Տեսանէ յայնժամ զի և ատամունք նորա վերաբուսեալ էին՝ բայց սրածայրք : Ինդ որ փառս մատուցանելով Աստուծոյ՝ կոչէ զընտանիս իւր ՚ի տեսութիւն՝ մանաւանդ թէ ՚ի զարմացումն եզական դիպուածոյն, կամ լաւ և սասել՝ հրաշից : Այլ ապա հրատարակեալ իսկոյն համբուս այս ՚ի քաղաքիդ, արք և կանայք յամենայն ազգաց խուռըն ընթանային ՚ի տուն անդր ՚ի տեսութիւն նորա՝ ընծայաբեր լինելով. և փառաւոր առնէին զԱստուած ՚ի վերայ այսր ամենայնի՝ որ եղևն և զարմանային, զի համարէին նշանս ինչ տեսանել :

Իսկ բժիշկք և գիտնական անձինք բընազնինք ժամանակին որք յազգաց ազգաց գտանէին այդր, հաստատեցին բնականաբար լեալ զիրսդ, այսինքն զօրութեամբ և ներգործութեամբ հացին և գինւոյն, զոր ընդ երկար ժամանակ ունէր ՚ի կիր առեալ ՚ի սը-

նուևդ մարմնոյն : Վանդի ասէին՝ թէ առ սակաւ սակաւ վտարեցին նորա զմթարս և զվատթար հիւթս յերակաց աչացն, որք խափանէին զտեսութիւն նորա՝ ձգելով զբոբ աչացն զլուսն բժաբեր : Իսկ լուսոյ ականն ոչինչ գողով փնասեալ, ՚ի վարատիլ մթարիցըն՝ սկսան կրկին տեսանել : Ա, և մաքրեալ արեանն՝ զօրութիւն աճման ընկալան նիւթքըն, որք և արտադրեցին զատամուսնն նորաբոյս, զորս ՚ի լեզու տաճկաց Բէյիբ Կիլիկոչէն. և ասի թէ զկնի անցանելոյ հարիւր ամաց հասակի բուսանին, բայց այս ոչ ամենեցուն պատահի :

Ահա քեզ օրինակ որդեակ իմ, և պտուղ օգտաւէտ կերակրոց և արդիւնք չափաւոր կերլեաց և ըմպելեաց, որպիսի է հացն և գինին : Վանդի կարի մեծ և զօրաւոր է օգտակարութիւն հացին և ոչ սակաւ գինւոյն, որք և լի են երկօքին և թափոնք սլք. որպէս և Աբրահամ յերթալն ընդ առաջ Մելքիսեդեկայ, հացիւ և գինւով պատուեաց զնա. և Եղիա այն ինչ հանդերձեալ էր ելանել ՚ի լեառն Բորբբ առ ՚ի քառասնորդել անդ ՚ի պահս, նկանակ հացի և կուժ մի գինւոյ թոշակ մատոյց նմա հրեշտակն Աստուծոյ : Այնպէս և Փրկիչն մեր զկենարար խորհուրդ

վերկութեան հոգւոց մերոյ՝ հացիւ և գինւոյ աւանդեաց :

Այլա սէր գիցուք զի ընդհանուր չորքուտանիք, զէռուներ, թռչունք և ջրային լողակք միահամուռ բնականաբար բերին 'ի ճաշակումն հացին, զոր և ակորժանօք ուտեն . և չիք ինչ այլ 'ի ներքոյ արեգական քան զհացն ակորժ կերակուր ընդհանուր կենդանեաց : Աւրեմն որ խոհեմն է 'ի մարդիկ՝ ըստ մեծի մասին հացիւ կերակրի, զի օգուտ և առողջ ջութիւն ընկալցի յանձն իւր :

Բայց իմա և զայս, զի թէպէտ և գինին օգտակար իցէ և 'ի կարգի դեղոց համարիցի, սակայն աւելորդն մահադեղ է կենաց և բանականութեան : Այլ սյսչափս շատ համարեսցի զոր ինչ խօսեցաք զօգտակարութենէ և զչափաւոր կիրառութենէ կերակրոց և ըմպելեաց . և դարձցուք 'ի բնաբան մեր :

Ասացաք 'ի վեր անդր, թէ սպարտ է մարդոց քննել զամենայն զոր ուտել և ըմպել հանդերձեալն է, զի մի իցեն կորստական, այլ զի ունիցին բազում օգուտս մարմնոյ : Այլա սրբան առաւել սպարտաւոր է խոկալ և որոնել զճշմարտասպէս անկորուստ կերակուրն իմանալի, որ տայ կեանս յաւիտենականս հոգւոյ : Քանզի ոչ եթէ հացիւ միայն

կեցցէ մարդ, այլ ամենայն բանիւ որ ելանէ  
 ՚ի բերանոյ Աստուծոյ <sup>1</sup> : ՚Աստ որում հացն  
 զմարմինն բուծանէ, բանն զհոգին կեցու-  
 ցանէ : Եւ զի մարմնոյ կեցութիւն առժա-  
 մանակեայ է, իսկ հոգւոյն յաւիտենական .  
 մարմինն ՚ի մեռանել իւրում կորուսանէ  
 զանձն, իսկ հոգին անկորուստ պահէ զայն :  
 Ուրեմն զի՛նչ օգուտ է մարդոյ, ըստ բանի  
 Փրկչին, եթէ զաշխարհ ամենայն շահեսցէ,  
 և զանձն իւր տուժելով թողուցու ՚ի մե-  
 ռանել և ՚ի կորնչել <sup>2</sup> : Այսն որոյ անհրա-  
 ժարելի պարտք են մարդոյ ամենայն ջանիւ  
 ՚ի խնդիր լինել անկորուստ և անապական  
 կերակրոյ հոգւոյն, որ է բանն բերանոյն Աս-  
 տուծոյ . որոյ քաղցրութեան ոչ ինչ կարէ  
 երբէք համեմատիլ, որպէս և Դաւիթ ասէ .  
 “ Որպէս զի քաղցր են ՚ի քիմս իմ բանք քո՝  
 քան զմեղր բերանոյ իմոյ ”, այսինքն քան ըզ-  
 մարմնական և զհեշտալուր բանս մարդկային  
 զբօսանաց, և կամ քան զմեղրօրինակ և  
 քաղցրաձաշակ կերակուրս կազդուրիչս մար-  
 մնոյ . որ և զձաշակ բանից տեառն առեալ  
 անվրէպ փորձառութեամբ, յստահութեամբ  
 իմն հրաւիրէ ՚ի նոյն և զամենեւին՝ ասելով .

1 Ղ. 1. Գ. 4 :

2 Ս. 1. Ը. 56 :



« Ղաշակեցէք և տեսէք զի քաղցր է Տէր  
 առ այնոսիկ՝ որք հաւատով և յուսով սի-  
 բեն զնա և խնդրեն բողբոլ սրտիւ ու Վան  
 զի նա յագեցուցանէ զքաղցեալ անձինս մեր,  
 նա բանայ զմիտս մեր, նա ազդէ ՚ի մեզ ըզ-  
 կամս իւր, նա վերականգնէ զմեզ ՚ի գլորմա-  
 նէս, նա ձեռնտու և օգնական լինի մեզ ՚ի  
 նեղութեան մերում, նա փրկէ զմեզ ՚ի վե-  
 տանգէս, նա առաջնորդէ մեզ ՚ի շաւիղս  
 արդարութեան, նա տանի զմեզ ՚ի կեանս  
 յաւիտեանականս, և նա լուսաւորէ զհոգի  
 զմարմին և զանձինս մեր, ըստ այնմ, « Ղրագ-  
 են բանք քո ոտից իմոց և ըյս տան շաւղաց  
 իմոց ո՛ր, Եւթէ « Պատուիրանք Տեառն ըյս  
 են, և ըյս տան աչաց, երկիւզ տեսան սուրբ  
 է, և մնայ յաւիտեան ո՛ր, Եւրեմն սմա ըզ-  
 ձայցուք և մեք, և ամին վառիադեցուք, զի  
 սա է որ վերստին ծնանի զմեզ յորդիս Աս-  
 տուծոյ: Եւ սովին որոշիմք յանասնոց, և ՚ի  
 ձեռն սորա մտանեմք ՚ի կեանս յաւիտեանա-  
 կանս: Վանդի սա է ճշմարիտ կերակուրն  
 հոգւոյ, իսկական մարմին Փրկչին մերոյ, ըստ  
 այնմ թէ, « Հացն զոր ես տաց մարմին իմ  
 է, և որ ուտիցէ որք ՚ի սմանէ՝ մի մեռանիցի:

1 ՍԸ. ճԺԸ. 108:

2 ՍԸ. ԺԸ. 8:



և եթէ ոչ կերիցէ զմարմին որդւոյ մարդոյ ,  
 ոչ ունի կեանս յանձին ր<sup>1</sup> :

Վմանապէս սա է ճշմարիտ ըմպելի զու-  
 վարար հոգւոյ և արիւն Փրկչին մերոյ . և  
 որ միանգամ ըմպիցէ ՚ի սմանէ՝ ոչ ծարաւի  
 երբէք . որպէս և ասէր ցկիւնն շամբտացի .  
 « Որ ըմպէ ՚ի ջրոյն զոր ես տաց նմա , մի  
 ծարաւեսցի յաւիտեան ր<sup>2</sup> : Սա է աղբիււրն  
 կենդանութեան , որ ըստ օրինակի յորդահոս  
 գետոյ բղխի յորովայնէ նորա . այսինքն Հո-  
 գին ճշմարտութեան՝ զոր մատուակէ հա-  
 ւատացելոց իւրոց՝ գալ և ըմպել զնոյն ձրի .  
 որ և աղաղակէ ՚ի տաճարի բնութեան ընդ-  
 հանուր տիեզերիս . « Եթէ որ ծարաւի ի-  
 ցէ եկեսցէ առ իս՝ և արբցէ . որ հաւատայ  
 յիս՝ որպէս և ասեն գիրք , գետք յորովայնէ  
 նորա բղխեսցեն ջրոց կենդանութեան : Օ այս  
 ասէր վասն հոգւոյն զոր ընդունելոց էին . . .  
 զի չև էր հոգի , քանզի Յիսուս չև էր փա-  
 ռաւորեալ ր<sup>3</sup> :

Հուսկ յետոյ յիշեաւ սրգեակ իմ զոր աւ-  
 սացաւն ՚ի վեր անդր , թէ մարմին կենդա-  
 նւոյն ՚ի միոյ կաթլոյ սերման գոյացեալ ,

1 Յով . 2 . 5 :

3 Յով . Է . 37 — 38 :

2 Յով . Դ . 15 :

ուտելով զկերակուրն դոյափոխէ 'ի տեսակ մարմնոյ իւրոյ, և նովիմբ ածեալ և զարգացեալ հասանէ 'ի կատարելութիւն, ստանալով զներգործութիւն և զազդեցութիւն իւրին զոր ուտէ: Աոյնպէս և հոգին ընկալեալ զբանն Աստուծոյ, և հանապազորդելով 'ի նոյն 'ի սնունդ հոգւոյ, միանայ ընդ նմա և ածեցեալ զարգանայ նովիմբ, և ստացեալ զներգործութիւն և զազդեցութիւն նորա լինի և ինքն նման Աստուծոյ, որպէս և էն, ըստ բանի սրբազան առաքելոյն Յովհաննու, թէ « Յորժամ նա յայտնեսցի՝ նման նմա լինելոց եմբ »<sup>1</sup>: Ահա դուռն և ճանապարհ՝ որով շահելով զանձն ոչ կորուսանէ հանդերձ տուժելով: Ար ունի ականջս լսելոյ՝ լուրիցէ: Ապա ուրեմն զամենայն փոյթ 'ի մէջ առեալ՝ սրբեմջիր զախորժանս քո անյագաբար ուտելով զբանն Աստուծոյ, զճրջմարիտ կերակուրն հոգւոյ և անձին, և զճրջմարիտ ստուղն ծառոյն կենաց՝ որ տոյ քեզ կեանս յաւիտենական փոխանակ այնորիկ՝ որ ածէ ապականութիւն մարմնոյ քո, և ապա անձին և հոգւոյդ. յորմէ Տէր փրկեալ ազատեսցէ. ամէն:

ՅՕԴՈՒԱԾ ԷՒՆԴԵՐՈՐԴ

Յուշահոս շոշափելեաց, այսինքն յեռաց, ընդ որո  
րաստիարգիս և ընկանալէս, այսինքն որք :

« Էւ ձեռք մեր շոշափելին ՚ի վե-  
րայ բանին կենաց ո. Ա. ՅՈՎ. Ա. 1.

« Եթէ աջ ձեռն քո, կամ ոտն  
գայլժազղեցուցանէ զքեզ, հաս-  
ցնա և ընկեա ՚ի քէն, զի լաւ է քեզ  
եթէ մի յանդամոց քոց կորիցէ, և  
մի ամենայն մարմինդ քո արկանիցի  
՚ի գեհէն ո. ՄԱՏԹ. Ե. 30.

Օ ԳԱՅԱՐԱՆՍ այս շոշափելեաց՝ մարթ  
է ասել եթէ յատկապէս մարդոյ միայնոյ  
իցէ պարգևեալ յԱստուծոյ, քան առ հա-  
ասրակ ամենայն կենդանեաց : Վանզի յա-  
նասունս սակաւագոյնք են որք զսոյն պար-  
գև վոցելեն, և այն անկատար իմն եղանա-  
կաւ. որպիսի է արջն, ջրչունն, նմանապէս  
և կապիկն : Ի վերջինս յայս իբր երեսուն և  
երկու ազգք համարին, որոց ՚ի կարգս դա-  
սի և օրանգ օրէանգ կոչեցեալ կենդանին ՚ի  
բարբառս Հնդկաց, որ դասնի ՚ի Գոնգօ ա-  
նուանեալ կոչմանս : Աւնի սա նմանութիւն  
զկերպարանաց և զանդամոց ընդ մարդ և ընդ  
բազման կապիկ, զոր ՚ի տեսանելն ուրուք զա-

ուսմանն , համարի զնա այր լեռնասոււն և  
 վայրենի . որ և ընտելանայ և պաշտէ զճա-  
 ուսյութիւն մարդկան , և երբեմն ևս բրօք  
 կռուի ընդ մարդիկ և ընդ գաղանս : Ան և  
 այլ կենդանիք , որոց ձեռք դոյզն ինչ ճա-  
 ուսյեն , այլ ոչ կատարելապէս . և չունին ըզ-  
 գայութիւն կատարեալ շօշափելեաց , այլ  
 առաւել ծառայեն փոխանակ ստից , վասն ու-  
 բոց և հասարակաբար կոչին շրջափանի :

Իսկ մարդն միայն է ՚ի սեռի կենդանեաց  
 որ կատարելապէս վայելէ զայս ձիր աստուա-  
 ծային , որով և շօշափելով զամենայն ինչ՝ ըզ-  
 գայ և որոչէ զՅերմութիւն և զցրտութիւն ,  
 զգիճութիւն և զչորութիւն նոցա . այլ և  
 զկակղութիւն և զկարծրութիւն այլովքն  
 հանդերձ՝ որ ընդ զգայարանօք շօշափելեաց  
 անկանին : Անչ զի և կոյրք բաց ՚ի գունոյ՝  
 զամենայն յատկութիւնս և զզանազանու-  
 թիւնս էակացն այսու զգայարանաւ որոշնն  
 յայանի փորձառութեամբ : Իաց յայսցանէ  
 ձեռք մարդոյ նպաստեն ինքեան և ՚ի բազում  
 արուեստս և ՚ի ծառայութիւնս . գործեն  
 զարմանալիս՝ մինչև ՚ի հիացումն կրթել ըզ-  
 ատեսողս , և ոչ հաւատալ նոցա եթէ իցեն  
 այնքիկ գործք ձեռաց մարդկան : Բանդի  
 ըստ բնականից՝ ձեռն մարդոյ է գործի ար-

ուեստին, և արուեստն գործի բնութեան, և բնութիւնն գործի Աստուծոյ: Ըստ որում Աստուած գործէ ՚ի ձեռն բնութեան, և բնութիւնն ՚ի ձեռն արուեստին ՚ի բազում իրս՝ զորս ունի անկատար թողեալ, ոչ կարելով ՚ի լրումն ածել ՚ի սակս տեղւոյն կամ օգոյն և կամ այլոց պատահական սառ ճառայ. և արուեստն գործէ ՚ի ձեռն ձեռնին մարդոյ, ուստի և սասցաւ յոմանց, թէ զոր օրինակ բնութիւնն է կապիկ Աստուծոյ, նոյնպէս և արուեստն է կապիկ բնութեան: Այսն զի զոր ինչ միանգամ գոյսցոյց Աստուած, լրացոյց զնոսա տալով իւրաքանչիւր տեսակի յատուկ իմն բնութիւն և օրէնս, որոյ կարգադրութեամբ յարտուեսցեն ՚ի սեռ և ՚ի տեսակ իւրեանց: Իսկ բնութիւնն զպատահական թերութիւն իւր լցուցանէ գործակցութեամբ արհեստին. ըստ որում արհեստն զհետ երթայ բնութեան, և ոչ բնութիւնն զարհեստին. զի արհեստն ընդդէմ բնութեան ոչ ինչ կարէ առնել: Այսպէս և արհեստն եթէ ինքնին և եթէ ՚ի ձեռնն բնութեան չկարէ առնել ինչ, եթէ ոչ ձեռն մարդոյ օգնիցէ նմին:

Այսպ ուրեմն ձեռն մարդոյ է յատուկ ձիր, օժիտ և սխարգ. և աստուածային շնոր-

հեալ ինքեան միայնոյ , զի գործեալ այնու-  
 զարմանալիս հաւաստեսցէ զկատարելութի  
 իւր , և ցուցցէ զանձն լինել յատուկ գործ  
 ձեռին Աստուծոյ , և կենդանի բանական զա-  
 նազանեալ յոյժ յանբան կենդանեաց : Այլ  
 թէ է՛ ճշմարտապէս ստեղծեալ ՚ի պատկեր  
 և ՚ի նմանութիւն Աստուծոյ . ըստ որում  
 իբրև զԱստուած գործէ հիանալիս՝ բաց ՚ի  
 ստեղծագործութենէ : Այլ արդարև ճշմա-  
 րիտ է իմաստասիրացն բան՝ որք ասացին ,  
 եթէ չէր մարդ յաշխարհի , անկատար մնային  
 արարածք : Քանզի այնչափ կատարելութիւն  
 գտին ՚ի մարդումն , մինչ զի ոմանց կոչել ըզ-  
 նա՝ փոքր աշխարհ , և ոմանց՝ մեծ : Աս և  
 նոյն ինքն իսկ Աստուած մարդոյն յանձնեաց  
 զերկիր՝ գործել զնա և պահել , կացուցեալ  
 զնա փոխանորդ իւր և իշխան և տէր ՚ի վե-  
 րոյ ամենայն արարածոյ : Քանզի յոր վայր  
 չգուցեն մարդիկ , անապատացեալ մնայ ան-  
 զին և վայրենաբնակ , թէ և բնութիւն զը-  
 ւարձանայցէ անդր և վայելուչ զտեղին գոր-  
 ծիցէ :

Արդ՝ որ քան զամենայն կենդանիսն ազ-  
 նուագոյն և կատարեալ իցէ մարդն , և այս-  
 չափ գեղեցիկ յատկութեամբք զանազանեալ  
 յանբանից սեռէ , զխաբդ շունիցի և յատ-



կութիւն իմն վերստին ծնանելոյ 'ի հողւոյ  
 և մտանելոյ 'ի կեանս յաւիտենականս : Սի-  
 թէ անհուն բարութիւնն Աստուծոյ , որոյ  
 առանց խնդրելոյ ուրուք յէակացս , ոչ ինչ  
 խնայելով 'ի բարութիւն իւր՝ շնորհեաց նու-  
 ցա զգոյութիւն , և յաւել 'ի նոյն այսչափ  
 ձիրս առատապարգևս , խնայիցէ՞ ինչ արդեօք  
 մարդոյ , որ մեծապէս ժտէ և խնդրէ զկեանս  
 և զանմահութիւն : Քաւ լիցի : Քանզի որ  
 խնդրէ՝ առնու , և որ բաղխէ՝ բացեալ լինի  
 նմա , և որ հայցէ՝ գտանէ . նոքին միայն որք  
 անխոյթ առնեն զշնորհիւս և ուրանան զԱս-  
 տուծոյ բարութիւնն՝ զուրկ գտանին 'ի կե-  
 նաց : Այլ զինչ աստիճէն . Աստուած որ ճշ-  
 մարիտ կեանքն է և կենդանութիւն , չիցէ  
 նմա բնական հաղորդելոյ զինքն արարածոցս  
 և զարարածսն իւրոյ բարութեան . այն և  
 կարի խելքաջ : Ապա քանի՞ մեծ յանդգնու-  
 թիւն իցէ ասել , եթէ կենդանիս այս պա-  
 տուական և կատարեալ իբրև զանկատարս  
 իմա իբրև զանբանս՝ 'ի կորուստ մասնիցի :  
 Յիրաւի արդեօք կորնչի , բայց ոչ հարկաւ ,  
 այսինքն բնականաբար որպէս զանասունս ,  
 այլ կամօք և մասնաւոր անձնիշխանութեամբ  
 իւրով , այսինքն ոչ խնդրելով և ոչ զհետ լի-  
 նելով կենաց անձինն : Քանզի Աստուած ոչ

բանադատէ զոր 'ի փրկութիւն, (զի թէպէտ ստեղծ զնա առանց նորա, բայց ոչ արդարաւ ցուցանէ զնա առանց նորա,) այլ հրաւիրէ. սպա թէ ոչ՝ զի՛նչ վարձք էին փրկելոց, և զի՛նչ ողբումն և կրճումն ատամանց հաւատացեալ անհաւատից :

||<sup>o</sup>հ մեծի կուրութեանն՝ որոց տեսանելով տեսանեն՝ և ոչ տեսանեն, լսելով լսեն՝ և ոչ իմանան, եթէ զնոյն կեանքն յաւիտենական արդէն ունիմք 'ի մեզ բնակեալ, զոր և ամենայն ջանիւ և սիրով պարտիմք պահպանել զնոյն և ոչ կորուսանել իբրև զանբանս : Ա՛սան որոյ խօսին՝ առանց 'ի միտ առնլոյ զոր խօսինն, զի բարձեալ 'ի նոցունց ազդեցութիւն աստուածեղէն հոգւոյն՝ վասըն անհաւատութեան իւրեանց, թանձրացեալ են սրտիւք և կուրացեալ աչօք, զի մի՛ տեսցեն՝ և դարձցին և բժշկեսցին : Վանզի ուրացութեամբն չկամին և ոչ 'ի խնդիր լինին, ուստի և ոչ դատանեն զթողութիւն սէստ և ոչ 'ի հանդերձելումն :

( )ն սպա թողցուք զնոսս 'ի կուրութեան իւրեանց, և մեք հետեւեցուք կարգի բանիցս. եթէ զգայարանս այս ձեռաց է՝ յատուկ պարգև շնորհեալ յԱստուծոյ մարդկային տեսակի և եթ, և ոչ ամենայն կեն.

դանեաց առհասարակ . որ և այսու զարմա-  
նալիս գործելով՝ նպաստամատոյց լինի բը-  
նութեան ՚ի լրումն թերութեան նորին :

Սակայն ոչ է մարդոյ սարս և արժան  
զայս օրինակ գործի սլատուական ծառայե-  
ցուցանել միայն ՚ի մարմնական և ՚ի զգալի  
իրս , և ոչ շօշափել այնու զաշխարհայինս և  
եթ , և ոչ ձգել զնոյն ՚ի ծառն մահաբեր ,  
այսինքն ՚ի չարիս , ՚ի զրկանս , ՚ի սպանումն ,  
յաւար և ՚ի կապուտ , ՚ի գողութիւն . այլ  
՚ի ծառն կենսատու , այսինքն կարգել զնա  
՚ի պաշտօն բանին Աստուծոյ , և զնա միայն  
շօշափել՝ կարկառելով յամենայն գործս բա-  
րեաց , որք են յատուկ գործք Աստուծոյ :  
Վանզի ողորմել աղքատաց , և լցուցանել  
զպէտս կարեաց ընկերին՝ գործ է Աստու-  
ծոյ , որպէս և ինքն իսկ Քրիստոս վիայէ  
հանդերձ յորդորելով զմեզ . « Եղբուք գը-  
թածք որպէս և հայրն ձեր գթած է »<sup>1</sup> :  
Եւ զի արդարև ողորմածն ստուգապէս շօ-  
շափէ զԲանն կենաց առաքինական գործովք  
իւրովք , յայտ է : Վանզի զբարեգործութիւն  
և զողորմածութիւն այնոցիկ՝ որ զբաղցեալն  
կերակրեցին , զծարաւին արբուցին , զմերկն

զգեցուցին, օտարին ասինջական եղեն, հիւ  
ւանդին և բանտարկելոյ չոգան ՚ի տես, զայ-  
նոսիկ զամենայն ինքեան համարելով Բանն  
Ատուածոյ՝ ասաց, եթէ « Ար արարիք միում  
՚ի վտարկանցս յայսցանէ՝ ինձ արարիք » : Ա-  
պա ըստ ճշմարիտ բանին իւրոյ շօշափեցին  
նորա առաքինութեամբք իւրեանց զբանն  
կենաց : Այլ որք յօժար կամօք և առատա-  
սրտութեամբ գործեն զայնոսիկ ՚ի փառս Աւ-  
տուածոյ, առաւել քան զԹովմաս հանդերձ  
երանութեամբ կարեն ասել ըստ սրբազան  
առաքելոյն Յովհաննու . « Այլ ձեռք մեր շօ-  
շափեցին ՚ի վերայ բանին կենաց » :

Աւրեմն պարտ է մարդոյ զձեռն ՚ի բա-  
րեգործութիւնս արկանել, սպեղանել զվերս,  
բժշկել զհարուածեալս, կանգնել զգլորեալս,  
նորոգել զխանգարեալս, լցուցանել զպէտս  
կարօտելոց, և մի երբէք տեղի տալ գայթա-  
կղութեան ձեռքինն . և մի բնդհակառակն ՚ի  
գործ ածել զայն ՚ի գողութիւն, ՚ի գանս, ՚ի  
կռփանս, և որ ՚ի սոցին սակի են չարիս, և  
լիցի այն առիթ գայթակղութեան անձինն .  
քանզի լաւ է հատանել զնա և ՚ի բաց ար-  
կանել, քան անկանել նովաւ ՚ի գեհեան :

Նմանապէս և ոտք, որ են առաւել  
գործի ընթացից քան շօշափելեաց, հարկ է

մարդոց ուղղել զնոսին 'ի յաւիտեանական հայրենիան իւր, և ընթանալ նոքօք 'ի ժամանել յօթեանս հանգստեան հոգւոյ և մարմնոյ իւրոյ, հաստատելով զնոսին 'ի ճանապարհս ուղղութեան և արդարութեան. ըստ այնմ, « Հաստատեա զչաւիղս իմ 'ի ճանապարհի քում, զի մի գայթակղեցցին գնացք իմ ո՛ր, և թէ « Ոտն իմ կացցէ յուղղութեան, յեկեղեցիս մեծս օրհնեցից զքեզ Տէր ո՛ր, այսինքն՝ յերկինս 'ի ժողովս անդրանկաց: Այլ թէ որով կարեմք ուղղել զոտս մեր 'ի ճանապարհս արդարութեան, ոչ այլով իւրք՝ եթէ ոչ հետեւելով միայն աստուածային բանից, որք են իսկապէս լոյս և ճրագ և առաջնորդ շաւղաց մերոց: Ապա ուրեմն ըզհետ երթեալ բանին Աստուծոյ՝ ուղղեցուք զոտս մեր 'ի ճանապարհս առաքինութեանց, այսինքն փութացուք անդանդաղ 'ի տեսութիւն հիւանդաց արդեամբք օգնելով նոցա. առանց յուլանալոյ ճեպեցուք յայցելութիւն՝ մանաւանդ եթէ յազատութիւն գերեաց և բանտարկելոց, և աճապարեալ հասցուք յօգնութիւն փոանդելոց: Հուսկ ուրեմն յարատեւելով յամենայն ազգս բարեաց



գործոց՝ կարճեցուք զոտս մեր ՚ի շաւղաց անօրէնութեան . և փոխանակ ՚ի կրկէսս և ՚ի թատերս մարմնական հեշտակիր զբօսանաց և ՚ի պարահանդէսս ուղղելոյ զնոսին՝ ընթաւցուք ՚ի հոգևոր տեսարանս աստուածային երգոց և յունկնդրութիւն պատգամացն Աստուծոյ : Այսա թէ ոչ՝ գոյթակղիչս մեզ և որոց տեսանենն համարելով զնոսին , լաւ է հատանել , և կաղ մտանել յարքայութիւնն Աստուծոյ , քան երկոքումբք անկանել ՚ի գեհեան . յորմէ փրկեալ ազատեսցէ զմեզ Տէր :

Եւ արդ՝ ընկալ սրգեակ իմ զսակաւա մասնեաց բանս՝ զոր ըստ կարեաց տկար մըտաց իմոց հիւսեալ ՚ի վերայ հնգից զգայարանաց մատուցանեմքեզ , որք են հնգեակ քանքարք մայր դրամոց (սէրմայէի) , տըւեալ Աստուծոյ մարդկան սեռի առ ՚ի շահեցուցանել և յաւելլուլ ՚ի նոսա այլ ևս հինգ , այսինքն զհոգևոր զգայարանս , զորս ընդ մարմնականին միաւորելով՝ մատուցանել Տեառն , և լինել տէր տասանց քաղաքացն : Արպէս և երկոքումբքն՝ այսինքն հոգւով և մարմնով շահեալ զպատգամս երկուց կտակարանաց , կամ հոգևոր և մարմնաւոր առաքինութեանց՝ պարգևի նմա լինել տէր և իշխան ՚ի վերայ չորեցունց քա



զաբաց, իմա զերժանելով 'ի չորից ասպակա-  
 նացու տարրական ծառայութեանց, և տի-  
 բաբար վայելել յանտարր և 'ի հոգևոր կեն-  
 դանութիւնն անասական, մշտնջենաւորա-  
 պէս իշխելով ընդ Աստուծոյ 'ի վերայ հա-  
 մօրէն արարածական բնութեանս : Եւ մի  
 ըստ օրինակի քանքարաթաքոյց ծառային,  
 թաղելով և խորելով զնոսին 'ի ծրարս երկ-  
 բաբարչ հեշտութեան և սպականարար կը-  
 բից մարմնականաց՝ սլատժապարտ գտանիցի  
 յաւիտենական կորստեան : Քանզի ըստ ան-  
 սուտ բանի Փրկչին՝ օգուտ և երջանկու-  
 թիւն մարդոյ կայանայ 'ի շահել զանձն իւր,  
 այն է զկեանս յաւիտենականս . ըստ այնմ  
 թէ՛ « Գլխնչ օգուտ է մարդոյ եթէ զաշ-  
 խարհ ամենայն շահեսցի և զանձն իւր տու-  
 ժեսցէ » . որով և ամենայն ակնկալութիւնք  
 'ի դերև ելանեն :

# Մ Ա Ս Ն Ե Ր Ր Ո Ր Գ

## Յ Ա Ղ Ա Գ Ս Բ Ա Ն Ի

ԵՒ ՈՄԱՆՑ ԳԼԻԱՒՈՐ ՄԱՐԾՆԱԿԱՆ ԿՐԻՑ ,

ԱՅՍԻՆՔՆ ԾՆՆԻԵԱՆ , ՆՆՁՄԱՆ ,

ԵՒ Մ Ա Հ Ո Ւ Ա Ն

---

## ԿԱՆԻԱԲԱՆՈՒԹԻՒՆ

**Ս**ԿՍՑՈՒՔ աստէն գրել և յաղագս ումանց գլխաւոր կրից մարմնականաց , այսինքն ծննդեան , ննջման և մահուան , որք են ան նահանջելի և հարկաւոր կիրք ընդհանուր կենդանեաց՝ նոյն և մարդոյն :

Ի այց նախ քան զսոսին խօսեսցուք ՚ի կարճոյ զԲանէն , առ ՚ի գիտել թէ զինչ է բանն , զինչ բանականութիւնն և զինչ խօսքն . ըստ որում երեքին սորա հասարակաբար բան յորջորջին : Այլ ապա խօսեսցուք թէ որով եղանակաւ պարտ է մարդոյ ՚ի գործ ածել զսոսին , որով կարացէ զանազանիլ ՚ի կիրս իւր յանասնաւորութենէ , և

լինել մարդ կատարեալ առ ՚ի զնմանութիւն բերել յանձին զհեղինակին իւրոյ, որոյ ՚ի պատկերի և ՚ի նմանութեան արարաւ. որպէս զի մի գտանիցի պարտաւոր պարգևողին բարեաց և գերագոյն շնորհաց՝ որով զարդարեալ պսակեաց զնա, և կացոյց տէր և իշխան ՚ի վերայ ընդհանուր արարածոց. մինչև զհրեշտակս իւր կարգեաց ՚ի պաշտօն և ՚ի պատգամաբերութիւն և ՚ի պահպանութիւն նոցա յերևելի և յաներևոյթ պատահարաց: Քանզի թէպէտ և մարդն ըստ մարմնոյ փոքր ինչ խոնարհ արարաւ քան զհրեշտակս, բայց ըստ հոգւոյ մեծ է յոյժ քան զնոսա և իմաստնագոյն. զի զհաղորդութիւն և զնմանութիւն ունի զԱստուծոյ, և միաւորեալ թագաւորէ ընդ նմա: Իսկ հրեշտակք սպասաւորք են Աստուծոյ, և կարգեալք ՚ի պաշտօն մարդկան, որպէս է տեսանել յաստուածային գիրս, յորում յայտնի ցուցանի առաքումն նոցին առ Ղովտ<sup>1</sup>, և առ Եղիա՝ ՚ի պաշարիլ իւրում ՚ի զօրացն Ասորւոց, յորմէ և ընկալաւ զնկանակն և զգիւնին<sup>2</sup>. նմանապէս և առ Տօբիա<sup>3</sup>, և առ Դաւ

1 Օննդ. յ. Թ. 1:      3 Տոբ. Ե. 5:

2 Գ. Թ. 1. Ե. 5:

նիէլ՝ այն ինչ փակեալ կայր ՚ի գբի առիւ-  
 ծուցն<sup>1</sup> : Առ սրբազան առաքեալն Պետրոս՝<sup>2</sup>  
 մինչ ՚ի բանտին կայր, առ Կուռնելիոս<sup>3</sup>, և  
 առ այլս բազումս : Աւասիկ գերազանցու-  
 թիւն մարդոյ, որոյ չիք զուգահաւասար  
 յընդհանուր արարածս. եթէ գիտաց երբէք  
 լինել մարդ կատարեալ ըստ օրինակի սիրե-  
 լեացն Աստուծոյ և սիրողացն զնա, կարէ  
 ընդունել զնոյն արժանաւորութիւն, ապա  
 թէ ոչ՝ անբանագոյն քան զանբանս համարի  
 և անարգ քան զանասունս :

1 Վանի . 2 . 22 :            3 Վորժ . Ժ . 5 :

2 Վորժ . Ե . 19 :

\* Եւ բանն մարմնն եղև և բնա-  
կեցաւ ՚ի մեզ ու ՅՈՎՀ . Ա . 14 .

\* Ի բանից քոց արգարացիս և  
՚ի բանից քոց դատապարտեցիս .  
ՄԱՏԹ . ԺԲ . 37 .

**Լ**ԻՐՐԱԿԻ իմանամք զբանն . նախ զբանն  
աստուածային՝ որով երկինք և երկիր և ա-  
մենայն ինչք և էակք հաստեցան , որ է ան-  
սկզբնաբար ծնունդ , ճշմարիտ սրբակեր ,  
ճառագայթ փառաց , զօրութիւն և իմաս-  
տութիւն Աստուծոյ Հօր ամենակալի . զոր  
լատինք կոչեն Վերդոս Գեոս , այսինքն Բան Աս-  
տուծոյ : Երկրորդ՝ զբանն մարդկային , որ է  
տրամախոհութիւն մտաց և իմացականու-  
թիւն նորին . որ ՚ի սրաի իւրում խորհի , և  
տրամադրէ զոր ինչ և կամի . և կոչի սա ՚ի  
մեր լեզու Բանականութիւն , և ՚ի լատինս բաց-  
յիւնիստ , որ զնոյն ունի նշանակութիւն :  
Երրորդ՝ բան կոչի ըստ քերականաց՝ պար-  
բերութիւնն այն մարդկային խօսից , որ  
յայտնէ զտրամախոհութիւն մտաց նորա .  
որ ՚ի լատինս Գրամմատիկա , որ է խօսք կամ  
խօսակցութիւն : Եւ այց զսոյն լաւ և ս կարեմք

ասել մարմին բանի՝ քան եթէ բան : Վանզի զբանն զոր արամախոհի մարդ ՚ի միտս իւր, սովիմք մարմնացուցեալ արտայայտէ . վասն որոյ և ոչ կարէ ասիլ իսկապէս բան, այլ խօսք կամ շարամանուծիւն բառից . ասպա թէ ոչ հարկ էր բան կոչել և զարտաբերուծիւն թուծակին, որոյ ամբողջ պարբերուծիւն մի ուսեալ ՚ի բերան՝ արտասանէ իբրև զմարդ, բայց սակայն ոչ է բանաւոր՝ այլ անբան : Աւրեմն բանն ոչ է երեք, այլ երկու . որոց մինն է իսկական՝ անեղձ և աստուածային, և միւսն պատկեր նորա, զի է որպէս ճառագայթ ՚ի հայելուջ : Վանզի իւ մացականուծիւն մարդոյ ոչ ուստեք է՝ եթէ ոչ ՚ի հոգւոյն, զոր Աստուծոյ փշմամբ իւրով պարգևեալ նմա՝ կոչեաց զնա ՚ի պատկեր իւր, որով և անուանեցաւ բանական կամ բանաւոր, այսինքն ունող բանի :

Արդ՝ թէպէտ և ասացաւ եթէ ոչ են երեք՝ այլ երկու, բայց յարմարագոյն ևս է ամփոփել զնոսին ՚ի մի միայն : Վանզի՝ զոր օրինակ անհնար է երկուս ճայրագոյն սկզբ բունս առդնել, կամ երկուս ճայրագոյն եւ ուծիւնս և գոյուծիւնս կամ հեղինակուծիւնս . այլ միմիայն սկիզբն, մի էուծիւն, մի գոյուծիւն և միմիայն հեղինակ ամենայն



էից . և ամենայն էութիւնք և գոյութիւնք  
 ՚ի միոյ միայնոյ յանեղ և յանսկիզքն սկզբնէ  
 սկզբնաւորեալք . նմանապէս կարեմք զմի  
 և եթ ասեւ բան , և այլ ամենայն բանք և  
 բանաւորութիւնք ՚ի նմանէ ունին զսկզբ-  
 բնաւորութիւն իւրեանց : Այլ որպէս ամե-  
 նայն էացեալք առանց անսկզբնական էութեան  
 և ոչ կէտ մի ժամանակի կարեն մնալ  
 ՚ի գոյութեան , սյսպէս և ամենայն բան և  
 բանաւորութիւն առանց անսկզբնական բա-  
 նի ոչ երբէք կարեն լինել բան , ըստ սարասի  
 մարմնոյ՝ որ չկարէ բնաւ կալ կենդանի ա-  
 ռանց հոգւոյ : Այլ սոյն սյս բան անսկզբ-  
 բնական է նոյն ինքն բանն Աստուծոյ , որով  
 ամենայն ինչ եղեն , ըստ այնմ , « Իսկզբանէ  
 էր բանն , և բանն էր առ Աստուած . և Աս-  
 տուած էր բանն : Աս էր իսկզբանէ առ Աս-  
 տուած : Ամենայն ինչ նովաւ եղև . և առանց  
 նորա եղև և ոչ ինչ՝ որ ինչ եղևն : Աովաւ  
 կեանք էր , և կեանքն էր լոյս մարդկան . և  
 լոյսն ՚ի խաւարի անդ լուսաւոր էր , և խա-  
 ւար նմա ոչ եղև հասու » : Խաւար կոչէ  
 աստէն զմարդն անասնաբար ՚ի մարմին գար-  
 ձեալ , յորմէ եբարձ Աստուած զոգին ասե-  
 լով . « Իարձցի հոգի իմ ՚ի գոյանէ վասն  
 լինելոյ գոյա մարմին » . վասն որոյ և զկնի

ասէ . « Յիւրսն եկն , ( իմա առ մարդիկ՝ որք  
 ունէին զինքն , այսինքն զբանն . ) և իւրքն  
 զնա ոչ ընկալան , ( այսինքն ոչ ծանեան . ) իսկ  
 որք ընկալան զնա , ( իմա՝ որք ծանեան զնա , )  
 ետ նոցա իշխանութիւն որդիս Աստուծոյ  
 լինել , որոց հաւատասցեն յանուն նորա .  
 ոյք ոչ յարենէ , և ոչ 'ի կամաց մարմնոյ , և  
 ոչ 'ի կամաց աւն , այլ Աստուծոյ ծնան .  
 Լ- Բանն Կրօնն էլէ , և Բն-իւր-ի Բէլն .  
 որով և զերծեալք 'ի խաւարէ՝ տաճար և  
 բնակարան Աստուծոյ կոչեցաք , ըստ այնմ ,  
 « Աչ գիտէք եթէ տաճար էք Աստուծոյ , և  
 հոգի Աստուծոյ բնակեալ է 'ի ձեզ » : Ար-  
 տէս և նոյն ինքն Բանն Աստուծոյ վկայեաց  
 անհաւան Հրէից՝ ասելով . « Աչ յօրէնս ձեր  
 գրեալ է . ես ասացի թէ տառուածք իցէք ,  
 իսկ եթէ զնոսա տառուածս ասէ , առ որս  
 բանն Աստուծոյ եղև , և չէ մարթ եղծանել  
 գրոյն » : և այլն : Ապա ուրեմն եթէ մի է  
 իսկական և ճշմարիտ Բանն Աստուծոյ , յորմէ  
 ընկալեալ ունիմք զոյն բան և զբանակա-  
 նութիւն , որ է սրտիկեր և ճառագայթ նո-  
 բա , որ և գոլով օթարան և բնակարան ին-  
 քեան՝ յատկացեալ և զանաղանեալ էմք յա-

1 Ա . Կրօն . Գ . 16 :

2 Յովն . Ժ . 54 :

նասուն կենդանեաց, և կոչեցեալք նմանիք Աստուծոյ և որդիք նորա, սպարտիմք մեծաւ հոգունահուծեամբ յարգել և սրաշտել զոր 'ի մեղ բանն է, որով որդիանամք Հօր Աստուծոյ, զի մի բարձցի 'ի մէնջ հոգեւոր ազդեցութիւն նորին. և կորուսեալ զպատիւ որդիութեան՝ հաւասարիցիմք անասնոց անբանից և նմանիցիմք նոցա: Քանզի Փրկչին մեր ոչ վասն այլոյ իրիք սլատառի հաւասարէ զմեղ ինքեան ասելով, թէ « Ելանեմ ես առ Հայրն իմ՝ և առ Հայր ձեր, Աստուածն իմ և Աստուած ձեր »<sup>1</sup>, եթէ ոչ վասն մասնաւոր հաղորդակցութեան մերոյ ընդ ինքեան բանին Աստուծոյ. վասն որոյ և յուսուցանելն մեղ զաղօթս՝ հրամայեաց կոչել վստահաբար զԱստուած Հայր մեր:

Արդ՝ եթէ ոչ ըստ արժանեոյն և ըստ պարտաւորութեան մերում սրաշտիցեմք ըգբանն, և եթէ անձնիշխանական կամօք մերովք զերկրաւ յածեցուցանիցեմք զնա յառասպելս և 'ի դատարկաբանութիւնս ծախելով, սպարտաւոր դտանիմք տալ համարս յաւուրն դատաստանի՝ ըստ վճռոյ Փրկչին մերոյ: Վասն որոյ և սրբազան առաքեալն Պօղոս հրամայէ, թէ « Ելենայն բան տգեղ

1 Յով. 1. 17:

'ի բերանոյ ձերմէ մի ելանիցէ »<sup>1</sup> : Քանզի  
 բանիւն զոր 'ի մեզ ունիմք՝ պարտիմք միշտ  
 յիշել զանունն Աստուծոյ յամենայն շնչա-  
 ռութեան մերում հոգւով և մտօք, յաղօթս  
 և 'ի փառաբանութիւնս շարժել, և 'ի դա-  
 տարկաբանութենէ 'ի բաց խորշեցուցանել :  
 Այ և յառանին իսկ կենցաղալարութեան  
 մերում պարտիմք բանս բարիս և օգտակարս  
 ցանկ 'ի մէջ բերել, որ իցէ 'ի շահ ընկերին  
 և մեզ գլխովին : Խրատել զմանկունս, ու-  
 սուցանել տգիտաց, մխիթարել զսգաւորս,  
 սփոփել զվշտացեալս, յուսադրել զլքեալս,  
 հաստատել զգայթագղեալս և շինել զմիտս  
 երկմտելոցն 'ի հաւատս : Ս'ի բամբասել եր-  
 բէք, մի վիրաւորել զսիրտ ընկերին, այլ շա-  
 հել մանաւանդ բանիւ զընկերն՝ որ առա-  
 ւել քան զմեծամեծ զոհս ընդունելի է Աս-  
 տուծոյ, և ըստ Աւետարանին՝ մինչև մա-  
 սուցեալ զպատարագն կանխել 'ի հաշտու-  
 թիւն ընդ ընկերին : Յարմարագոյն այսմիկ  
 'ի մէջ բերէ և ոմն 'ի բանաստեղծիցն պար-  
 սից՝ ասելով .

Շահեաց զսիրտ քո ընկերին՝ որ ուխտ մեծ է,  
 Քան զհազար ուխտատեղիս՝ սիրտ մի մեծ է .  
 Ձի վայրք ուխտիցն 'ի մարդկանէ են կառուցեալ,  
 Իսկ սիրտն ինքեան տեառն Աստուծոյ տուն կազմեցեալ :

Հուսկ ապա պատմել զխառս Աստուծոյ, և քարոզել զօրէնս նորա, և այնպէս ստանալ այնու զարդարութիւն և ազատիլ ՚ի դատապարտութենէ, ապա թէ ոչ՝ նոյն ինքն բանն որ ՚ի մեզ՝ ամբաստան կացցէ զմէնջ, որով կամ արդարացուք և կամ դատապարտեսցուք ըստ բանի Փրկչին, թէ « Ի բանից քոց արդարացիս, և ՚ի բանից քոց պարտաւորեսցիս »<sup>1</sup> :

Գիտել պարտ է նա և, որպէս և ասացաք յերկրորդում մասին, թէ զոր օրինակ մարմինն աճէ, սնանի, զարգանայ և յարբուես հասանէ մարմնական կերակրովք, և գործէ զգործս պատկանեալս մարդոյ ՚ի չափ հասակի ժամանելոյ, այսպէս և հոգին՝ սընանի, աճէ, զարգանայ և ՚ի կատարելութիւն հասանէ հոգեկան կերակրովք, այսինքն բանիւն Աստուծոյ, որ է իսկական կերակուր և կեանք հոգւոյ, որով զօրացեալ ստանայ զներգործութիւն նորին, և գործէ զարմանալիս ըստ Աստուծոյ :

Չանասցուք ուրեմն և մեք սնուցանել, աճեցուցանել և ՚ի կատարելութիւն հասուցանել աստուածային բանիւ՝ զբանն զոր ՚ի



մեզ ունիմք ըստ վկայութեան Փրկչին, թէ  
 « Առ որս բանն Աստուծոյ եղև » . և այնու  
 կարողանալ գործել զգործս Աստուծոյ նման  
 սրբոց և ընտրելոց արանց, որք հեռուելով  
 Բանին Աստուծոյ՝ այնչափ մեծամեծս գոր-  
 ծեցին սքանչելիս բանիւ լոկով: Առաջինն 'ի  
 նոսա էր Ենովք, որ անդադար յիշելով զու-  
 նունն Աստուծոյ՝ փոխեցաւ կենդանւոյն մար-  
 մնով յերկինս: Այս արդարն 'ի բանս իւր՝  
 ընտրեցաւ 'ի փրկել զազգ մարդկան 'ի ջրա-  
 հեղձ պատուհասէն, և ընկալաւ զուխտ հաչ-  
 տութեան ընդ Աստուծոյ: Աբրահամ հիւր-  
 ընկալեալ զԱստուած՝ հայր հաւատոյ ան-  
 ուանեցաւ: Իսահակ պատարագ հաճոյ ե-  
 ղեալ Աստուծոյ՝ առիթ օրհնութեան ազգաց  
 եղև: Յակոբ՝ Իսրայէլ այսինքն սիրելի Աս-  
 տուծոյ կոչեցաւ. ըստ այնմ, « Օ Յակոբ  
 սիրեցի և զԵսաւ ատեցի »<sup>1</sup>: Յովսէփ 'ի  
 գերութենէն Իսմայէլացւոց՝ յիշխանութիւն  
 Եգիպտացւոց բարձրացաւ: Սոլսէս ընդ Աս-  
 տուծոյ խօսեցեալ՝ զանբաւ սքանչելիս գոր-  
 ծելով փրկիչ Իսրայէլացւոց կոչեցաւ: Յե-  
 սու զընթացս երկնային շրջանին արդեւ, և  
 զՅորդանան պատառելով՝ զերկիրն աւետեաց



մառանգեաց՝ Վաւիթ օրհնաբանու թեամբն  
 զԱստուած միով պարսաբարիւ զյազթան-  
 դամ սկսյն յերկիր տապալեաց: Այլիս զերկին  
 և զերկիր կապեաց, և արգելեալ զանշ անձ-  
 րեոյն՝ զերկիրն ստերջացոյց. միով բանիւ  
 հուր յերկնից իջոյց, և ՚ի վերջէ հրեղէն կա-  
 ոօք ՚ի վեր ամբարձաւ. (որոյ ՚ի նմանու թիւն  
 յորդորէ զմեզ սրբազան առաքեալն Քրիս-  
 տոսի): Այլիսէ իբր ընդ ցամաք անցանէր ընդ  
 հունն Յորդանանու, և զմեռեալս յարու-  
 ցանէր բանիւ, և երբեմն ևս ոսկերօք իւ-  
 բովք: Արեք մանկուհիքն զհուր հնոցին ցօ-  
 ղով բանի օրհնութեան իւրեանց ՚ի վարդա-  
 բան փոխարկեցին: Վանիէլ զբերան առիւ-  
 ծուցն փակէր, որում և հրեշտակ ՚ի սպաս  
 ճաշու մտեալ, զԱմբակումայ վարսիցն ու-  
 նելով՝ յերուսաղէմէ ՚ի Բաբելոնն առաջի  
 բերանոյ դբոյն կացուցանէր: Ասայիսս հրե-  
 գետասան աստիճանաւ զարեգակնն ընդ կը-  
 բուկն դարձուցանէր: Յովնան ՚ի խորոց ծո-  
 վու և ՚ի փորոյ կիտին արտաքս ելեալ յետ  
 երից աւուրց քարոզէր ՚ի Նինուէ: Աւ ա-  
 մենայն մարդարէք զհանգերձեալն իբրև  
 զներկայս անվրէպ սպասմէին Հոգւովն Աս-  
 տուծոյ:

Թողից ասել և վասն Փրկչին և Աստու-

ծոյն մերոյ , որ նա ինքն էր Բանն Աստուած  
 որով երկինք և երկիր և որ 'ի նոսա գոյա-  
 ցեալ հաստատեցան : Իսկ և առաքեալք սաւ-  
 տէին դիւաց և հալածէին . ձեռս 'ի վերայ  
 դնէին հիւանդաց և բժշկէին . և ձեռնա-  
 դրութեամբ իւրեանց զհոգի սուրբ բաշ-  
 խէին : Ինչպէս իւրեանց զկազմ և զանդա-  
 մալոյժս գնացուցանէին . զկոյրս լուսաւորէին  
 և զբորոտս սրբէին : Չայնէին ըստ օրինակի  
 վարդապետին իւրեանց , Տալիթա՛ կու՛մի , և  
 զմեռեալս 'ի վեր յարուցանէին : Այլ ինքեանք  
 'ի խայթաւածոց իժից և 'ի մահացու գեղոց  
 անվնաս զերծանէին . 'ի լեզուս պէսպէսս խօ-  
 սելով մարգարէանային , և զայլ անթիւ նը-  
 շանս աստուածայինս գործէին : Ամանապէս  
 և այլ բազմաթիւ անձինք սրբացեալք և աս-  
 տուածացեալք , ըստ սրբոյն Նարեկացոյ ,  
 զանբաւ հրաշս գործէին բանիւ և աղօթիւք  
 իւրեանց յիշելով զանուն Բանին Աստուծոյ ,  
 որ ըստ օրինակի հոգւոյ բնակեալ է 'ի բա-  
 նի մարդոյ . որք և աներկբայ հաւատով ըզ-  
 սրատկերացեալ բան իւրեանց ընդ խկական  
 բանին միաւորեալ՝ զնորին ազդեցութիւն և  
 զներգործութիւն 'ի բանս իւրեանց տպա-  
 ւորէին : Այլ զանսուտ խոստումն Բանին՝  
 « թէ որ հաւատոյն յիս , զգործս զոր ևս

գործեմ, մեծամեծս ևս քան զնոյնս գործես-  
ցէ՝ և թէ՛ « Ար որ ասիցէ լերինս այսմիկ՝  
բարձիր և անկիր ՚ի ծով, եղիցի նմա՞ »<sup>1</sup> . որ և  
նշանս հաւատացելոց աւանդեաց զոսա ՚ի  
համբառնալ իւրում յերկինս՞ : Օ այստիկ և  
զայլ ամենայն զորութիւնս բանին ակն յան-  
դիման գործեալ լուսաւորեցին զաշխարհ,  
փառաւորելով զանուն բանին Աստուծոյ :  
Յորոց միոյն երեքասանիցս անգամ յառ-  
նելն ՚ի մեռելոց, ( որոց ճշմարտութեան վը-  
կայեն ընդհանուր ազգք և ազինք . ) բաւա-  
կան վիպութիւն է վերոյ գրեցցս՝ ՚ի հաւա-  
տարմացուցանել որոց ունկնախից լսելափակ  
լստ օրինակի թովչի ճարտարի ապստամբ ՚ի  
ճշմարտութենէ բանիցս կայցեն : Այլ նա իսկ  
է բաղմոջարջար նահատակն և յաղթող վը-  
կայն Քրիստոսի՝ սուրբն Գրիգորիոս լուսա-  
ւորիչն Հայաստան աշխարհիս : Արոյ անդառ-  
նալի և կենդանի աղօթիցն օժանդակու-  
թեամբ լուսաւորեալ ազգ իւր՝ եկաց մնաց  
մինչև ցայսօր ժամանակի ՚ի հաւատս ուղ-  
ղափառութեան, և կայցէ մինչև ցգալլուստ  
Փետոյին և կեղեցւոյ իւրոյ : Արին աստուա-

1 Հով. յ. 7 . 12 :      2 Սաղ. յ. 2 . 17 :

2 Սաղ. յ. 15 . 25 :

ծահաճոյ բարեխօսութեամբն մինչև ցոյսօր ոչ սք երևեցաւ յազգիս աղանդապետ և ոչ հերեւակոս, ակն ունիմք զի և ոչ խակ մինչև 'ի կատարած աշխարհիս երևեսցի : Ասեթէ սխալեցան խակ, այլ նոքա մասնաւորքս մանր էին, և փութով ոչքնչացան, և կամ 'ի զեղջ կկեալ դարձան վերստին յուզըութիւն. որպէս և վկայեն ընդհանուր պատմիչք ազգայինք և օտարազգիք : Այլ մեք բուռն հարցուք վերստին զկարգէ բանիցս :

Արդ՝ այս ամենայն սքանչելագործութիւնք զորս համառօտաբար 'ի վեր անդք գրեցաք, ոչ այլով խիք՝ բայց եթէ նախ ուղիղ և ճշմարիտ ճանաչմամբ Աստուծոյ և անձին լինին, և ապա կատարեալ հաւատով, աներկբայ յուսով, և ջերմեռանդն սիրով, որ են անխախտելի հիմունք աստուածային իմանալի տաճարի, և անստերիւր շուրիղք երկնային ժառանգութեան : Վանդի առանց այց հիմանց 'ի կամել թերահաւատին գնալ 'ի վերայ ծովու աշխարհիս, անկանի 'ի վտանգ խորասոյզ կորստեան. որոյ և յազազակելն՝ Տէր օգնեա ինձ՝ զի ահա ընկղմիմ, ոչ լսէ նմա Աստուած, բայց եթէ իբրև զՊետրոսն այն պարզամիտ իցէ և գիտակ բանին Աստուծոյ : Վանդի որ չունի

զուղիղ և զկատարեալ ծանօթութիւն բանին Աստուծոյ՝ է՛ ՚ի համարի անասնոց . իսկ անասունք գոլով անկատարք , և չունելով հաղորդակցութիւն և համակրութիւն անձամբ ընդ Աստուծոյ , ոչ երբէք կարեն լինել ճշմարիտ անօթ և օթարան Բանին Աստուծոյ : Այլ ոչ իսկ ունելով կատարեալ հաւատ , աներկբայ յոյս , և ջերմեռանդն սէր , ոչ կարեն ունել և ոչ վերատին ճնունդ . ուստի և գոլով մարմին լի՞ ոչ ինչ կարեն գործել հանգոյն սրբոց և համեմատիլ նոցա : Վասն զի անասնական կենդանութիւնն համարազդատեալ ընդ յաւիտենական հոգևոր կենդանութեան՝ ոչ ինչ զանազանի ՚ի մեռելութենէ , զի նա վայրենական է և ոչ յաւիտենական . ուստի և որք այնպէսն գնան , կենդանւոյն մեռեալք համարին . վասն որոց և ոչ զօրեն գործել զԱստուծոյ զգործս և զկենդանեաց : Բանղի Աստուած ոչ է Աստուած մեռելոց՝ այլ կենդանեաց . զի է նա իսկապէս կեանք և կենդանութիւն : Այլ արդարև մեռեալք են նորա որ ուրանան զզօրութիւն և զվարդապետութիւն Բանին Աստուծոյ , որով կեամք , շարժիմք և եմք՝ ըստ Առաքելոյն <sup>1</sup> :

1 Գործ . Ժ . 28 :

Այլա թողցուք մեռելոց թաղել զմեռեալս իւրեանց, և մեք փութացուք զհետքանին Աստուծոյ. և հաւատալով բանից նորա՝ ընծայեցուք նմա զբանս մեր օրհնութեամբ և փառաբանութեամբ և աղօթիւք, զի կարացուք լինել բաւական ընդունել զազգեցութիւն բանին Աստուծոյ. որով և միաւորեալ ընդ նմա՝ ազատացուք ՚ի համարս տալոյ, և մի գտցուք պարտաւոր ՚ի զուր վասնելով մեր զբան նորա որ բնակեալն է ՚ի մեզ, որ և նոյն Բանն աստուածային հեղցէ զչնորհս և զներգործութիւն իւր՝ ՚ի բան և ՚ի հոգի և ՚ի մարմին մերամէն:

---



« Եւ որհնեաց զնոս Ըստուած ,  
 և ասէ . ամեցէք և բազմացարուք  
 և լքէք զերկիր , և տիրեցէք զմա ո .  
 ԾՆՆԴ . Ա . 28 :

« Եթէ ոչ որ ծնցի 'ի ջրոյ և 'ի  
 հոգւոյ . ոչ կարէ մտանել յարքայ-  
 ութիւն Ըստուծոյ : Չի ծնեալն 'ի  
 մարմնոյ՝ մարմին է , և ծնեալն 'ի հո-  
 գւոյ՝ հոգի է ո . ՅՈՎՀ . Գ . 5 . 6 :

**Դ**ՄԵՆԱՅՆ մարմին ենթալուսնեայ , որոյ  
 է աճուամն և ընծիւղումն , է ենթակայ ծնըն-  
 դեան , որով և բազմանայ 'ի սեռ և 'ի տեսակ :  
 Ի այց ըստ որում յերիս թագաւորու թիւնս  
 կամ յընդհանուր սեռս բաժանին ամենայն  
 ենթալուսնեայ մարմնեղէն էակք , այսինքն  
 յերակականս , 'ի բուսականս , և 'ի կենդա-  
 նականս , վասն որոյ և յերիս զանազանին  
 ծնունդք նոցա : Օ ի այլ է ծնունդ և բակա-  
 կանաց , այլ բուսականաց , և այլ կենդանա-  
 կանաց . որք և բազում զանազանու թեամբ  
 տարորոշին 'ի միմեանց :

Երակականք ծնանին յերակս երկրի , որ  
 է արգանդ նոցա իգական . որոյ և իբր սաղ-  
 մնածին խոնաւութիւն՝ ծառայէ սեռական

սերմինն ընդհանուր մարմնեղէն ևնթալուսնեայ գոյացութեանց, որք գոյանան ՚ի սկզբնաւորեալ սկզբանց, այսինքն ՚ի բնական ծծմբոյ, ՚ի բնական սնդկէ, և ՚ի բնական աղէ, ( և ոչ ՚ի հասարակէ . ) որք ունին զըսկիզբն իւրեանց ՚ի չորից տարերաց, և են սկզբունք այլոց տարրեղէն մարմնոց . վասն որոյ և կոչեցան սկզբնաւորեալ սկզբունք, որոց և գոյացութիւն է օրինակ զայս : Հուրն բաղխելով ընդ օդոյ՝ յառաջ ածէ զբնական ծծումբն : ( ) Դն բաղխեալ ընդ ջրոյ՝ ծնանի զբնական սնդիկն . և ջուրն բաղխելով ընդ հողոյ՝ յառաջ ածէ զբնական աղն : Իսկ հողն ոչ բաղխելով ընդ ումեք՝ մնայ իբր արգանդնոցա : Քանզի ծծումբն ՚ի ձեռն օդոյ մտեալ յերկիր՝ միացեալ և եփեալ ընդ աղի՝ լինի հաստատուն ծծումբ, և ըստ ոմանց՝ շոգի : Ամանապէս և սնդիկն ՚ի ձեռն ջրոյ մտեալ ՚ի հող, միացեալ ընդ աղի և եփեալ՝ դառնայ ՚ի հաստատուն սնդիկ, որ և ըստ ոմանց կոչի՝ դոլորչի : Ալ սորա միացեալ ընդ միմեանս, և եփեալ ՚ի ձեռն կեդրոնական ջերմութեան երկրի, մակարդին և լինին մածուցիկ և իւզալի հեղուկ ինչ հիւթ մաքուր, ունելով զզօրութիւն հաստատուն ծծմբոյ՝ սնդկի և աղի . և կոչին ՚ի փիլիսո-

փայլից՝ ընդ հանուր սերմն , և կամ ծծմբա-  
ղանդկեաց զօրութիւն : Արոյ 'ի հանդիպիլ  
յերակս հողոյ իւրոքանչիւր յատուկ սերման  
երակականաց կամ բուսականաց , ( զորս 'ի  
ստեղծանել Աստուծոյ սարգևեաց նոցա յա-  
տուկ սերմ ըստ սեռի և ըստ տեսակի իւ-  
րեանց ) , գոյափոխի 'ի նոսա . իբրու թէ յա-  
տուկ սերմնն իցէ ինչ խմոր , որոյ խմորեալ  
զզանգուածն՝ գոյափոխէ յինքեան զբոլորն 'ի  
ձեռն կենդանական զօրութեան զոր ունի 'ի  
բնուստ : Արդ՝ այս սերմն ընդ հանուր՝ զբրդ-  
մամբ կեդրոնական ջերմութեան՝ յանցանել  
իւր ընդ երակային արգանդ հողոյ , որում  
սերման և հանդիպիցի՝ զնոյն կերպարան ըն-  
դունի , և գոյացեալ 'ի նոսա՝ ծնանի և յա-  
ռաջ ածէ զմետաղական սեռս ըստ յարմա-  
րութեան և ընդունակութեան կամ զօրու-  
թեան արգանդիցն :

Այսպէս գոյանան 'ի մէջ երակաց հո-  
ղոյ ընդ հանուր հանքային մարմինք , թէ հա-  
սարակ ծծմբոյ իցէ , թէ հասարակ սնդկի ,  
և թէ հասարակ աղի . և կամ ադամանդից ,  
ականց պատուականաց և ամենայն տեսակ  
քարանց և զանազան աղից , սպաղէղից , զա-  
ռեկաց , մագնիսի և այլոց բազմաց : Ամա-  
նապէս և ամենայն հրահալելիք , որոյ զա-

նազանութիւն, կամ ցածութիւն և բարձրութիւն աստիճանաց որսլիսութեան նոցա պատճառի 'ի մաքրութենէ և յանմաքրութենէ, 'ի ջերմութենէ և 'ի ցրտութենէ, 'ի գիջութենէ և 'ի չորութենէ, կամ 'ի խառնուածոց երակային արդանդից, ըստ աեղւոյն և ըստ զանազան զօրութեան և ներգործութեան նոցա, զորոց մի ըստ միջէ աստէն ճառել ոչ 'ի դէպ վարկանիմ, քանզի կէտ մտաց իմոց յայլ իմն ածել զքեզ 'ի նրսպատակ փութայ, 'ի կրթութիւն անձինդ, և ոչ յայտոսիկ 'ի զուր դեգերել. նա զի՛ եթէ կամիցիս, հնար է քեզ 'ի գրոց բնասոց իմաստասիրացն ուսանել, որք ընդարձակապէս ունին գրեալ:

Օ՛նուեդ բուսականաց լինի այլադդ, որք յայանագոյնս և ս տեսանին քան զերակականացն: Արական զօրութիւն նոցին են հատք կամ սերմանք իւրեանց, որոց անկեալ յերկիր, որ է իդական արդանդ նոցա, սը նանին հիւթով ընդհանուր սերման, որ 'ի ձեռն ջրոց տարածեալ գասնի ընդ ամենայն մասունս հողոյ, զոր և ծծելով կենդանական զօրութեամբ իւրեանց, աճեն և բողբոջեն. և 'ի վեր բարձրացեալ յերկրէ՝ առնուեն նա և յօդոյ զհարկաւոր պէտան և օգնութեամբ

կենդանական ներքին ջերմութեան և արտաքին ջերմութեամբ արեգական հասանեն ՚ի կատարելութիւն ըստ սեռի և ըստ տեսակի իւրեանց :

Իսկ կենդանականացն ճնունդ մեծապէս զանաղանի ՚ի սոցունց , և է յաղգս աղգս եղանակաց : Բանդի իւրաքանչիւր կենդանական տեսակք ըստ սեռի և ըստ տեսակի իւրեանց ունին յատուկ և սեփական արգանդ , ուր ըստ կարգադրութեան բնութեան արկեալ արուաց զսերմ իւրեանց , և արգանդքն միաւորեալ զնոյն ընկալեալ սերմին ընդ յատուկ և տեսակական սերմանց իւրեանց՝ ամփոփեն զնոսա յինքեանս , և սընուցեալ ընդհանրական սերմամբ՝ զոր ունին յարգանդի իւրեանց ընկալեալ ՚ի ձեռն կերակրոց և բնակեցաց , աճեցուցանեն և պահպանեն բնականաբար մինչև ժամանելնոցա ՚ի կատարելութիւն տեսակին , և ապա ըստ ներգործութեան բնութեանն ճնանին ՚ի ժամանակին : Եւ այսպէս բազմացուցանեն զտեսակ իւրեանց այլ և այլ ճննդակաւնութեամբ : Բանդի այլ է եղանակ ճննդեան ջրային կենդանեաց , և այլ օդականաց , այլ սողնոց և մթեղաց , և այլ շորքոտանեաց և երկոտանեաց , և ամենեքին սորա կոչին ճը-

նուէղ և օրհնութիւն Աստուծոյ , ըստ այնքմ , “ Աճեցէք և բազմացարուք և լցէք զերկիր ” :

Սակայն գիտելի է զի ճնուէղք մետազականաց և բուսականաց լինին պատահմամբ և ՚ի ձեռն շարժման բնութեան . իսկ ճնուէղք կենդանեաց՝ ՚ի շարժմանէ արեան , և ըստ մեծի մասին ՚ի կամաց , և այս առաւելլապէս բանականաց է . վասն զի անբանք բնականաբար վառեալ ՚ի ջերմութենէ արեան ՚ի ժամանակի իմիք և ՚ի ցանկական շարժմանց , արշաւեն ՚ի վերայ իգաց առ ՚ի շիջուցանել զբոբբոքեալ հուր ցանկութեան իւրեանց , ոչ ինչ փայթ ունելով զխորտանէ սերմանն , որ ՚ի բազմացուցանել և եթ ըզտեսակ իւրեանց պարզեցաւ Աստուծոյ , վասն որոյ ՚ի պատահիլ իւրեանց ՚ի բոբբոք ցանկութեան պահուն այլատեռ իգի , յարմար անդամոցն գտեալ՝ անխարաբար մերձեալ խառնակին : Այց մարդն ոչ շաղաշարի երբէք ընդ այլատեսակ կենդանիս , և ոչ վայրապար և յանպատահ տեղիս զսերմն իւր արկանէ , ըստ երկուց որդւոցն Յուդայի որ ընդ Թամարայ , որք և պատժեցան Աստուծոյ <sup>1</sup> . այլ կամօք և գիտաւորութեամբ

1 Օ՞ննդ . 1Ը . 8 :



բաղմացուցանելոյ զտեսակ իւր՝ որոնէ յարմար և սպառչաճագոյն արգանդ իւրոյ տեսակի մեծաւ զգուշութեամբ, այսինքն խընդրելով ինքեան կին ըստ սպասկանելոյ իւրում աստիճանի. և ոչ ըստ օրինակի որդւոցն Աստուծոյ, որք մտնեալ 'ի դեղեցիութիւն դըստերաց մարդկան՝ (այսինքն մարմին եղելոց) առին ինքեանց կանայս անտի. ըստ այնմ,  
 «Տեսեալ որդւոցն Աստուծոյ զգտերան մարդկան զի դեղեցիկ էին, առին իւրեանց կանայս յամենեցունց զոր ընտրեցին »<sup>1</sup>: Աբբ և կորուսին զորդիութիւն Աստուծոյ և բղհոգին, վասն որոյ և ասաց Աստուած. «Մի մնասցէ սգի իմ 'ի մարդկանդ յայդմիկ վասն լինելոյ դոցա մարմին ». ուստի և արժանի եղէն ջրահեղձոց կորստեան: Այլ խնդրէ առնուլ կին 'ի դստերացն Աստուծոյ, այսինքն զի իցէ դիտուն, համեստասուն, հեղ, խոնարհ, սղջախոհ, և առաքինի. ընդ որում և ըստ աստուածային հրամանին արդար օրինօք մերձաւորեալ զուգակցի 'ի սպտեհ ժամանակի, և յարուցեալ զաւակ ընդունի զօրհնութիւնն Աստուծոյ, որ շնորհեցաւ ինքեան 'ի ստեղծման իւրում՝ յասել Տեսուն.

« Լ՛ճեցէք և բազմացարուք և լցէք զերկիր ,  
 և տիրեցէք դմա » : Վանդի այս է օրհնու-  
 թիւն Աստուծոյ , որպէս յայտ է իմաստուն  
 մտաց , և արդարութեան սրբաւ և իսկ այ-  
 լաբանօրէն՝ ծառ գիտութեան բարւոյ և  
 չարի զօրէն կերակրոյ , որ տայ կեանս ծնըն-  
 դեամբ , և մեռուցանէ անկարգ գործածու-  
 թեամբ , ըստ օրինակի կերակրոյ՝ որ է սրբ-  
 գեւ ողորմութեան և ծառ գիտութեան բա-  
 րւոյ և չարի , իմա առիթ մահուան և կե-  
 նաց , որպէս և ասացաւ յերկրորդում մա-  
 սին : Վիտէ ևս , եթէ սա է պատուական և  
 ամբողջ մասն անձին իւրում , թէ և իցէ փոք-  
 րագոյն քանակաւ . վասն որոյ և արդարու-  
 թեամբ ածէ ՚ի գործ , և ոչ ինչ մեղանչէ ,  
 այլ մանաւանդ եթէ գործէ զարդարու-  
 թիւն , որպէս և սրբազան առաքեալն Պօղոս  
 վկայէ . « Պատուական է ամուսնութիւն , և  
 սուրբ անկողինք »<sup>1</sup> : Լը առաւել ևս յայտ-  
 նելով զպատուականութիւն սորա՝ ասէ .  
 « Խորհուրդս այս մեծ է , բայց ես ասեմ  
 ՚ի Քրիստոս և յեկեղեցի »<sup>2</sup> : Վանդի որպէս  
 Քրիստոս եկեղեցեաւն ծնանի զորդիս ար-  
 քայութեան ըստ հոգւոյ , նմանապէս և ա-

1 Լիբրոյ . ԺԳ . 4 :      2 Լիբրոյ . Ե . 32 :

մուսինք ծնանին զպատկերս և զնմանիս Աստուծոյ ըստ բնութեան . և զի՛ սրբա նախ ծնանին ըստ մարմնոյ՝ մարմնով, և ապա Քրիստոս ծնանի ըստ հոգւոյ՝ հոգւով :

Ահ կուրութեան մտրբելոց , որք զխորհուրդս զայս , որ է առաջին և գլխաւոր հիմն և կեդրոն եօթանց սեանց Թեոփիլոսի և առ նրն Աստուծոյ , կամին բառնալ ՚ի միջոյ առ ոչ ինչ համարելով : Վայց չգիտեն զոր խօսինն և ոչ իսկ կարեն նկատել , եթէ բարձմամբ խորհրդոյս՝ ՚ի հիմանց տապալեալ կործանի բարոյական շինուած կարգադրութեան կենաց մարդկային տեսակի : Վանզի ՚ի բառնիլ սուրբ և օրինաւոր ամուսնութեան , ո՞ որ այնուհետև կարիցէ ճանաչել զորդիս իւր , և ո՞ կրթեալ զարգացուցանիցէ ՚ի չափ հասակի սրտանեկութեանն : Այնրն . այն սարտաւորութիւն մարց է սնուցանել և զարգացուցանել զորդիս իւրեանց . որոյ վասն և արարան և կեան վասն օրդէծնութեան . բայց և ինքեանք սղորմելք են և կարօք բնդունելոյ զանունդ յարանց իւրեանց : Ա՞ զնոսա կրթէր յիմաստս և յիմացականութեան . քանզի մարց ս՛չ է տուեալ զսոյն , ըստ որում ինքեանք իսկ սկստս ունին հրահանգելոյ յուսման և յօրէնս տեառն , նա զի

և առանին զբաղանք և մարմնաւոր հոգք մանկանց չտան թող և 'ի հոգեւորն զնոսա մարզել: Աւ բազումք ևս 'ի մարց առ չկուրուսանել զհանգիստ իւրեանց՝ և 'ի կարեւոր պարտիսն իսկ իւրեանց թերանան, 'ի ծընանել մանկանն յանձնելով 'ի ձեռս սարնտուաց զխեցուցանել զնա անհարազատ կաթամբ, որով և զհարազատութիւն զաւակացն կորուսանեն. ինքեանք զհետ լինին փափկակեցութեան, զարդուց և զբոսանաց, ոչ ինչ հոգալով զզաւակացն. որով առ ոտն հարկանի պատիւ ամուսնութեանն և հարազատութիւն սերնդոցն. նուազի օր ըստ օրէ աստուածպաշտութիւն և հոգեւորացն փոյթք, և դառնան մարդիկ կրկին 'ի մարմին ըստ օրինակի որդւոցն մարդկան որ յառաջքան զժրհէղեղն, զորս և յանդիմանէ Փրկիչն մեր: Իսկ եթէ իսպառ բառնային օրէնք ամուսնութեան, ուր այնուհետև սէր, և գութ ճնողական, ազգականութիւն, ցեղակարգութիւն, բարեկամութիւն, ժողովուրդ, ազգ և պետութիւնք, տէրութիւնք և թագաւորութիւնք: Այս ապաքէն լինելին ամենեքին վայրենիք և գողանք ամենիք և դիշատիչք զմիմեանս: Աւր մնային իրաւունք արդարութեան և դատաստանի, վարժք ի-

մաստուծեան և մակացուծիւնք արուեստից, գիտուծեանց, և պատմուծիւնք դարուց և ազգաց: Արուեստական հնարագիտուծիւնք և քաղաքական հանդէսք և քաղցրը վայելչուծիւնք, յորս զուարճացեալ մարդոյ զըօսնու և վայելէ յերջանկուծեան բնկերակցուծեամբ ընտանեացն և բարեկամաց: Վանաւանդ յորժամ ակօսանէ զհամեստ և զառաքինի կին իւր որպէս սյգի վայելուչ յանկիւնս տան իւրոյ, և զորդիան որպէս զնորատունկս ձիթենուոյ շուրջ զսեղանովն, քանի՛ քաղցր բերկրուծեամբ ոչ զբարձանայ սիրա իւր: Ալ երանի առն՝ որում է վիճակեալ երջանկուծի այս օրինակ կնոջ աղնուոյ, զոր կրէ իբրև պսակ ՚ի գլուխ իւր, և սիրով կապակցեալ կան հանդերձ երկիւղիւն Աստուծոյ, յորս հանգչի օրհնուծիւնն աստուածային, որ լծորդեալ զայր և զկին ՚ի մի մարմին խորհրդաւոր, պսակէ զնոսա քաղցրուծեամբ և բարեսերունդ զաւակօք:

Իսկ եթէ չէր այս խորհուրդ սուրբ ա մուսնուծեան, մարդիկ վատթար քան զանասունս լինէին: Վասն որոյ և Աստուած նախ քան զամենայն զսոյն անձառելի խորհուրդ հաստատեաց՝ արու և էգ առնելով զնոսա, և հրամայեաց առն թողուլ զհայր



և զմայր և երթալ զհետ կնոջ իւրոյ, և լի նել երկրքին 'ի մարմին մի. և կնոջ պատուիւրեաց ասելով. « Առ այր քո գարձ քո ու որպէս զի հաւատեցի եթէ ոչ և ս են երկու՝ այլ մի մարմին. զի 'ի միաւորութենէ երկուցունցն գոյանոյ նորածին անհատն : Արդ՝ մեր խոյս տուեալ յերկարաբանութենէ, և թողեալ զնոսա որք անարգենն զամուսնութիւն՝ 'ի մարմնութեան իւրեանց, դարձցուք 'ի բնաբան մեր, թէ մարդն արդարութեամբ և զգուշութեամբ վարի 'ի պաշտօնս յայս :

Այլ արդ ասիցես ինձ նրդեակ, թէ ո՞ր գտանիցի այժմ հայր՝ այդպիսի մարդիկ, զորս 'ի զուր աշխատիս ցուցանել : Այն, հաղիւուրեմն արդեօք գտանիցի. այլ ես խօսիմ՝ զմարդոյ՝ որ է հայելի Ատուծոյ, և Ատուած 'ի նմա պայծառափայլի. և ոչ զմարդոյ անասնացելոյ, որ թէպէտ 'ի սրահերի մարդոյ շրջի, բայց բաւով բարուցն ոչ որոշի յանասնոց : Քանզի մարդն անասնացեալ ոչ զԱտուած ճանաչէ և ոչ զանձն իւր և ոչ զզօրութիւն սերման իւրոյ, վասն որոյ և վայրասպար վասնէ զնոյն յանպատեհս, անարգելով զօրհնութիւնն Ատուծոյ :

Իսկ այր կատարեալ պարտի ճանաչել



զսոյն և գիտել եթէ է ամբողջական, կենդանի, սրատուական և նուրբ մասն բովանդականձին իւրոյ, շարժեալ յերևակայութենէ հոգւոյն և ՚ի բոլոր մեքենայէ մարմնոյն: Ասացաւ՝ ամբողջական և կենդանի մասն. ամբողջ՝ զի ամբողջապէս յառաջ բերէ զանհատըն օգնականութեամբ իւրոյ օգնականի. քանզի երկոցունց սերմն ՚ի մի համաթուի, որք ըստ երևութին թէպէտ երկու ցուցանին արտաքուստ, բայց ըստ բնութեան գուրով մասն միմեանց՝ ՚ի ներքուստ ոչ են երկու, այլ մի՝ ըստ բանիցն Աստուծոյ: Այնդանի, զոր ոչ որ կարէ ժխտել. զի ո՛ր երբէք ետես ՚ի խարշեալ ցորենոյ բուսանել հասկ, կամ ՚ի ձուոյ եփելոյ ծնանել ձագուց:

Ասացաւ և սրատուական. քանզի սերմն ամենայն իրաց ոչ այլ ինչ է՝ եթէ ոչ ծուծն բոլոր անհատին ջերմութեամբ և գիջութեամբ կապեալ. որ և ըստ ոմանց ասի օրսառուցեալ, ոչ ցրտութեամբ և չորութեամբ, այլ չափակչիւ ջերմութեամբ և գիջութեամբ: Ըստ որում ջերմութիւն և գիջութիւն ըստ վճռոյ բնական իմաստասիրաց՝ սրատուական զկենդանութիւն, որպէս է արիւնն. իսկ ցրտութիւն և չորութիւն սրատուական զմահ:

Արդ՝ սերմն ամենայն էակաց գոլով բնականաբար ջերմ և գիճին, է առ իժ և անօթ կենդանութեան. և զի չիք ինչ պատուականագոյն քան զկենդանութիւն, սպաս պատուականագոյն է և անօթն որ բնականաբար կրէ յինքեան զպատուականագոյնն : Ուստի և առ այս միտ ստէ սրբազան առաքեալն Պօղոս. « Ամօթոյքն մեր առուել և սպարկեչտութիւն ունին »<sup>1</sup> : Ամանապէս և Աբրահամ վասն Իսահակայ ՚ի վերայ երանաց իւրոց երգմնեցուցանէր զԷղիազար, առ ՚ի ցուցանել զնորին պատուականութիւն :

Ասացաւ և ս՝ եթէ է նուրբ մասն. քանզի սերմն կենդանեաց է ՚ի նուրբ և ՚ի մաքուր արեանէ նոցա գոյացեալ. նախ ՚ի սպունգս քներակաց, և սպա այլայլեալ և եփեալ յամօրձիս նոցա, դառնայ ՚ի սերմն, և զարտաքին կարմրութիւն արեանն ՚ի ներքս ամփոփեալ, ներքին սպիտակութիւնն անդրաչրջի արտաքս : Իսկ յետոյ կրկին փախ և եփի յարգանդի իգին, որոյ սերմանն բնութիւն գոլով առաւելագոյն մասամբ հով և գիճին, ունի զօրութիւն սաղմնական իւրով խոնաւութեամբ փոեցուցանելոյ զսերմն ա-

1 Ա. Կորն. ԺԲ. 25 :

բական, որ գոլով առաւելագոյն մասամբ ջերմ և չոր՝ փափ 'ի նմին հանգոյն սերման որձի 'ի մէջ ձուոյ . և կրկին սպիտակութիւն իւր 'ի ներքս ամփոփեալ զնախկին կարմրութիւն առաւել ազդու ներգործութեամբ արտադրէ արտաքս : Ուստի և 'ի փիլիսոփայից կռչեցաւ՝ կարմիր ծծումբ բնական, և յանդրաշրջին՝ սպիտակ անդիկ բնական . որում և բազում գովութիւնս ընծայեն յայս աստիճան հասեալ սերման, որոյ և 'ի լինելն կատարեալ՝ կոչի Մարդն փիլիսոփայից :

Արդ՝ եթէ անգիտացեալ ումբ զայս ամենայն ոչ շարժիցի յայսմիկ արդարութեամբ և ըստ աստուածադիր օրինաց, վընաս անձին իւրում գործէ : Ասխ՝ կարճէ զկեանս իւր, որպէս 'ի վեր անդր ասացաւ՝ եթէ հանգոյն կերակրոյ առթէ և սա զմահ մինչ անկարգաբար 'ի գործ ածի, քանզի արկարացուցեալ և 'ի սէսսպէս ցաւս վարակեալ և ապականեալ զարիւնն՝ պատճառէ զմահ կանուխ . վասն որոյ և սրբազան առաքեալն Պօղոս ասէ . « Որ պռնկի՝ յիւր մարմինն մեղանչէ »<sup>1</sup> : Արկրորդ՝ աղտեղէ զանձն իւր և զհոգի՝ անձնամատն լեալ 'ի սէր և 'ի հեշ-

տուժիւն մարմնոյն վախաշուտ տուփանօք , և խոչընդոտն լինի անձին սլանալ 'ի բարձր աստիճան կատարելութեան , և մնալ մաքուր յաշխարհային աղտից . վասն որոյ և ոչ կարէ ընդ հոգւոյն կասկեցեալ միաւորիլ յԱստուած ամենամաքուր : Քանզի մաքրութիւն և աղտեղութիւն հակակիբբ միմեանց դուրով , ոչ երբէք կարեն միաւորիլ : Աւստի վըճուէ առաքեալն ասելով . « Աչ սրունիկք . . . ոչ շունք . . . զարքայութիւնն Աստուծոյ ոչ ժառանգեն »<sup>1</sup> . վասն զի դուրով սղծեալք և աղտեղեալք օտար սիրով՝ մերժին 'ի սիրոյ աստուածային գերազանց մաքրութեան . զի որ ինչ աշխարհի և մարմնոյ է՝ թնամութիւն է առ Աստուած<sup>2</sup> : Արոյ գեղ և սպեղանի առողջարար ոչ այլ ինչ՝ եթէ ոչ զղջումն , աւսղախարութիւն և դառնահոսան ջերմ արտասուք աչաց , որովք և շնորհիւ և օժանդակութեամբ մարմնոյ և արեան Փրկչին մերոյ ընդունիմք զմաքրութիւն հոգւոց մերոց . քանզի 'ի քաւութիւն և 'ի թողութիւն մեղաց հաւատացելոց բաշխի և ոչ անհաւաստից :

Այլբաղաջուցանեմք սպա , եթէ մեծա

1 Ա . կրկն . 2 . 9 :

2 Յակ . 7 . 4 :

պէս զգուշութեամբ պարտ է մարդոյ ՚ի դործարկանել զոյն, որպէս և արժանն է մարդկային տեսակի իւրում, և ոչ վարիլ անասնաբար, զի մի փոխանակեսցէ զօրհնութիւնն Աստուծոյ ընդ անիծից : Քանզի յօրհնելն Աստուծոյ զմարդ՝ աճումն և բազմացումն պարգևեաց նմա, իսկ յանիծանելն՝ զմահ և զսպականութիւն սպառնացաւ : Արդ՝ որ ունի ականջս լսելոյ՝ լուիցէ զոր ինչ ըստ բաւականին զմարմնական ծննդենէ խօսեցայ, արդ զհոգևորէն ասասցուք :

Այ է բաւական մարդոյ առ ՚ի մտանել յարքայութիւն՝ միայն մարմնական ծնունդն, որ լինի ՚ի գիջութենէ և ՚ի ջերմութենէ սերման ըստ ընթացից բնութեան, որպէս վերագոյնդ ասացաւ, քանզի մարմին է տակաւին՝ և ըստ մարմնոյ և եթ ծնեալ, այլ պարտ է նա և վերստին ծնանիլ ՚ի հոգւոյ, և լինել հոգի, զի կարող լիցի մերձենալ և միաւորիլ ընդ Աստուծոյ՝ որ է զուտ հոգի, վասն զի մարմինն յայնժամ միջոցաւ անձին միանայ ընդ հոգւոյն, և անձն ՚ի ձեռն հոգւոյ միաւորի ընդ Աստուծոյ՝ նուրբ և ոգեղէն մարմնովն առեցելով : Վասն որոյ և Փրկիչն մեր վարդապետեաց Նիկողիմոսի յասելն . « Եթէ ոչ որ ծնցի վերստին, ոչ կարէ տե-



սանել զարքայութիւն Աստուծոյ ։ Որոյ ոչ կարելով խելամուտ լինել զօրութեան բանին՝ կրկնեաց մեկնելով զբանն . « Եթէ ոչ որ ծնցի 'ի ջրոյ և 'ի հոգւոյ , ոչ կարէ մտանել յարքայութիւն Աստուծոյ ։ Օ՛ր ծնեալն 'ի մարմնոյ՝ մարմին է , և ծնեալն 'ի հոգւոյ՝ հոգի է ։ Այսինքն , եթէ ոչ ծնցի նախ 'ի ջրոյ մարմնոյ , իմա 'ի սերմանէ , և ընկալեալ զհոգին բանական կամ զոստակն մարդկային՝ ոչ լիցի մարդ , և ապա 'ի հոգւոյն ծննդեամբ՝ զհոգին Աստուծոյ ընկալեալ ոչ լինիցի հոգի , ոչ կարէ մտանել յարքայութիւն Աստուծոյ ։ Եւ առ 'ի քաջ և ս յայտնել նմա զճնունդն հոգևոր՝ վճռեաց ասելով . « Ամէն ամէն առ սեմքեզ , եթէ ոչ որ ծնցի վերստին 'ի հոգւոյ , ( առանց յիշելոյ աստէն զ'ի ջրոյ ծնունդն , ) ոչ կարէ տեսանել զարքայութիւն Աստուծոյ ։ »

Իսկ այս ծնունդ հոգևոր՝ զոր ընկալաք 'ի սուրբ Աւագանէն , ոչ այլով իւրիք ազդէ 'ի մեզ զներգործութիւն իւր՝ եթէ ոչ յաւելլով 'ի նմա զկատարեալ և զաներկբոյ հաւատ . որպէս խնդրէին առաքեալքն ասելով յՏէր . « Յաւել մեզ հաւատս ։ »<sup>1</sup> ։ Քանզի

1 'Իշի . յ . է . Ծ :



հաւասան է միայն սլատճառ վերստին ծնընդեանս այսմիկ . ըստ այնմ, « Որոյց հաւատասցեն յանուն նորա . ոյք ոչ յարենէ և ոչ ՚ի կամոց մարմնոյ, և ոչ ՚ի կամոց առն, այլ յԱստուծոյ ծնան : Եւ բանն մարմին եղև, և բնակեցաւ ՚ի մեզ » :

Ըստ ուրեմն սրդեակ իմ, յուշի կապեա զքան Տեառն՝ որ ասէ . « Օառայ որ գիտիցէ զկամս տեառն իւրոյ, և ոչ սլատրաստեսցի ըստ կամոց նորա, արբցէ գան բազում »<sup>1</sup> : Ըրդ՝ հաւաստեալ գիտելով մեր զկամս Տեառն մերոյ, որ կամի զի ունիցիմք զկեանս յաւիտենական, ըստ այնմ . « Ոչ կամիմ զմահամբարչտին, որպէս զգառնալ նորա ՚ի չար ճանապարհէ իւրմէ և կեալ »<sup>2</sup>, և թէ . « Ես եկի զի զկեանս ունիցին, և առաւել ևս ունիցին »<sup>3</sup>, և այլուր . « Կամիմ զի ուր եսն իցեմ, և դուք անդ իցէք . . . զի ես կենդանի եմ, և դուք կենդանի լինելոց էք »<sup>4</sup>. և այլն :

Ուրեմն ջանասցուք ամենայն յօժարու թեամբ սրտից և կամոց մերոց զհետ երթալ հրամանի կամոց Արարչին մերոյ և հեղինակին բնութեանս, որպէս զի վերստին

1 Եւր. 47 : 3 Յով. 10 :

2 Եւր. 11 : 4 Յով. 3. 19 :

ճննդեամբ ստացուք ըստ հոգւոյ զկեանս  
 յաւիտենականս, որ լինի ճանաչելով զԱս-  
 տուած և զորդին նորա Յիսուս Քրիստոս,  
 ըստ այնմ. « Եւս են յաւիտենական կեանք,  
 զի ծանիցեն զբեղ միայն ճշմարիտ Աստուած,  
 և զոր առաքեցեր զՅիսուս Քրիստոս »<sup>1</sup>: Եւ  
 յետ ճննդեան պարտիմք սնուցանել և զար-  
 գացուցանել զնորածին հոգիացեալ տղայ  
 անձն մեր բանիւն Աստուծոյ և առաքինա-  
 կան գործովք, զի ժամանեցէ ՚ի չափ հա-  
 սակի կատարելութեան իւրոյ: Եւ և պար-  
 տիմք հրաժարիլ յաշխարհային պատրող վայ-  
 ելութեանց և ՚ի սնտօի փառացն զիւրեղ-  
 ծական՝ յազթելով չարահնար նիւթից փոր-  
 ձողին, որ դրդէ զմեզ քարանցն ՚ի հաց փո-  
 խարկելով՝ հակիլ ՚ի հեշտալից կամս մար-  
 մնոյ. ՚ի վայր հոսմամբ ՚ի բարձուէ աշտա-  
 բակին՝ փորձել զԱստուած ՚ի հաւատս, այս-  
 ինքն երկմտիլ և դայթակղիլ: Եւ ցուցանե-  
 լով ՚ի բարձրաբերձ լեռնէ մեծամոտութեան  
 զփառս և զփարթամութիւնս աշխարհիս,  
 յորդորէ զմեզ հեռանալ ՚ի սիրոյն Աստուծոյ  
 և զնա ինքն պաշտել: Պանայ և ս հանգոյն  
 սերման հատից սերմանահանին արկանել

զմեզ յապառածի՛ ՚ի ճանապարհի և ՚ի փը-  
շտլից երկրի, և անպտուղ առնել: Իսկ մեր  
դիմամարտելով փորձողին հնարից յարձակ-  
մանցն ՚ի մեզ՝ անկցուք յերկիր բարի և սա-  
բարա և լիցուք պտղաբեր, սյսինքն զմայ-  
լեալ սիրովն Աստուծոյ և ՚ի բովանդակ կեա-  
նըս մեր խնդրելով միայն զարքայութիւնն  
Աստուծոյ: Ա, և աղօթիւք և օրհնութեամբ  
և երգովք հոգևորօք անդադար փառաւո-  
րելով զանուն ամենասուրբ Երրորդութեան  
և միոյ Աստուածութեան, յարատեւեցուք  
՚ի դործս բարեաց և առաքինութեան, և մի՛  
յետս դառնալով փոխարկիցիմք յարձան ա-  
զի բատ օրինակի կնոջն Ղովտոյ: Ա: զի մի  
կատարեցցի ՚ի մեզ բանն այն, թէ՛ « Ալ աւ էր  
նոցա թէ բնու չէր իսկ ծանուցեալ զար-  
դարութեանն ճանապարհ, քան թէ ծա-  
նեան՝ և՛ յետս կացին »<sup>1</sup>:

Քանզի՛ որպէս ասացաւ ՚ի վերոյ, իս-  
կական և ուղիղ ճանաչմամբն Աստուծոյ և  
բանի նորա՝ ծնանիմք վերստին յորդիս լու-  
սոյ. իսկ անձանօթ կալով՝ մնամք ՚ի խաւարի  
տգիտութեան զրկեալք ՚ի լուսոյ բանին ճըշ-  
մարտութեան, որում ոչ լինելով հասու՝ հա-

ւաստրիմք անասնոց անբանից, և նմանիմք նոցա : Այլ եթէ ծանուցեալ և յետս կասիցիմք, արժանի լինիմք ըմպելոյ գան բաղում, և ոչ ևս կարեմք անմեղադիր զմեզ կացուցանել. և նոյն ինքն բանն Աստուծոյ կշտամբեացէ զմեզ 'ի դատել իւրում՝ ասելով. « Իմ եթէ չէր և կեալ և խօսեցեալ ընդ ձեզ, մեզ ինչ ոչ գոյր ձեզ »<sup>1</sup> : Վանզի նա է դատաւոր և նա դատեսցէ զմեզ, ըստ այնմ. « Այլ եթէ հայր դատի զոք, այլ զամենայն դատաստանն ետ որդւոյ իւրոյ : . . . Այլ իշխանութիւն ետ նմա դատաստան առնել. և զի որդի մարդոյ է, ընդ այն զի՞ զարմանայք »<sup>2</sup> : Այլ մեծի և խորհրդաւոր բանիցս, որ յաւէտ լուծեամբ քան եթէ բանից յաճախութեամբ պաշտեալ ճանաչի, առ որ և մեզ զլուծութիւն խոստովանելով՝ ազաչեսցուք և եթ ազատ կացուցանել զմեզ 'ի գանից և 'ի նախատանաց, և գթացեալ ողորմեսցի արեամբ իւրով գնեալ ծառայիցս. ամէն :

1 Յով. Ժ. Ե. 22 : 2 Յով. Ե. 22. 27 :

« Եւ էարկ տէր Աստուած թրմ-  
բութիւնն ՚ի վերայ Ազանայ » .

ԾՆՆԴ . Բ . 21 .

« Արթուռն կացեք՝ զի ոչ գիտեք  
էրբ տէր տանն գայցե՝ » . ՄԱՐԿ .  
ԺԳ . 35 .

ՔՈՒՆՆ գոլով թմբբութիւնն իմն բը-  
նական՝ ընդհանուր մարմնաւոր կենդանեաց ,  
յառաջ եկեալ ըստ մեծի մասին ՚ի շողեաց  
և ՚ի գոլորշեացն կերակրոց և ըմպելեաց , է  
կատարեալ հանգիստ բոլոր անդամոց և հըն-  
գեցունց զգոյարանաց ՚ի տունջենական և  
յարթնական աշխատութեանց : Ըստ որում  
հարկաւոր է ամենայն կենդանեաց յարթ-  
նութեան իւրեանց շարունակ վաստակելով  
բովանդակ անդամոց և հնգեցունց զգոյա-  
րանաց՝ պարապիլ ՚ի գործս և ՚ի հարկաւոր  
պիտոյս իւրեանց , որոց բնականաբար կարօ-  
տին : Այլ այս մանաւանդ բանականացս է ,  
որք ոչ միայն մարմնով և զգոյարանօք աշ-  
խատին , այլ և մտօք և իմոցականութեամբ .  
վասն որոյ և առաւել վաստակարեկ լբանին  
քան զմիւս կենդանիս : Յոյր սակս և ամե-  
նախնամն Աստուած՝ որ անհունն իմաստու-



Թեամբ իւրով ոչ ինչ թերուծիւն եթող ՚ի բնուծեան արարածոց իւրոց ՚ի ստեղծանելն զնոսա, պարզեաց նոցա թմբբուծիւն իմն քնոց, որով դադարեալ հանգիստ առնուցուն ՚ի վաստակաբեկաշխատանաց մարմնոյն, և զօրացեալ կազդուրեալ վերստին՝ յարիցեն արթունք և զուարթունք և պատրաստք ՚ի շարունակել զհանապազօրեայ գործ զբաղանաց իւրեանց ՚ի դարման և ՚ի սնունդ կենաց և ՚ի կառավարուծիւն անձանց: Ա՛սն որոյ և քունն այնչափ հարկաւոր է ընդհանուր մարմնական կենդանեաց, մինչ ոչ ումեք շարժուն կենդանուոյ կեալ առանց այնորիկ: Քանզի եթէ՛ մարդիկ և եթէ՛ անասունք, եթէ՛ թռչունք և եթէ՛ ձկունք և սողունք հաւասարապէս պէտս ունին քնոց ըստ պահանջման բնուծեանն, առանց որոյ անկարելի է կեալ ումեք: Ա՛յլ ընդհանրապէս ամենայն կենդանիք ՚ի ննջել և ՚ի թմբբել զգոյարանացն՝ համարին իբրև զմեռեալս, զի ոչ ևս տեսանեն և լսեն և զգան զոր ինչ միանգամ պատահի ՚ի վերայ երկրի: Ա՛յլ եթէ՛ զուրկ ՚ի շնչառութենէ ևս լինէին, չկարէր որ զանազանել զ՚ի քուն մտեալսն ՚ի մեռելոց անախ: Սակայն երևակերպութիւնք զգոյարանացն անասնոց, որք տպաւորին յանձինս



նոցա յարթմնի , տան նոցա զգալ և տեսա-  
նել տեսիլս երազոց , այսպէս և մարդոյ :

Ի այց ՚ի մարդու մն է ուրեք երբէք և  
՚ի խորհրդոցն պատահել . որոյ յարթնու-  
թեանն սատեղ եկեալ զմիով իւրք խորհր-  
դով , տպաւորի ընդ միտս իւր պատկեր  
նորին , և ՚ի ննջելն զնոյն յերազի տեսանէ :  
Իսկ և բազմիցս ևս այսպիսի տեսիլք յառաջ  
գան ՚ի գործըջեացն կերակրոց և ոգեզէն բմ-  
պելեաց , որք ներգործին յարիւն մարդկան  
և այլայլէն զնոյն : Այսն որոյ երազէն երբե-  
մըն երկիւղալիս և մերթ ցնորս խառնափըն-  
գորս և աննշանս , կամ հեշտականս ըստ սա-  
տիճանի և ըստ հակման զգացմանց և խակ-  
մանց իւրեանց , որք և կոչին՝ ցնորք խօլա-  
կանք : Այլ այս ամենայն ըստ մասին հասա-  
բակ է ամենայն կենդանեաց , և ըստ մասին  
յատուկ միայն մարդոյ : Այլ ՚ի սոյն թմբբու-  
թենէ զգոյտարանաց և մարմնոյն յայնժամ  
ընդոտակալ զարթնու՝ յորժամ բաւականա-  
պէս ճաշակէ զհանգիստ քնոյն անձն վաս-  
տակեալ . կամ յորժամ խեթկիլցեն զնա ար-  
տաբուստ , և կամ ՚ի ընկինջ ձայն բարձրա-  
գոջ և դղրդիւն խառնածայն , որով թէ և  
ըստ բաւականին շիցեն հանդուցեալ ան-  
դամքն աշխատակիր , այլ անդէն ընդոտ

ի քնոյն լեալ զարթչի ՚ի վեր :

Արդ՝ պարտ է մարդոյ և ՚ի սմին զանազանիլ յանբան կենդանեաց վասն մեծի աղնուութեան և յատկութեան իւրոյ, և քաղել անտի օգտակար խորհրդածութիւնս անձին բազմադիմիս : Վանզի ոչ է մարդն ընկ կենդանի զգայական որսէս զայլ անխօսուն կենդանիս, այլ ունի և հոգի աղնուագոյն և իմացական . և կամ ըստ ասից հակառակորդաց՝ ունի առաւել յարմարութիւն և ընդունակութիւն ազգման հոգւոյն՝ որ յինքեան . վասն որոյ և ՚ի ննջել իւրում և ՚ի քուն լինել՝ պարտի զանազանիլ ՚ի նոցունց : Վասն զի միւս ամենայն կենդանեաց՝ բաց ՚ի հանգստութենէ ոչ ինչ օգտէ նոցա այլ որք թէ և երազեն, այլ երազք նոցին ցնորք են և երեւակայութիւնք զգայարանաց : Իսկ մարդոյն ոչ ըստ օրինակի անասնոց առ ՚ի հանգիստ և եթ աշխատաւոր բնութեան պարգեւեցաւ քունն : Աւստի թէպէտ և հաւասարապէս շնորհեաց Աստուած ամենայն կենդանեաց զնինջ և զթմբութիւն, բայց ոչ ինչ զնոցունց խօսի աստուածային գիրն, զի ոչ ինչ կարեն զգալ խորհուրդս և ազգմունս իմացականս : Իսկ մարդն ընդունակ է ամենայն խորհրդոց ՚ի պատճառս աղնուու-

Թեան և յատկու թեան իւրոյ , որպէս յայտ է 'ի սուրբ գրոց . « Այլ արի , ասէ , ատէր Աստուած Թմբրու թիւն 'ի վերայ Ադամայ , և ննջեաց , և առ մի 'ի կողից նորա՝ և ելից ընդ այնր մարմին , և շինեաց զկողն զոր առ յԱդամայ 'ի կին , (այն է կեանս .) և ամ զնա առ Ադամ : Տէս զպատուականու թիւն խորհրդոյս և զքանչեւ ծնունդ՝ որ 'ի քնոյն մարդոյ : Այլ զինչ արդեօք խորհուրդս իցէ : Արկրորդն Ադամ՝ մարդն նոր 'ի Թմբրիլ և 'ի ննջել իւրում 'ի վերայ խաչին , շինեաց զհօգևորն զԵւա 'ի կողէ իւրմէ , որ և 'ի զարթնուին յարու թեամբն 'ի Թմբրու թեանէ մեռեալ բնութեանս , ետ նմա ճշմարիտ կեանքս , և զամենայն որդիս նորն Եւայի կոչեաց իւր եղբարս և անդամս :

Այլ մեզ յետագայ որդւոցս Ադամայ տլազգ ևս շնորհեաց սարգև , յոր վայելեմք 'ի Ժամ ննջման մերում : Քանզի 'ի փակիլ դրանց արտաքին զգայարանաց մերոց՝ բանին դրունք ներքին զգայութեանց անձին , այսինքն իմացականութեան . և տեսանեմք բընականաբար և գերբնականօրէն զհօգևոր և զմարմնաւոր օգուտ մեր , նա և որ ինչ առ յապոյն լինելոց են : Օր օրինակ , նահապետն Յակոբ ետես զսանդուղսն կանդ-

նեալ յերկրէ յերկինս՝ յօրինակ խաչին Քրիս-  
 տոսի, ընդ որ հրեշտակք իջանէին և մարդիկ  
 ելանէին. և ընկալաւ այսու միտիթարու թիւն՝  
 եթէ ճանապարհ կենացն յաւիտենականի չէ՛-  
 իսպառ փակեալ : Յովսէփ որդի նորա տե-  
 սանելով զարեգակն և զլուսին մետաստն առ-  
 տեղօք անկեալ յերկրագագու թիւն ինքեան,  
 ոչ յուսահատեցաւ երբէք ՚ի վաճառիլ իւ-  
 բում Խամայէլացւոց և Եգիպտացւոց : Եւ  
 առեալ զմեկնու թիւն երազոցն ներքինեաց,  
 զերծաւ ՚ի բանտէ և կոչեցաւ Երկրորդ Փա-  
 րաւոնի, և եղև իշխան Եգիպտացւոց. և  
 համբարօք մթերից ցորենոյն կերակրեալ  
 ապրեցոյց զամենայն երկիրն Եգիպտացւոց և  
 Քանանացւոց յեօթնամեայ սովէն ըստ մեկ-  
 նելոյն իւրոյ զերազսն Փարաւոնի : Թողում  
 ասել և զերազսն զոր երազեցին Մուրթբէ,  
 Նաբուքոդոնոսոր, Դանիէլ, Եղբաս, Աժգա-  
 հակ, Աիւրոս, և այլք բազումք՝ զոր ընթեռ-  
 նումք ՚ի գիրս արտաքնոց վիպասանից : Աոյն  
 պէս և զսեսիլ երազոյ աստուածահօրն Յով-  
 սէփայ, որով ծանեաւ զ՚ի Հոգւոյն սրբոյ  
 յլու թիւն ամենասուրբ Կուսին, և առնուլ  
 հրաման ՚ի հրեշտակէն երթալ յԵգիպտոս,  
 և դառնալ կրկին հանգերձ Յիսուսիւ և  
 մարբն նորա :

Են և այլ բաղում տեսիլք մարդարեից , որք զմարդեղութիւն բանին և կամ զայլ և այլ իրս աստուայս տեսլեամբք երազոց ծանուցին , զորս մի ըստ միովէ գրել՝ ոչ միտք իմ զօրէ և ոչ կար զօրութեան իմոյ բաւական լինի : Օչայս ինչ միայն ՚ի վերայ ամեալ եղբակացուցանեմք , եթէ անչտի և անթիւ երազք զանազանք զորս տեսեալ եմք անձամբք և լուեալ յանհամար մարդկանէ , որք ըստ մեծի մասին իսկութեամբ և կամ ըստ նշանակութեան իւրեանց անթերի կատարեցան և ելին ՚ի գլուխ , բաւական վկայութեամբ զստուգութիւն վերոյ գրելոցս կարեն հաւատեալ : Վասն որոյ՝ ՚ի մի բան ասացից , թէ սա է յատուկ խորհուրդ , և մեծագոյն պարզ և Ատուծոյ զոր բնականաբար և գերբնականօրէն շնորհեաց մարդկային ազգի . և խոստացաւ ևս գերբնականօրէն շնորհել զնոյն իւրայնոյ՝ մինչև ցկատարած աշխարհի , ըստ բանի Յովելեայ որ ասէ . « Եւ եղիցի յետ այսորիկ՝ հեղից յոգւոյ իմմէ ՚ի վերայ ամենայն մարմնոյ . և մարդարեացիին ուստերք ձեր , և դստերք ձեր . և ձերք ձեր երազովք երազեսցին , և երխտասարդք ձեր տեսիլս տեսցեն »<sup>1</sup> :

1 Յովէլ . Բ . 28 :



Արդ՝ պարտ է ուրեմն մարդոյ ոչ երազովք անասնականօք, իմա՝ երեակայութեամբ մարմնական զգայարանաց, և կամ շողեօք և գոլորշեօք կերակրոցն և ըմպելեաց երազանսալ, այլ ազդեցութեամբ հոգւոյն՝ որ բնակի յինքեան. որոյ իմանալի զգայարանացն այնչափ հսկուն և զգուշաւոր պարտին լինել, զի ՚ի փակիլ արտաքին բզգայարանաց մարմնոյն՝ ներքին զգայարանքն ոգւոյն արթուն և պատրաստ լիցին առ ՚ի նախատեսել զլինելոցսն, զորս ոչ բնաւ խնայէ Աստուած ցուցանել պատկերաց և նմանեաց իւրոց մարդկան, և կամի զնոսա ըստ հեղինակի բնութեան իւրեանց գիտուն լինել և նախագիտակ: Այլ այս ոչ այլով իւրիք լինի՝ եթէ ոչ ՚ի յարթնութեան զգայարանացն՝ յօրհնութիւնս և ՚ի փառատրութիւնս աստուածայինս պարապեցուցեալ զնոսին, և ՚ի խոկմունս և ՚ի մեծամեծ սքանչելիս տեսուն զօրութեանց, և ազօթից ըստէպ կալով: Այլ և պարտ է պարկեշտ և չափաւոր լինել ՚ի կերակուրս և յըմպելիս, զի մի գոլորշիք նոցին ազմկեսցեն զնուրբ իւմոցականութիւն մտաց. ապա թէ ոչ՝ փոխանակ տեսեանց և մարդկօրէն երազոց՝ զնորս խօլականս, արհաւիրս, և անասնային



երազս երազեացենն , և ոչ ինչ օգտիցին 'ի քունեզն , զի անասնաբար ննջեն և ոչ որպէս վայելէ մարդոյ բանականի :

Ի այ յայսմանէ սլարտ է մարդոյ ճանաչել թէ զինչ իցէ խորհուրդ քնոյն : Բանզի Աստուած նախատեսութեամբ իւրով գիտելով զմարդոյն զանկումն 'ի ներքոյ մահուստունդանելով սլատուիրանին զոր ունէր տալ նմա , մինչդեռ կայր յանմահական վիճակի յաստուածատունի գրախտին , և կերակրիւր անասական սրտովք ծառոցն , որոց գոլորշիք ոչ ինչ ներգործելով կամ ծանրացուցանելով զարեանն նորին զջերմութիւն , ոչ տիրէր նմա թմբբութիւն և քուն , այլ 'ի սակզճանեզն զԵւս՝ արկ 'ի վերայ նորա թմբբութիւն քնոյ առ 'ի ծանուցանել ըզխորհուրդ մահուան և զյորութեան : Այս սրն որոյ և զինի արտաքսելոյ 'ի գրախտէն 'ի սլատճառս սպականաբար կերակրոցն , բնաւորեցաւ նմա իբրև զայլ կենդանիս՝ հանասպազոր ճաշակել զքուն զինի օրական վաստակոցն 'ի մթազնել աւուրն . և 'ի ծագել լուսաբեր արփուոյն՝ յառնել 'ի քնոյն , զի մի յուսահատեցի զվերստին նորոգութեան իւրմէ 'ի կեանս և 'ի վառս նախնի վայելչութեան և երջանկութեան գրախտին կո

բուսելոյ : Քանզի առեալ Աստուծոյ զմի ՚ի կողից նորա և շինեալ այնու զԵւա որ անւանի կեանս , յուսադրեաց զնա՝ եթէ որպէս զմի մասն մարմնոյն առեալ և փափուկ մարմնով լցուցեալ՝ յարոյց ինքեան ոմն նմանի զպատկերակիցն իւր զԵւա : այսպէս եզիցի նմա օրինակ , զի ՚ի ննջել իւր զթմբութիւն մահու , առեալ զնուրբ մասն մարմնոյն՝ այսինքն զհոգին , և լցուցեալ զնոյն անապական փափկութեամբ՝ յարուսցէ ՚ի կեանս անվախճան զոր կորոյս :

Իսկ նորն Ագամ յարուցանելով ՚ի կողէն իւրմէ զհոգեւորն Եւա՝ զեկեղեցին սուրբ , եցոյց հաւատացելոյ իւրոյ , եթէ ոչ ՚ի նախկին եղեմական փառս , այլ յերկնային յանձառ և յանպատում փառս աստուածային յարուցից զձեզ :

Այլ արդարեւ խորհուրդ մահուան և յարութեան , նա և փառաց և տանջանաց և ամենայն որ ինչ հանդերձելոյ կենացն է , յայտնապէս տեսանի ՚ի խորհուրդ քնոյն : Քանզի արտաբուստ մեռօրէն անկեալ դնի որ ննջէն , և ՚ի ներբուստ իբրև զկենդանի տեսանէ , և նշանակէ , եթէ մարմինն թէպէտ մեռանի , այլ հոգին մնայ անմահ և կենդանի : Այս և զոր ինչ երևակայէ որ և

խողոյ յարթնութեան, եթէ զհոգևոր և եթէ զմարմնաւոր իրաց, զնոյն տեսանէ յերազի . այսինքն՝ զոր ինչ հաւատոյ որ ՚ի կեանս աստ, նովին կերպարանի ՚ի հանդերձեայն : Այլ և եթէ յանդորր կոյցէ, տեսանէ զուրախալիս, իսկ եթէ վրդովեալ զահուելիս և զխօլականս, որ նշանակէ զարդարն և զմեղաւորն, որք ըստ խղճի մտաց իւրեանց գատին : Այլ եթէ զգատ և պարկեշտ իցէ ՚ի կերակուրս և յըմպելիս, զկարեւորաց և զըզգուշալեաց երազէ . իսկ եթէ զեղխեալ որ իցէ և արբշիւ, ՚ի ջերմութենէ անախ շոգեաց ցնորս տեսանէ : Առաջինն նշանակէ զմարդն զգատացեալ ՚ի հոգևոր կերակուրս և յըմպելիս, որ զԱստուած և զամենայն վայելչութիւնս արարածոց ՚ի նոյն պայծառ հայելւոջ դէմ յանդիման տեսանէ . իսկ երկրորդն անասնացեալ և ՚ի վայրաքարշ ախլմն մեղաց թաւալեալ, որ ՚ի հանդերձելումն ըզգարչելի կերպարան իւր տեսանէ :

Ի մի բան, յոր վիճակ և գտանիցի որ յարթնութեանն, ՚ի քուն լինելն զնորին վերաբերեալսն և զյարմարաւորսն երազէ : Այսպէս զոր ինչ վիճակ ունէր որ ՚ի կենդանու թեան եթէ բարի և եթէ չար, զվարուցասեմ և զգործոց, զնոյն վիճակ ընկալցի և

'ի հանդերձելումն : Այլ զինչ այլ քան զայս  
 սոսիկ կարեմք դտանել մեզ անսուտ օրինակ  
 և խորհուրդ կատարեալ վասն հանդերձելոյ  
 կենաց՝ ճշմարտութեան և յարութեան մե-  
 ռելոյ . որ բացայայտ ծանուցանէ զամենե-  
 ցուն վիճակացն զսրպիսութիւն, մինչ զի և  
 զանանսօրէն կենաց նոցին զհանգամանս ան-  
 դահական երազովքն յայանէ նոցին 'ի զգա-  
 տութիւն, որոց 'ի զարթնուլն չկարեն իսկ  
 ամել զմտաւ զոր տեսինն և իմանալ զոր նը-  
 շանակէն, որով ցուցանի եթէ զկնի մահ-  
 ւան չկարեն ինչ զգալ բնաւ : Ասկ որ ինչ 'ի  
 մարդկային երազոցն յիշին յարթնութեան,  
 եթէ հաճելիս և եթէ անհաճոյս, ցուցանէ  
 եթէ յետ աստի կենաց ըստ չափու սէսպէս  
 գործողութեանց՝ կամ փառս և կամ տան-  
 ջանս զգայցեն, և ամենայն գործք մարդկան  
 եկեցցեն 'ի յիշատակութիւն : Հուսկ ուրեմն  
 երեսին եզանակս զարթնոյ 'ի քնոյ տեսա-  
 նեմք 'ի մարդիկ, յորոց է մեզ իմաստասի-  
 բել հոգեշահ խորհուրդս : Ախն՝ անձամբ  
 անձին յառնել 'ի քնոյն յետ ճաշակելոյ ան-  
 դամոցն զհանգիստ գիշերոյն, երկրորդ՝ յառ-  
 նել խթանօք այլոց . երրորդ՝ զարթնուլ գը-  
 զըգմամբ գոռ ձայնի գոչելոյ : Այլ սորա երե-  
 քին ցուցանեն զերիս եզանակս յարութեան .

նախ՝ հանգստեամբ . զի արդարք արթունք և պատրաստք դողով միշտ 'ի հանգստեան իւրեանց, սպասեն գալստեան երկնաւոր Փեսային ըստ իմաստուն հուսանաց : Արկրորդ՝ խրթմամբ , այսինքն ձայնիւ , որպէս Քրիստոս յարուցանէր ասելով . « Ազգարէ՛ , արի եկ արտայրս » — « Տալեթա հու մի » : Ասմ փշմամբ , որպէս մարգարէքն Եղիա <sup>1</sup> , և Եղիաէ <sup>2</sup> : Արորդ՝ գղրդմամբ , որպէս մեղաւորքն՝ որք թէ և չիցեն հանգուցեալ 'ի խոր քուն , այլ գըղըրդմամբ ձայնիւ փողոյ հրեշտակապետին յարիցեն ակամայ 'ի դատաստան : Աւ որ ունի ականջս ըսելոյ՝ լուիցէ : Աւ դու բաւական համարեսջիր սրգեակ իմ , զգուղնաքեայ բանըս իմ՝ զոր խոստացայ քեզ համառօտեալ :

Ապա ուրեմն պարտ է մարդոյ 'ի ննջել իւրում արթուն լինել միանգամայն , ըստ այնմ . « Աս ննջեմ և սիրտ իմ արթուն կայ » <sup>3</sup> : Ասան որոյ և Փրկիչն մեր պատուիրէ ասելով . « Արթուն կայէք՝ զի ոչ գիտէք երբ ատեն գայցէ » : Բայց սոյն այս արթնութիւնն ոչ է մարմնաւոր զգայարանաց՝ այլ հոգևորաց , որով պարտ է մարդկան արթուն լինել

1 Գ . թԿ . ԺԵ . 22 : 3 ԱրԳ . Ե . 2 :

2 Դ . թԿ . Դ . 54 :



'ի հոգեկանն առաքինութիւնս, 'ի բարեգործութիւնս, յորհնութիւնս և 'ի փառաբանութիւնս, սղասելով գալստեան տանուտեառքն 'ի կոչել 'ի հարսանիսն իւր: Արոյ եկեալ եթէ գտանիցէ զնոսա արթունս և սլատրաստս ըստ օրինակի իմաստուն կուսանաց վառեալ լսպտերօք հնգեցունց զգայարանացն հոգեկանաց, մուծեալ 'ի յառագատ իւր և փակեցէ զգուռն: Եւ ապա 'ի գալ հնգից յիմար կուսանաց, որք զհետ լեալ մարմնոյն զգայարանաց և ննջելով գբունն հեշտութեան և զաշխարհային զբաղանաց, անհոգ ամենեին զյաւիտենական կենաց, մնան շիջեալ լսպտերօք յաստուածային գիտութենէ և 'ի բարեգործութենէ, գտանեն զգրունս առագատին փակեալ: Արոյ 'ի բաղխելն լուիցեն զձայն փեսային, թէ սչ գիտեմ զձեզ, զի դուք ոչ գիտացէք զիս, 'ի բաց կացէք յինէն ամենեքեան որ գործէք զանօրէնութիւն, յորմէ ինքն Փրկիչն փրկեալ ազատեցէ զմեզ. ամէն:

---



\* Ա՛լ մահ, որպէս զի դառն է  
 յիշատակ քո ո. ՍԻՐ. ԽԱ. 1.  
 \* Ա՛ւր է յաղթութիւն քո մահ,  
 ուր է խայթոցք քո դժոխք ո.  
 ԱՎՍԷ. ԺԳ. 14.

ՄԵՆԱՅՆ ենթալուսնեայ մարմնաւոր  
 կենդանի որ ունի զճնունդ և զաճումն, բը-  
 նականասէս ենթակայ է մահուան. և ոչ որ  
 կենդանի մարմնաւոր կարէ ազատ լինել ՚ի մա-  
 հուանէ, ըստ այնմ. « Ա՛լ է մարդ որ կեցցէ  
 և ոչ տեսցէ զմահ, կամ փրկեսցէ զանձն իւր  
 ՚ի ձեռաց դժոխոց ո՞ր, այսինքն գերեզմանի-  
 ՚Քանզի պատճառաւ աճման կարօտի կեն-  
 դանին կերակրոյ առ ՚ի սնունդ, որոյ ասպա-  
 կանացու մասունք, որպէս ասացաւ ՚ի նախ-  
 ընթաց բանս մեր, ասպականեն զարիւն կեն-  
 դանւոյն, և յասպականութենէ արեանն սկը-  
 սանի խախտիլ և քակտիլ շինուած տան մար-  
 մնոյն. ի՞նչն որոյ և որ ՚ի նմա բնակի հողին՝  
 հարկադրի խոյս տալ անտի, ուստի և յըճ-  
 ուեցաւ ՚ի բնազնին փիլիսոփայից, թէ ոչ այլ  
 ինչ է մահ՝ բայց եթէ բաժանումն հողւոյ

Ի մարմնոյ : Քանզի ՚ի բաղկացութեան իւրեանց՝ թանձրութիւն և ասպականութիւն մարմնոյն անհամեմատ և հակակիր գոլով նուրբ և մաքուր գոյացութեան հոգւոյն , ոչ կարեն ունել հաստատ և անբաժանելի միաւորութիւն : Իսկ ՚ի հանգերձեալն յարիցեն որպէս զհրեշտակս նուրբ և ոգեղէն մարմնով , ընդ որում սերտ միաւորեալ հոգւոյն՝ ոչ ևս բաժանեցին ՚ի միմեանց . զի նրբութիւն մարմնոյն համեմատ գոլով յայնժամ հոգւոյն՝ կացցեն անանջատելի , և ոչ մերձեցի ՚ի նոսա մահ :

Արդ՝ ՚ի բաժանել հոգւոյն , մարմինն որ երբեմն ներգործաբար կենդանի կայր , մնայ մեռեալ , այսինքն անկենդան և անշարժ և մանաւանդ անոգայ , ըստ որում կենդանութիւն , շարժականութիւն և իմացականութիւն բնաւորեալ է միայն ՚ի հոգին , որոյ ՚ի բաժանիլն կորուսանէ մարմինն զանձնական լոյս ճրագի իւրոյ , ըստ սարասի հրոյ , որոյ ՚ի շիջանիլն՝ վառեալ նիւթն կորուսանէ ըզլուսաւորութիւն իւր և մնայ խաւարեալ : Այսն որոյ և ամենայն կենդանեաց բնական է երկնչել և վախչել ՚ի մահուանէ առ ՚ի սղահել զպատուական գանձն զայն և զանհամեմատ յարկեղ սրտի իւրեանց , որ է յաւ

տուկ աթոռ կենդանութեանն . մինչ զի և որդունք իսկ զազիրք և մթեղք փանաքիք , այլ և դուզնաքեայ կենդանիք անկատարք խուսափեալ 'ի մահուանէ՝ ջանսն սլահսլանել զկեանս իւրեանց :

Քանզի ամենայն ազգք կենդանեաց գոհ են ընդ տեսակ իւրեանց և ընդ վիճակ , և ոչ նախանձելով բնաւ գերադունին՝ ցանկան միշտ և ըղձանան կեալ ըստ սահանջելոյ տեսակի իւրեանց : Այլ իւրաքանչիւր բաւականացեալ չափաւոր կացութեամբ տեսակի իւրոյ՝ հաւանի մնալ 'ի նոյնութեան վիճակի յորում ստեղծաւ . քանզի զորպիսութիւն տեսակի իւրեանց միայն կարեն զգալ և ոչ զայլոցն , փասն որոյ և շատանան մնալ նովիմք , միայն զի անկորուստ զկեանս ունիցին : Այլ զսոյն երկիւղ մահու կրեն առ հասարակ ամենայն ջրային՝ օդային և երկրաւոր կենդանիք :

Իսկ հանքային և բուսական գոյացութիւնք ոչ երբէք . քանզի թէպէտ և սորա ենթակայ են մահու ապականութեան , ըստ որում ունին զճնունդ և զաճումն , բայց որպէս ճնունդ սոցա ոչ է 'ի կամաց՝ այլ սլատահմամբ , նոյնպէս և սլատահմամբ մահ նոցա . ըստ այնմ , « Յամենայն կատարածի տեսի

զվախճանո՞ւ<sup>1</sup> : Իսկ բուսականք կերպիւ իւրք  
 զգալով զկենդանութիւն իւրեանց , ունին  
 նաև զմահ բնական : Բայց և սոքա ըստ մեծի  
 մասին պատահմամբ մեռանին , որպէս և ըզ-  
 քացումն նոցին տկար՝ կարի սակաւ է : Իսկ  
 կենդանիք որք համակ զգայունք են , մեծա-  
 պէս երկնչին , և ունին զմահ բնական և պա-  
 տահական : Սակայն որպէս զանազան են ծը-  
 նունդք երկց գլխաւոր սեռից , այսինքն մե-  
 տաղականաց , բուսականաց և կենդանակա-  
 նաց , նոյնպէս կենդանութիւն նոցա և մահ  
 զանաղանք են ՚ի միմեանց : Աս և մահուան  
 իւրաքանչիւր սեռից բաղմամբիւ են տեսա-  
 կըք , և յոյժ տարբերք ՚ի միմեանց ըստ զա-  
 նազանութեան ծննդոց և կենդանութեան  
 իւրեանց : Բանզի ՚ի հանքայինս այլ է մահ  
 քարանց աղից և անկատար մետաղաց , և այլ  
 հրահալելեաց : Այնպէս և ՚ի բուսականս է  
 տեսանել այլ և այլս : Իսկ ՚ի կենդանականս  
 այլ է մահ զեռնոց , միջատից և ամենայն ան-  
 կատար կենդանեաց , և այլ մահ կատարեալ  
 կենդանեաց : Չորոց իւրաքանչիւր առան-  
 ձինն աստէն ճառել՝ տարադէպ է յոյժ , և  
 ոչ իսկ հարկ , զի արտաքոյ է նպատակի մը-

առցս որ յայլ ինչ գիտէ : Աւտի որչափ ինչ հարկաւորն է առաջադրու թեանս՝ գրեցուք աստէն համառօտաբար , թողլով ընթերցանելեացն կամաց զխակատարն իմաստասիրել յանթիւ գրեանց հեղինակացն այլոց :

Վայց գիտելի է , զի ՚ի մէջ երկից գլխաւոր սեռականութեանց գտանին մարմինք ու մանք անզգայք , որք ըստ երևութին թէ պէտ իբր զմեռեալ ցուցանին , սակայն ըստ ինքեանց կենդանի են . որպէս ՚ի հանքայինս՝ հրահալելիք , և ՚ի բուսականս՝ հատք ընդոց և սերմանք խոտոց և կորիզք սլողոց : Այն պէս և ՚ի կենդանականս՝ ձու հաւուց՝ թըռչնոց՝ սողնոց , և այլն . որք ոչ ինչ շարժումն կենդանութիւն և զգայութիւն ցուցանեն , բայց մինչ գտանեն զսրտձառն , խկոյն ըզձածկեալն յինքեանս զկենդանութիւն ծաւալեն ՚ի դուրս : Արպէս և յայանի փորձիւտեսանի ՚ի ձուս հաւուց ՚ի թուխս նստելոց , որոց զինի միոյ աւուր ՚ի բեկանիլն գտանի կաթիլ արեան ՚ի դեղնուցս նոցին , որ է սերմն և սկիզբն կենդանութեան ձադուցն ՚ի ձուոց անտի ճնանելեաց : Վանդի այս կենդանութի զանազանաբար տեսանի յիւրաքանչիւր տեսակ ընդհանուր կենդանեաց և էակաց , մինչ զի ըստ բնախուզից՝ չիք ինչ անկենդան էակ



յաշխարհի , այլ զի գոյութիւնք են , սսեն ,  
 և ամենայն գոյութիւնք ունին իմն կենդա-  
 նութիւն , բայց յայնցանէ որք գառնան 'ի  
 մոխիր և 'ի կիր՝ յետ արտադրելոյ աղին որ  
 'ի նոսա , որոց և անուն կարգան՝ Մեռեալ  
 գլուխ , Գափոփ Մորթոս : Բանդի հուրն ունի  
 զորութիւն կենդանացուցանելոյ և մահա-  
 ցուցանելոյ . զի կենդանացուցանէ գիջու-  
 թեամբն և մահացուցանէ շորութեամբն :  
 Իսկ զորոց միանգամ 'ի ծովու գտանին , ոչ  
 իւրք եղանակաւ մարթ է ճառել երբէք .  
 քանզի այլ է ճնունդ և մահ ձկանց , և այլ  
 ժժմանց . այլ ծովային երկոտանի , քառոտանի  
 և բազմոտանի գաղանաց , և այլ ոսարէից և  
 խեցեաց : Յորոց ոմանք որսիտի են ձկունք ,  
 զինի յղանալոյ իգացն՝ հեղուն զսերմն զոր  
 ընդունին յարուաց՝ 'ի ջուր , և կրկին ար-  
 գանդ լինի նոցա աւաղն : Ոմանք իբրև ըղ-  
 ցամաքային կենդանիս ճնանին , և ոմանք  
 ձուային են , որսիտի է կրայն : Այլ սոքա ամե-  
 նեքին են արու և էգ , որոց է և այլ բազ-  
 մադիմի եղանակք ճննդեան և մահուան .  
 ոմանք այնչափ երկարակեացք են , մինչ զի  
 անմահ համարին , և մահ նոցա ըստ մեծի  
 մասին սպտահամբ լինի :

Այլ այնչափ զարմանալի տեսակք են 'ի



ծովու, ընդ որ հիացեալ ապշին միտք մարդկան: Վտանի ՚ի նոսա և տեսակ մի ձկան կուչեցեալ յունական բառիւ օհրափորփա, այն է ութոսնեայ, և ՚ի լատինս փոխադարձանեալ՝ սյոփինքն բաղմոտանի. յորոց անհեղեղ և ահագին մեծութեամբ լինին յովկիանու, մնաստկար յոյժ նաւորդաց. զի ձըգեալ զձեռս իւրեանց և կալեալ զնաւորդսն քարչեն յինքեանս և կլանեն, յորոց չիք հընար զերձանելոյ՝ բայց եթէ տասարաւ հատանելով զկալեալ մասն մարմնոյ ողորմելոցն: Իսկ ՚ի միջերկրեայ ծովու փոքր են, և յաճախ որսան ձկնորոք, այլ ոչ գիւրաւ մեռանին ըստ ինքեանց: Ալ որ առաւել զարմանալին է՝ հաւաստի ՚ի բաղմաց, եթէ ՚ի հատանիլ ըստ գիպաց միոյ մասին անգամոց մարմնոյն, գլուխն կամ ոտն, կրկին աճէ և բուսանի որպէս յառաջն: Ալ եթէ յանհամար մասունս յօշատեսցեն զնս և տրկցեն ՚ի ծով, իւրաքանչիւր մասունք նորս լինին իբր սերմն իւր, և գարձեալ աճեն ըստ տեսակի իւրեանց: Ալ մինչ որսան զնս ձկնորոք, հանեալ ՚ի ցամաք ուժգին զօրութեամբ հարկանեն ընդ վէժ անդադար հարուածովք և ապա իբրև անշնչացեալ համարին, այլ ոչ մեռեալ, որում մեծաւ զարմանալն օր ահա

նատես եղեալ եմք ըիւրիցս և տպշեալ :  
 Վասն որոյ ասեն ընտխոյզք, թէ էութիւնք  
 էակաց՝ որ սղահպանէ զնոսա յէութեան, հաւ-  
 մարի իմն նոցա կենդանութիւն, ըստ որում  
 և էութիւնն ըստ ինքեան է կեանք :

Ի այց որովհետեւ զգգայի և զշարժուն  
 կենդանեաց խօսիմք աստանօր, որք զգալով  
 զգան զմահ և գիտեն զկենդանութիւն իւ-  
 բեանց, հարկ է մեզ ասրա դառնալ կրկին ՚ի  
 կարգ բանիս : Ըրդ՝ որպէս ասացաք ՚ի վեր-  
 անդր, եթէ ընդհանուր ենթալուսնեաց մար-  
 ձնաւոր էակաց ըստ սեռի և ընդ տեսակի  
 իւրեանց զանազան են և մահ և կենդա-  
 նութիւն նոցա. սակայն մի միայն կենդանաւ-  
 կան սեռն յաւէտ երկնչի և փախչի ՚ի մա-  
 հաւանէ ՚ի պատճառս զգայութեան իւրոյ :  
 Քանզի հանքայինք և բուսականք անզգայք  
 գորով ոչ գիտեն խուսափել, իսկ կենդանաւ-  
 կանացն սեռ՝ եթէ հատարեալ իցէ և եթէ  
 անկատար, ամենայն զօրութեամբ իւրով  
 ջանայ խոյս տալ զերժանիլ ՚ի մահաւանէ. քան-  
 զի գիտէ և զգայ զպատուականութիւն իրին  
 զոր ունի կօրուսանել : Վանաւանդ տեսակն  
 մարդկան տաւաւել գիտուն և իմացական՝  
 յաւէտ քան զամենայն կենդանականն ըզ-  
 գողանի հարեալ սարսափի. մինչ զի յուշաւ

ծել իսկ զմահ իւր, անդէն զամենայն աշխարհայինս արհամարհէ, վասն որոյ աղաղակէ ասելով. «Ո՛վ մահ, սիրպէս զի դառն է յիշատակ քո » 1 :

Արդ՝ եթէ այսչափ դառն է և սարսափելի յիշատակ մահուան, ապա ուրեմն իսկապէս է ծայրագոյն չար ։ Քան, ոչ երբէք ։ Ասի՛ն՝ զի չիք ծայրագոյն չար, քանզի չարն ըստ օրինակի խաւարի՛ ոչ է ըստ ինքեան գոյութիւնն ինչ, այլ պակասութիւնն բարւոյն, նոյնպէս և մահն չէ՛ ըստ ինքեան գոյութիւնն ինչ, այլ պակասութիւնն կենդանութեան ։ Այլ իրորդ՝ թէպէտ մահն ըստ երևութին չար թուի, այլ ըստ ներքին տեսութեան է բարի, ըստ որում վճիռ և հրաման Աստուծոյ է ։ Քանզի այնչափ բարի է Աստուած, մինչև ՚ի չարեաց գիտէ բարիս ծնուցանել ։ Այլ այս զմարմնաւոր մահուանէ է իմանալ և ոչ զհոգևորէն, որ արդարև չար է յոյժ, ըստ այնմ, «Ո՛ահ մեղաւորին չար է » 1, զի ոչ է կամօք Աստուծոյ՝ այլ մարդոյն, վասն որոյ և իսկապէս մեռանի տուժելով զանձն իւր ։ Իսկ մարմինն ոչ մեռանի իսկապէս, այլ զբլի՛ն նախկին տեսակէն և ՚ի զգայութեանէ իւր

1 Ո՛ղ. ԼԳ. 20 ։

մէ՛ որ ոչ էր իւր, և ընդունի բնականաբար  
 զայլ իմն : Արբորդ՝ եթէ չէր Աստուծոյ ե-  
 դեալ ՚ի բնութեանս զմահ, զիսորդ կարէր  
 երկրագունտս այս սահմանաւոր պարունա-  
 կել զանսահման քանակութիւն կենդանեաց  
 սեռի, եթէ ՚ի սկզբանէ անտի ստեղծագոր-  
 ծութեան ամենայն կենդանիք այս օրինակ  
 աճելով և բազմանալով մնային անմահ ՚ի վե-  
 րայ երկրիս : Թուի ինձ թէ չգտանէր տեղի  
 բնակութեան այնչափ տեսակաց կենդանեաց  
 և ո՛չ քայլ մի ոտին իւրաքանչիւր, և ո՛ւր դը-  
 տանիւր երկիր դատարկ առ ՚ի սնուցանել  
 զնոսա և դարմանել : Արդարև եթէ միմիայն  
 տեսակն մնայր անմահ յարատևելով յաճու-  
 մին սերնդոցն յանհատս, բովանդակ երկիրս  
 ոչ բաւէր տանել զբազմութիւն նորին :

Այսպէս և ՚ի ծովու, եթէ ձկունք ոչ  
 կրանէին և գիշատէին զմիմեանս, ովկիանոսն  
 լայնատարած լինէր իմն գեղ շեղջաշեղջ ձը-  
 կանց՝ քան կուտակութիւն ջուրց և ալեաց :  
 Այնպէս և թռչունք յօդս անբաւութեամբ  
 բազմացեալ՝ իբրև զամսս երկնից արգել  
 լինէին ճառագայթից արևու, որպէս զբազ-  
 մութիւն նեախց առ Արտաշէսիւ : Եւ այց ան-  
 հունն իմաստութիւն Աստուծոյ այնչափ հան-  
 ճարեղ կարգադրութեամբ ունի տնօրինեալ

զորարածս , զոր բաց ՚ի յինքենէ ոչ որ այլ կարէ քննել և իմանալ . զի ինքեան միայնոյ է գիտելի և ոչ այլում ու մեք . քանզի ոչ զոր խորհրդակից ունի ինքեան : Իսկ զդուզնաքեայս զոր քննէ և իմանայ մարդ , այն սրագե է և զօրութիւն բանին իւրոյ շնորհեալ նմա յԱստուծոյ . բայց և այն ոչ այլ ինչ է՝ եթէ ոչ կայծ մի հրոյ և ազօտ իմն հայեցւած ՚ի հայելւոջ . զի զոր ինչ տեսանեմք և լսեմք և զոր առ ոտան մեր է՝ հազիւ կարեմք իմանալ , ըստ բանի իմաստնոյն , իսկ որ ինչ յերկինս է սլ քննեսցէ :

Ուրեմն ոչ վայրապար ասացաւ , եթէ մահն մարմնաւոր կենդանեաց ոչ է ըստ ինքեան չար , այլ մանաւանդ բարի : Բանզի եթէ անմահ մնային կենդանիք , որպէս ասացաք ՚ի վեր անդր , և ընուին զամենայն երկիր բազմութեամբ իւրեանց մինչև չմընալ տեղի սերմանելոյ , ուստի նոցա կերակուր և սնունդ : Եւ բաց ՚ի սմանէ զխորհմարթ էր նոցա կրել զձանրութիւն զառամացեալ հասակին և զախտալից , որ հաչէ և սպառէ զզօրութիւն մարմնոյն , մինչև որ յերիտասարդութեան յառոյգ արիւն դողացեալ ՚ի բաց փախչէին յերեսաց մահուան , ցանկանալով ցանկանան սյնմ , համարելով զնոյն



յաղդեցու թե՛նէ բնու թեանն՝ հանգիստ ան-  
ձանց ՚ի տառապանաց և ՚ի վշտաց, ասելով  
ընդ Սիրաբայ. « Եւ ազոյն է մահ քան ըզ-  
կեանս դառինս, և հանգիստ մշտնջենական՝  
քան զհիւանդու թիւն յարակայական »<sup>1</sup>: Եւ  
թէ՛ « () ր մահուան իւրոյ լաւ է քան զոր  
ծննդեան իւրոյ »<sup>2</sup>:

Արդ՝ եթէ ասիցեն. Եթէ չէր սահմա-  
նեալ մարդկան մեռանիլ, և ոչ ծերու թիւն  
պատէր զնորօք, և ոչ յախտակրու թիւնս  
ծնդէր, և հետեապէս ոչ խնդրէր զմահ: Յի-  
րաւի, և ես վկայեմ այդմ. բայց յայնժամ  
և ոչ սերունդ որդէ՛ծնու թեան լինէր, և ոչ  
զբ նորածին՝ յաջորդաբար յաշխարհ ՚ի գոյ-  
ու թիւն գայր վայելել յայս սեղան աստուա-  
ծային սարգեաց: Իսկ եթէ բովանդակ ան-  
հասար երկրագնացս՝ ՚ի սկզբանէ անտի մին-  
չև ցկատարած աշխարհիս ծնեալք և ծնա-  
նելիք՝ միանգամայն ստեղծեալք էին զառա-  
ջինն անդ, որպէս ասի զհրեշտակաց և զան-  
մահ էակաց՝ որք անդր քան զլուսինն, յայն-  
ժամ ոչ լինէին ներհակական և ասականա-  
ցու շարժմունքս, և ոչ թանծրու թիւն և  
աճումն մարմնոց, և ոչ սեռք և ատակք և

1 Սիր. Լ. 17:

Ժ. Ե. 2:



կերպաւորութիւնք ենթալուսնն այ էակաց որպէս այժմ. Այլ այլ իմն անփոփոխ և այլ լազան կերպաւորութիւնք և տեսակք լինելին, որպէս և են բազումք. որք թէպէտ աւներևոյթք և անհաօք են ՚ի մէնջ, բայց գոն իսկապէս և լի են ընդ համատարած բնութիւնս : Այլ չիք ինչ տեղի թափուր զոր ոչ ընուցու նա, իմա Աստուած, և լի են երկինք և երկիր փառօք նորա :

Իսկ կարողութիւն, իմաստութիւն և բարութիւն Աստուծոյ զայսօրինակ կերպս, զապականացու տարերս, նա և զսեռս և ըզտեսակս բազմազան էակաց կամեցաւ ստեղծագործել յայսմ աշխարհի, որպէս զի ՚ի տան զանձուն իւրոյ ամենայն ինչ կատարեալ իւրցէ : Այլ ամենայն արարածք երևելիք և աւներևոյթք ծանիցեն զանհուն կարողութիւն, իմաստութիւն և բարութիւն նորա, որում փառս մատուցանելով՝ զնա միայն սլաշտեսցեն, և զնա միայն սիրեսցեն, և զարքայութիւն նորա խնդրեսցեն. վասն որոյ և յաշխարհիս յայսմիկ սահմանեաց զմահ և վախճան ամենայն ենթալուսնեայ մարմնաւոր էակաց, մանաւանդ կենդանեաց, զի իւրաքանչիւր ըստ կարգի և ըստ սլայմանի իւրում կատարելով զընթացս՝ դարձցի անդրէն

ի վախճանական հանգիստ իւր, յորմէ առ սկիզբն ։

Ո՛վ սբանչելի իմաստութեան Աստուծոյ, ընդ որ հիացեալ արքայ մարդարէն Ղաւթիթ յարմարագոյնս և իրաւամբ ազազակէր ։  
 « Սբանչելի եղև գիտութիւնքս յինէն, զօրացաւ և ոչ հանգարտեմ նմա »<sup>1</sup> ։ Քանզի խոկալով զայս ամենայն՝ հիանայր և յապշու-  
 թիւն զառածէր, եթէ մահն՝ որ ըստ երևու-  
 թին սարսափելի երևէր, յորմէ վախչէին ամենայն կենդանիք, ունի իմն աներևութա-  
 պէս օգուտ մեծ և բարութիւն ըզձայի, մինչև անձկանօք զնոյն խնդրել կենդանեաց ՚ի հանգիստ անձանց իւրեանց ։ Այլ յիրաւի, զի հանգիստ է ճշմարիտ, ըստ որում դառնան կրկին ՚ի սկիզբն իւրեանց յորմէ առան ։ Քանզի ամենայն սկզբնաւորեալ ոչ դադարի՝ մինչև դարձցի առ հեղինակն և սկիզբն իւր ։

Արդ՝ եթէ անբան կենդանեաց այտափ բարի և օգտաւէտ իցէ մահն, որ գիտէ միւսոյն ՚ի մարմնական տառապանաց հանդու-  
 ցանել զնոսա, ապա քանի՞ առաւել բարեգոյն և օգտակարագոյն չիցէ մարդկան ոչ առ նասնացելոց՝ այլ հոգիացելոց, որք բաց ՚ի

1 ՍԷՄ. ՃԱԸ. Յ. ։

մարմնական հանգստութենէ, այլ և զերանաւէտ և զհոգևոր հանգիստն և զվայելչութիւն անմահ փառաց ժառանգեցեն այսու մահուամբս: Քանզի զերժանին այնու ՚ի սանգխտական, տարժանակիր և տարաշխարհիկ վայրէս արքայանաց, և մերկացեալ զսպականացու դքուրձ մարմնոյն, ընկեցիկ արարեալ զամենայն զվիշտս խողարածութեան՝ դժսխըմբեր տանջանաց սուլու և ծարաւոյ բանին Ատուծոյ, և տեսութեան Հօրն երկնաւորի, ուրախասիրտ և սպայծառադէմ, կատարեալ հաւատով, աներկբայ յուսով և ջերմեռանդն սիրով չուեն դնան ժամանեւ հասանեւ և օթեանեւ ՚ի ցանկալի հայրենիան իւրեանց, ուր դտանին անթիւ վարձկանք հացալիցք: Անդ գորովագութ հայր նոցա ոչ իբրև դարձի ծառայից, այլ իբրև որդւոց սիրելեաց բազկատարած և զլուարթագէմ սպասէ ընդունել զնոսա յօթեւանս իւր սպարաստական: Ալ փութացեալ ընդ առաջ նոցա, համբուրելով գիրկ ընդ խառն խանդակաթ սիրով և մեծաւ հրրճւանօք, հրաւիրէ զամենեսին ուրախ լինել ընդ ինքեան ասելով. Արդ իքն իմ այսօրիկ մեռեալք՝ այսինքն բաժանեալք էին յինէն և կեցին. կորուսեալք՝ այսինքն հեռացեալք

էին յինէն, և գտան : Այսն որոյ և զգեցուցեալ նոցա զուստփայլ և զանասական պատմութեան աստուածային փառացն առաջին, (որք մինչ հոգւով էին առ նա՝ զգեցեալ ունէին.) դնէ և զմատանին իշխանական անդրաւ թագաւորութեան իւրոյ՝ ի մատուենն : Ազուցանէ և զկօշիկս անսայթաքելի և անտեղիտալի խայթուածոց սկզբնաչար օձին՝ յոտսնոցա : Այլ զենեալ մատուցեալ զեզն պարարակ՝ զամենտաղցր կերակուրն հոգւոց, զտեսութիւն ասեմ և զբանն աստուածային ի յազուրդ սովեալ որովայնի նոցա, հրամայէ դասուց հրեշտակաց հացալից ծառայից իւրոց՝ սրտրատուել զքնթրիս անասական սեղանոյն, ուտել և ըմպել ՚ի բերոյ որթոյ ՚ի սեղան հօր իւրոյ. սրբել և երգել և ուրախ լինել հոգեպէս ընդ դարձ որդւոց իւրոց : Արոց և իշխանութիւն տոյ ժառանգել զանասական և զանսպառ գանձս իւր ընդ մթերեալ գանձուց առաքինութեանց իւրեանց, զոր ստացեալ ՚ի սանդխտութեան անցաւոր կենացս այս՝ շտեմարանեցին ՚ի գանձարանի հօր իւրեանց որ յերկինս, ուր ոչ գող մերձենայ և ոչ ցեց ասականէ : Անդ ժառանգելով նոցա ՚ի թագաւորութեան հօր իւրեանց՝ զայս ամենայն վայելչական և

զերջանկաւ է տ բարու թիւնս՝ աղաղակէն յաւ  
 ւիտեանս յաւիտենից ասելով. « Ո՛ւր է յաղ-  
 թու թիւն քո մահ, ո՛ւր է խայթոցք քո զը-  
 ժոխք » :

Ահա զսոյն վայելչու թիւն տեսեալ հո-  
 գւոյն աչօք մարդարէն Գաւիթ՝ աղաղակէր  
 ասելով. « Որպէս փափաղէ եղջերու յաղ-  
 բերս ջուրց, այնպէս փափաղէ անձն իմ առ-  
 քեզ Աստուած . . . երբ եկից երևեցայց ե-  
 րեսացդ Աստուծոյ »<sup>1</sup> : Վասն որոյ և խնդրէր  
 զերծանել ՚ի պատառոտեալ քրձէ ապակա-  
 նացու մարմնոյն ասելով, « Տէր հան ՚ի բան-  
 աէ զանձն իմ, դոհանամ զանուանէ քումմիէ :  
 Ինձ սպասեն արդարք մինչև հատուցես »<sup>2</sup> :  
 Եւ ցորչափ յամէր ՚ի մարմնի, այնչափ լայր  
 և ողբայր դռչելով. « Վայ ինձ զի ընդ եր-  
 կար եղև պանդխտու թիւն իմ »<sup>3</sup> : Որում  
 համաձայնեալ և սրբազան առաքեալն Պօղոս՝  
 ասէր. « Նեղեալ եմ յերկոցունց, զցանկալն  
 ելանել և ընդ Քրիստոսի լինել, առաւել  
 լաւ համարիմ »<sup>4</sup> : Աւասիկ յաղթանակու-  
 թիւն մարդոյ ՚ի վերայ մահուան. զի ոչ եր-  
 կընչի երբէք ՚ի մահուանէ՝ որ զմարմինն ըս-

1 Սղ. ԽԱ. 1 :

3 Սղ. ՃԺԹ. 5 :

2 Սղ. ՃԽԱ. 7 :

4 Փիլ. Ա. 23 :



պանանէ . և ոչ իսկ սարսափեալ իբրև զան-  
 բան կենդանիս փախչի ՚ի նմանէ . այլ դո-  
 ղայ , երկնչի և փախչի յայնմանէ որ զհոգին՝  
 այսինքն զանձն սպանանէ , վասն որոյ և ասէ .  
 « Ս՛վ մահ , որպէս զի դառն է յիշատակ քո » .  
 զի փոխանակ հանգստեան նորանոր տանջանս  
 ինձ ստարաստես . փոխանակ ցանկալի և փա-  
 ռաւոր հայրենեաց իմոց , յանսպասու թա-  
 փուրս , և ՚ի գազանուտ դիւարնակ վայրս և  
 յանձանօթ տեղիս տարագէմ զիս արկանես :  
 Փոխանակ ամենաքաղցր և լուսաւոր դիմաց  
 և փափկասնոյց գրկաց հօր իմոյ , ՚ի դժնդակ  
 և ՚ի գիշերատիպ գարշելի դէմս և ՚ի հրա-  
 ծորան գիրկս գիւաց ոստաց իմոց հրաւի-  
 բես զիս : Փոխանակ յաւիտենական և ան-  
 պատում կենացն հրճուանաց՝ զդառնագոյն  
 և զանդրաւ տանջանս մահու ինձ ջամբես :  
 Ի վերջէ՛ փոխանակ լուսափայլ անսպական  
 և փափկագոյն սրտմուճանին փառաց և իշ-  
 խանական մատանւոյն և եզինն սրարակի  
 և հրեշտակային սրբուց երգոց և ուրա-  
 խութեան , զքուրձ խաւարային տղմոյ , զան-  
 շիջանելի հուր գեհենոյն , զանխղելի շղթայս  
 մշանջենաւոր գերութեան , զանմահ և զաղ-  
 բալի որդն խայթուածոց մտացն խղճի , զքն-  
 թայմունս սպառնալեաց գարշատեսիլ դի-



ւաց, զճիչ և զաղաղակ, զողբումն և զլաց և զկրճումն ատամանց ինձ մատուցանես : Այս արն որոյ յիրաւի ուլ մահ ( հոգւոյ ), սրպէս զի դառն է յիշատակ քո : Քանզի մահ մարմնոց արդարոց ոչ եթէ մահ համարի՝ այլ քուն, և որ արդարն է՝ գիտէ հաւաստեալ եթէ Փրկիչն իւր Յիսուս պատրաստ է գալ և զարթուցանել զբարեկամն իւր Ղազարոս, որ հաւատով և վերստին ծննդեամբն ՚ի հոգւոյն՝ ծանօթացաւ պարգևողին կենաց, որ անդանդազ գայ ՚ի զարթուցանել զնա, և հրբաւիրել ՚ի հարսանիսն անապական կենաց, շնորհելով հաղորդութիւն անձային կենաց և թագաւորութեան, ՚ի ժառանգել զանվախճան ուրախութիւնն յանդրաւ յաւիտեանս :

Իսկ մահ մարդոյ անասնացելոյ, այսինքն մեղաւորի և անհաւատի, է ճշմարտապէս մահ չար և դառնագոյն, ըստ որում կամաւ իւրով զրկի յատուածային անսութենէ և ՚ի միաւորութենէ, որպէս ըստ մարմնոյ՝ որ բաժանի մահուամբ ՚ի հոգւոյն, ուստի ոչ կարելով յաղթել նմա, մասնի յիշխանութիւն նորին զօրէն զինուորի պարտելոյ վատութեամբ անձինն : Այսն որոյ և զկնի ճաշակելոյ զանհնարին դառնութիւն նորա, ինդրէ զմահ զօրաւորագոյն և ոչ գտանէ :

Եւ տեսեալ զայլանդակ տեսիլ կերպարանին իւրոյ և զընկերակցացն իւրոյ դիւաց, որոնէ տեղի թաքստեան, զոր ոչ գտեալ գոռայ գոչէ յաւիտեանս յաւիտենից ասելով լերանց՝ թէ « Լնկերուք ՚ի վերայ իմ, և բլրոց՝ թէ ծածկեցէք զիս »<sup>1</sup> : Լնդաչէ զմահ, և ոչ ինչ օգտի, մաղթէ Աբրահամու տալ նմա ծայրիւ ծագի մատին ջուր ՚ի զովացումն յեռաբորբոք սասքմանէն, բայց ոչ որ անսայ նմին : Օ, ի ոչ եթէ նորա և եթ՝ այլ ինքն անձին իւրում անգութ թնամի է, քանզի Աստուած դարձուցանէ ՚ի նմանէ զերեսս իւր :

Սիւ անձն իմ եղկելի . փութացիր ապա փախչիլ ՚ի չարեաց, փախագել բարեաց, քեզ միշտ մերձ ծանիր քուն մահու եկեալ քննող դատաւոր : Բայց վայ է ինձ, և աւաղ, զի ոչ երբէք ունիմ զօրութիւն փրկելոյ . իսկ դու միայն ես յոյս իմ և ապաւէն փրկութեան, ակնկալութիւն իմ Աստուած, և փրկիչ իմ Յիսուս Քրիստոս, որ եսդ իսկապէս միմիայն Փրկիչ բոլորից, փութա զիս փրկել փորձութեանց մեղաց . քաւիչ յանցանաց քաւեա զօրհնաբանս, քեզ երգել զփառս . սրբուհւոյ Աստուածածնին բարեխօսութեամբ, յիշեա աէր և ողորմեա :

1 Դ-ի . ԻԳ . 30 :

Եւ արդ՝ որդեակ իմ, կեքեմ զբանս իմ՝  
 երկրորդելով զխմասանոյն, թէ Առբ որդեակ  
 խրատու հօր քո, ճշմարիտ ուսուցչին և վար-  
 դապետին Յիսուսի. և մի՛ մերժեր զօրէնս մօր  
 քո, սուրբ Եկեղեցւոյ, որ աւետարանաւ 'ի  
 Քրիստոս ծնաւ զքեզ: Օգոյշ լեր 'ի խմորոյ՝  
 իմա յաղանդոյ Սաղուկեցւոյ և Փարիսեցւոյ:  
 Փախիր 'ի թիւնալից և 'ի մահառիթ գրեանց  
 և 'ի դործոց նոցա, իբր 'ի մահաբեր ծառոյ  
 գրախտին. մի՛ մերձենար, մի՛ հուսկ լինիր և մի՛  
 ճաշակեր զպտուղս նոցին: Օ ի որպէս սկըզ-  
 բնաչար օձն թշնամին բարութեան մարդոյ՝  
 խոստանալով նախածնողաց զոյգ բնդ ճաշա-  
 կել ստողոյն՝ աստուածանալ, և ապստամբեալ  
 ստուռնդանութեամբ սատուիրանին զրկեաց  
 'ի նոյն իսկ փառաց նմանութեան և սատ-  
 կերակցութե՛ Աստուծոյ, և յանմահութենէ  
 զոր ունէին, և կապեալ կողոստեալ 'ի բռ-  
 վանդակ շնորհաց՝ հաւասարեաց զնոսա ա-  
 նանոց անբանից և նմանեցոյց նոցա: Ամա-  
 նապէս և սօքա որք խոստանան այլոց զխմաս-  
 տութիւն, բայց ինքեանք գոլով զգալեաց և  
 ապականութեանց ծառայք, զրկեալ մոլորե-  
 ցուցանեն զունկնդիրան 'ի շնորհաց սրբոյ ա-  
 ւետարանական վարդապետութեան, յիմաս-  
 տութենէ ճշմարիտ աստուածգիտութեան,  
 զոր ունիմք բնկալեալ աւանդութեամբ և քա-

բողութեամբ Եկեղեցւոյն Քրիստոսի : Այսն որոյ և փոխանակ իմաստնանալոյ և լուսաւորելոյ մտացս՝ լինիմք ազէտք, յիմարք և անասնացեալք . ուստի և մնալով ՚ի խաւարի աստուածանդիտութեան՝ զրկիմք յաստուածային փառաց հաղորդակցութենէ :

Այս քնկալ սրբեակ իմ, զդուզնաքեաց բանս զայս, և կրկնեա երեքկնեա, ծապքելով և որոճալով ՚ի միտ առ զամենայն գրեալս, քանզի ոչ վայրասպար աստէն ՚ի գիր արձանացուցի, խորշելով միանգամայն յերկարաբանութենէ . որ թէ և գործ համբակի, այլ յուսամ եթէ ախորժելի վերձանողացն հանդիպեսցի : Աւ գիր զսա նարտակ մտացդ, և ջանա ՚ի նոյն կրթել զամենայն զգայարանս և զկիրս մարմնոյդ ըստ վայելչութեան բնութեանս, և հնազանդեցուսջիր զնոսա հոգևոր զգայարանաց և շարժմանց քոց : Այլ և հետեւելով աստուածային սլաղամայն՝ խրնդրեսցես զաիւ և զգիշեր արթնութեամբ հոգւոյ և զգաստութեամբ մարմնոյդ աղօթելով, զի բացցին գրուէք զգայարանաց անձինդ, ոչ ճաշակմամբ ստղոյ մահաբեր ծառոյ, որպէս նախածնողաց մերոց, այլ կենսատու շնորհօքն Քրիստոսի և ստղովք ծառոյն կենաց՝ ամենասուրբ մարմնոյ և արեան նորա, առ ՚ի ճանաչել զԱստուած և զքեզ, և լինել որդի Աստուծոյ և ժառանգ Հօրն երկնաւորի :

Ի վերջէ, եթէ արժան թուիցի քեզ տալ  
 զայն յընթերցումն կամ յօրինակութիւնն ու  
 բոց խնդրենն, եղիցի այն քեզ և ինձ օգուտ  
 և վարձ: Իսկ եթէ որ ՚ի գիտնոց զայն ընթեր-  
 ցեալ անգոսնիցէ զհամբակութիւնն իմ, մի՛  
 ընդ այն դժուարիցիս, զի գուցէ նա առաւ  
 ւելագունին քան զայս բաւական գոլով ՚ի  
 յօրինումն, իրաւունս ունիցի արհամարհե-  
 լոյ: Վանզի ոչ ընդդիմանամ և ես, եթէ չի-  
 ցեն սպրդեալ յայս աշխատասիրութիւնն իմ  
 խակակութ բանք հետեակ մատենագրու-  
 թեան և վրիպմունք ակամայք. այլ ս՛ երբէք  
 ետես ծառ սրողատու որոյ համայն ստուղք  
 թէ ՚ի համս, թէ ՚ի հոտս, թէ ՚ի գոյնս և եթէ  
 ՚ի բովանդակ գեղն համահաւասարք իցեն,  
 և չգտանիցի ՚ի նոսա խակք, արատաւորք և  
 մնասեալք: Արդ՝ եթէ փայտն դալար զգոյն  
 առնէ, չորն քանի՛ առաւել, այսինքն եթէ  
 բնութիւնն այսու եղանակաւ յառաջ ածէ  
 զբերս իւր, ապա տկար և համբակ որ զիմրդ-  
 զբովանդակ բերս մտաց իւրոց համանգամայն  
 անարատ և անվրէպ յառաջ բերիցէ: Աւստի  
 խնդրեմ զի այնպիսի որ կատարելութեամբ  
 իւրով սքողեալ զանկատարութիւնն իմ, գոնէ  
 աշխատանացս ակն առեալ անմեղադիր զիս  
 և ազատ ՚ի քամահանաց կացուսցէ: Իսկ եթէ  
 այլ որ զմտաց բանին անտես արարեալ, և ան-  
 բաւական առնել ինչ լաւագոյն քան զայս,  
 զչարեալ վառեալ նախանձու ատելութեան՝





յանդգնիցի արհամարհել զաշխատութիւն  
իմ, այնպիսին ներեալ լիցի Ռատուծոյ և յի-  
նէն, քանզի զոգիտութիւն իւր յայտնէ, որոյ  
վասն ոչ ինչ փոյթ է ինձ, գիտելով քաջ՝ եթէ  
ամենայն ծառք ստղատուք քարկոծեալք  
յանցաւորաց, կոխան ոտից անկանին միշտ :

Պատուիրեմ քեզ և զայս, զի որովհետև  
ի մահիձս մեծի հիւանդութեան անկեալ,  
յուսահատ ՚ի մարմնաւոր կենացս, գրեցի քեզ  
զսոյն իբր կտակ հայրական, գուցէ վախճա-  
նեալ իմ յաստի կենացս ոչ և ս կարացից տե-  
սանել զխորրիկ որդեակն իմ զՍտեփանոս՝ և  
զեղբայր քո որ ՚ի Թրեստ ՚ի պանդխտութեան  
կոյ, դու փոխանակ իմ հայրաբար խրատելով  
կրթեալիբ զնա յամպաշտութեան, և զօրինակ  
գրոյս տացես նմա, զի և նա քաղեսցէ աստի  
յանձին պտուղ ինչ հոգեշահ : Իսկ վասն թո-  
ւանց իմոց՝ որդւոցդ, գիտեմ զի դու առա-  
ւելքան զիս հոգասացես և ոչ գտցիս պարտա-  
ւոր նոցա : Վղջ լեր ՚ի յիշատակ բարի և ՚ի  
մխիթարութիւն ինձ՝ որ եմ

Ի Սան Պետրբուրգ,  
15 յունիսի 1793 :

Սեղամաճ ծառայ փեռան  
և հայր չո՛ Մարգար Զատա-  
րիա Խոճենց Երևանցի :





Գ. ԼԻՍԿԱՆՔԻ ԳՆԹԻՒՆ

ՄԱՏԵՆԻՍ

	Նամակ առ որդիքն իւր . . . . .	1 :
ՄԱՍՆ Ա.	Յաղագս աշխարհի ման և յառ իւրի ման մարտոյ . . . . .	5 :
ՄԱՍՆ Բ.	Յաղագս հնգից շփոյարանոց . . . . .	75 :
	ԿԱՆԻԱԲԱՆՈՒԹԻՒՆ . . . . .	" :
ՅՕԴՈՒԱՏ Ա.	Յաղագս քիւսնի լեաց . . . . .	85 :
—	Բ. Յաղագս լեի լեաց . . . . .	96 :
—	Գ. Յաղագս հարստի լեաց և նիգաց . . . . .	104 :
—	Դ. Յաղագս ճաց և ճաղի լեաց . . . . .	115 :
	Պարսոյի ման . . . . .	128 :
—	Ե. Յաղագս շաղի լեաց, այսինքն յեւոյ. շաղի որս քաղաքի և շաղի ման, այսինքն որս . . . . .	157 :
ՄԱՍՆ Գ.	Յաղագս Բանի, և ճանց գլխա որ մարտիային իրից՝ այսինքն Ժնդի ման, նիջման և մահոսան . . . . .	148 :
	ԿԱՆԻԱԲԱՆՈՒԹԻՒՆ . . . . .	" :
—	Յաղագս Բանի . . . . .	151 :
—	Յաղագս Ժնդի ման ինդի ման . . . . .	165 :
—	Յաղագս ճնոյ . . . . .	187 :
—	Յաղագս մահոսան . . . . .	201 :
—	Վիշի ման Բանի . . . . .	221 :

